


**EXAMEN
THEOLOGICUM SUPER
REGULIS OCTO EX
INSTRUCTIONE R.
ADM. D. PETRI VAN...**

Franciscus : Bonae Spei



50 50
B A
- 36







refutata. ubi et illud, quod nunciatum est, non recipitur nequeat definiti.
Abonq. spei.

E X A M E N
THEOLOGICVM
SVPER
REGVLIS OCTO

Ex *Instructiōe* R. Adm. D. Petri van Buscum, &c.
Et hujus ab eodem *Defensione.*

A V T H O R E

F. FRANCISCO BONÆ SPEI, (*Crespin*)

*Provincia Flandro-Belgica Ord. FF. B. M. V. de
Monte Carmelo bis Provinciali, ac S. T.
Professore emerito.*



BRUXELLÆ,

Typis HENRICI FRICK, ad insignē Typographiæ. M. DC. LXXII. +

Cum gratia & Privilegio.

THEOLOGICAL

REGVLS OCTO

IN ANTIQVITATIBVS

IN ANTIQVITATIBVS

IN ANTIQVITATIBVS



IN ANTIQVITATIBVS

IN ANTIQVITATIBVS

AD LECTOREM.

Libelli duo R. Adm. D. PETRI VAN BVS CVM, &c. quorum
 uni titulus, Instructio ad Tyronem Theologum de Methodo Theo-
 logica octo Regulis perstricta. Alteri verò, Defensio PETRI VAN BUS-
 cum S. T. L. Ecclesiæ Cathedralis S. Bavonis Gand. Canonici Pœnitenti-
 narii, adversus ea, quæ P. ÆGIDIUS ESTRIX, Societatis Jesu, S. T.
 Lovanii Professor, in libro à se edito, cui titulus: *DIATRIBA SCHOLA-
 STICA*, &c. opponit Instructioni ad Tyronem Theologum. *Mibi ad Exa-
 men in fine Martii 1672. transmissi sunt: parui, & examinavi, secutus D.
 Augustini de dono persev. cap. 16. monitum:* Dicatur ergò verum, maximè
 ubi aliqua quæstio, ut dicatur, impellit, & capiant, qui possunt, nè
 fortè, cum tacetur propter eos, qui capere non possunt, non solum
 veritate fraudentur, verumetiam falsitate capiantur, qui verum capere,
 quo caveatur falsitas, possunt. *Tu igitur Examen nostrum, uti illud
 Divi Augustini monitum, equi bonique consulas: Vbi tamen aliquid
 hæreticum dico, id semper in rigore accipi nolo, sed interdum pro repu-
 gnante propositioni ex Scriptura, Traditione, aut decreto fidei, per legi-
 timam consequentiam deducta. Et advertas, velim, me nihil movere
 ex dente, sed totum de fide, ideoque me quasi dubium ubique Authoris men-
 tem querere, & ad meas Quæstiones prestolari, non mera scommata,
 prout aliàs ex Antipapistia à quodam Regularum Patrono emissã; sed
 ab Orthodoxo categorica ad singulas Responsa, ut Examini meas constan-
 tiores subdam Resolutiones. Interea Examen illud meaque omnia S. Ro-
 manæ Ecclesiæ correctioni & censura humiliter ac reverenter subjicio.*

APPROBATIO CENSORIS ORDINARIJ.

Infrascriptus EXAMEN THEOLOGICUM super Regulis octo R. Adm. D. Petri
 van Buscum ad Tyronem Theologum, à R. Adm. P. FRANCISCO BONÆ SPEI,
 Ord. FF. B. M. V. de Monte Carmelo Provincia Flandro-Belgica huius Provinciali
 confectum, attentè legi, Virorum etiam doctorum audivi judicia; & quia
 subtiliter in multas congruasque Quæstiones est distributum, & aliunde ni-
 hil fidei Catholicæ aut bonis moribus contrarium continere deprehendi,
 utiliter & cum fructu quamprimum in lucem edetur. Datum Lovanii
 3. Maii 1672.

NICOLAUS DU BOIS Theologus & Iuriconsultus, Sacrarum litterarum in Uni-
 versitate Lovaniensi Regius & Primarius Professor, Cathedralis Brugensis &
 Divi Petri Lovani Ecclesiarum Canonicus, Librorum Censor.



T H E O L O G O R V M O R D I N I S.

EXamen hoc Theologicum *super Regulis octo ex Instructione R. Adm. D. Petri van Buscum, & hujus ab eodem Defensione, à R. Adm. P. FRANCISCO BONÆ SPEI, Provinciae Flandrie-Belgicae Ord. FF. B. V. MARIAE de Monte Carmelo huius Provinciali, ac S. T. Professoris Emeriti, enucleatum in omnibus & per omnia nititur huic regulæ Agathonis Papæ: * Sic omnes sanctiones Apostolicae Sedis accipiendæ sunt tamquam ipsius Divini vocis Petri firmata; & alteri simili D. Augustini. * Evangelio (& sic de Traditionibus Divinis) non crederem, nisi me Ecclesiæ Catholica commoveret auctoritas; ex quibus ipse hujus EXAMINIS, totius suæ impressæ Theologiæ, aliorumque multorum ingenii sui feliciter editorum partuum, principia petiit: ac proindè illud publicâ luce dignissimum censens, ut ab omnibus Sæcæ ac veræ Catholicæ Theologiæ amatoribus æquâ, & absque præjudiciis indeterminatâ, lance libretur. Datum in Carmelo nostro Bruxellensi 20. Aprilis 1672.*

F. JACOBUS A S. ANTONIO, non ita pridem S. T. Professor Lovanii, ejusdem Ordinis.

F. SEBASTIANUS A S. PAULO, S. T. Professor Lovanii, ejusdem Ordinis.

F. MARCUS A RESURRECTIONE DOMINI, S. T. Professor Lovanii ejusdem Ordinis.

* Cap. Sic omnes; dist. 19. * Contra Epist. fundam. cap. 5.

SUMMA PRIVILEGII.

CAROLUS Dei gratia Hispaniarum, &c. Rex Catholicus, Dux Burgundiæ, Brabantiae, &c. Serenissimus Belgarum Princeps, &c. Diplomate suo Sanxit, nè quis præter Henrici Frick Typographi Bruxellensis voluntatem, hoc EXAMEN THEOLOGICUM in Belgio Excudat, &c. Uti latius patet in litteris datis 17. Maii 1672.

Signat

LOYENS.


EXAMEN THEOLOGICVM SUPER REGULIS

Ex *Instructiōe*

Rev. Adm. D. Petri van Buscum ad Tyronem
Theologum & hujus ab eodem *Defensione.*

EXAMEN PRIMUM, *Super Regula 1. & 2.*

D. BUSCUMIUS.

1.  Regulā prima. Tyro Theologus, nè erret, aut seducatur, debet absque præjudiciū indeterminatus, eousq; herere inter partes Scholasticorum, donec ex ipsis Theologia principii convincatur de veritate. Principia hæc assignantur Regula 2. quæ est. Sacra Theologia à duobus tantum principiis est petenda: Scripturâ scilicet & Traditione.

2. Ut autem istæ duæ Regulæ commodiùs examinentur, addenda est Regula 8. quæ sic habet: Ea, quæ semel infallibiliter demonstrata sunt, esse de fide, non sunt amplius in questionem vel disputationem revocanda; sed ut fidei positiones, & dogmata, & tamquam certa Theologia principia in Catologo, aut Volumine conservanda. Illa verò, quæ nondum infallibiliter demonstrata sunt, esse de fide, à Theologi disputari, & probari eousque debent, donec ab Ecclesia definiantur. Ubi subdit: Hoc spectale est in Theologia, quod ipsius principia ab Ecclesia infallibili auctoritate proponantur, definiantur, determinentur; sic enim Christus Dominus suam sponsam doravit, ut sit columna veritatis, contra quam porta inferi numquam prævaleant. Vultur autem Ecclesia infallibili hac sibi à Christo relicta auctoritate, tam in dubiis & questionibus fidei defendendu, quàm erroribus & hæresibus anathematizandis, tribus modis. 1. Quando ipsa in Concilio Generali congregata definit: sunt enim definitiones Conciliorum adeò certæ & infallibiles, quàm ipsum Evangelium. Nihil enim interest, an Verbum Dei sit scriptum, an sine scripto traditum. Hoc sensu Magnus Pontifex Gregorius confitebatur, quatuor primis Conciliis Generalibus non minorem deberi honorem, quàm quatuor Evangelii, &c. His positis.

A U T H O R

Q U Æ S T I O I.

3. **Q**uæritur primò. An D. Buscumius per *demonstrata esse de fide*, ibi, juxta modum primum comprehendat *Definita ab Ecclesia in Concilio Generali congregata*?

4. Si affirmet: per ipsum definita ab Ecclesia in Concilio Generali congregata sunt tamquam certa Theologia principia in *Cathalogo*, aut volumine conservanda, ut docet Regula 8. Undè hæc à principiis S. Theologiæ malè excludit. Reg. 2. per particulam *santum*, uti infra videbimus.

5. Si neget, quod non credo: adferre nequit certiore & infallibilior demonstrationem, quàm demonstrantur aliqua, *esse de fide*; quia de definitionibus Ecclesiæ in Concilio Generali congregata ibidem, ut vidimus, dicit: sunt enim definitiones Conciliorum adeò certa & infallibiles, quàm ipsum Evangelium: Et sic consequenter negare debet, dari demonstrationem, quam Regula 8. asserit. Ea, quæ, &c.

Q U Æ S T I O. II.

6. **Q**uæritur secundò. An D. Buscumius Regula 2. per *S. Scripturam & Traditionem* intelligat illas, prout sunt ex Christi ore ab Apostolis expressè acceptæ, aut ab ipsis Apostolis Spiritu Sancto dictante, quasi per manus expressè traditæ, ab Ecclesia infallibili autoritate expressè propositas, definitas, determinatas?

7. Si affirmet, prout affirmare videtur, verbis suprà citatis: *Hoc speciale est in Theologia*, quod ipsius principia ab Ecclesia infallibili autoritate proponantur, definiantur, determinentur. Per *Scripturam & Traditionem* potissimum intelligit *Scripturam & Traditionem* in aliquo Concilio Generali, v. g. Tridentino sess. 4. infallibili autoritate propositam, definitam, determinatam his verbis: *Perspicisneque hanc veritatem & disciplinam contineri in libris scriptis, & sine scripto Traditionibus, quæ ipsius Christi ore ab Apostolis acceptæ, aut ab ipsis Apostolis, Spiritu Sancto dictante, quasi per manus traditæ, ad nos usque pervenerunt, Orthodoxorum Patrum exempla secuta, omnes libros, tam veteris, quàm novi Testamenti, cum utriusque unus Deus sit author, nec non traditiones ipsas, cum ad fidem, tum ad mores pertinentes, tamquam vel oretenus à Christo, vel à Spiritu Sancto dictatas, & continuâ successionem in Ecclesia Catholica conservatas, pari pietatis affectu ac reverentiâ suscipis, & veneratur. Sacrorum verò librorum indicem huic decreto adscribendum censuit, &c.* Hòc autem datò, fallit ad Regulam 6. scribens: *Per hoc enim cognoscimus, Scripturam esse Verbum Dei, quod Ecclesia per traditionem instructa sic definit, & declarat*

clarat hos libros à Spiritu Sancto dictante esse conscriptos, ita ut primum & originale principium omnium eorum, quæ fide Divinâ credimus, sit traditio. Quia neque Concilium Generale, quod primò id definivit, fuit per Traditionem ita definitam instructum, neque Trâditio ita definita, fuit tale principium, ut patet.

8. Neque dicere potest, fuisse priùs definitam communi Ecclesiæ consensu: tùm quia est *quæstio facti*, in qua ad *Regulam* 7. scribens, etiam Concilio Generali negat infallibilitatem: tùm quia communi de infallibilitate Pontificis, quando solus absque consensu & approbatione aliorum Antistitum aliquid definit, consensui, qui fuit ante Gersonem, & nonnullos alios, etiam ad *Regulam* 8. negat infallibilitatem, uti & ad *Regulam* 7. communi de immaculata conceptione D. Virginis consensui, qui fuit ante D. Thomam.

9. Si neget primam partem, prout sunt, &c. per *Scripturam* & *Traditionem* intelligere debet, etiam illas, quæ in expressis virtualiter tantùm & implicitè continentur; & sic ejus *Regula* 2. Ex duobus principiis, *Scriptura scilicet & Traditione* fallit; quia principia debent esse clara & expressa, qualia illæ ut tales non sunt.

10. Si neget secundam partem, ab Ecclesia, &c. per *Scripturam* & *Traditionem* intelligere debet nondum ab Ecclesia infallibili autoritate propositas, definitas, determinatas, ac sic quoad nos adhuc incertas & dubias, quò datò, ipsius *Regula* 2. supra citata, hunc habet sensum: Sacra Theologia à duobus tantùm principis est petenda: *Scripturâ scilicet & Traditione*, nondum ab Ecclesia infallibili autoritate propositis, definitis, & determinatis, quod indubiè non sentit, cum Sacræ Theologiæ principia debeant esse certa & infallibilia, etiam per ipsum, ut patet ex verbis ejus n. 1. citatis, & foret erroneum contra Toletanum 1. *Can.* 21. infra n. 17. & Tridentinum *Ses.* 4. n. 59. Lirinensem n. 83. & Augustinum n. 21, 113. 114. commodiùs citatos.

Q U Æ S T I O III.

11. **Q**Varitur tertio. An si D. Bulcunius *Regula* 2. *Scripturam & Traditionem* intelligat ab Ecclesia infallibili autoritate expressè propositas, definitas, determinatas, velit propositionem, definitionem, determinationem, quâ ab Ecclesia infallibili autoritate proponuntur, definiuntur, determinantur, esse *Scripturam & Traditionem* ad quæstionis 2. sensum, prout sunt ex Christi ore ab Apostolis expressè accepta, aut ab ipsis Apostolis Spiritu Sancto dictante, quasi per manus expressè tradita?

12. Si affirmet: necesse est, consequenter affirmet, omnia Conciliorum & Pontificum Decreta, Sanctorum Patrum & antiquorum libros, contenta obscure, implicitè, & indeterminatè in *Scriptura & Traditione* explicantia, definiientia, determinantia, esse quoad hanc suam *explicationem, definitionem, determinationem* ipsius Christi ore ab Apostolis expressè accepta, aut ab Aposto-

lis, Spiritu Sancto dictante, quasi per manus expressè tradita, prout affirmare videtur ad Regulam 6. scribens: *Vndè doctrina Conciliorum & Patrum non est ipsorum, sed Apostolorum & Christi, à quibus illam per traditionem acceperunt; quia hæc ipsorum doctrinam in ista explicatione, definitione, determinatione, quæ ante, tempore Christi & Apostolorum, à Christo & Apostolis expressè non erat, consistit: hoc autem verum esse non potest, nisi ex hoc principio, qui per Vicarum facit, per se facere censetur.* Sed cum eam neget ad Regulam 8. Christi Vicario ut tali soli, qualis est solus, definienti, uti Christus solus definivit, ipsi non servit.

13. Affirmat autem illa quoad suam obscurè, implicitè, & indeterminatè in Scriptura & Traditione contentorum explicationem, definitionem & determinationem esse ipsius Christi ore ab Apostolis expressè accepta, aut ab Apostolis, Spiritu Sancto dictante, expressè tradita: aut negat?

14. Si prius: ista illorum explicatio, definitio, & determinatio obscurè, implicitè, & indeterminatè in Scriptura & Traditione contentorum clara & expressa, non est clara & expressa illorum Conciliorum & Patrum doctrina; sed clara & expressa Apostolorum & Christi, à quibus illam per traditionem claram & expressam acceperunt: quia autem frustra sunt Conciliorum & Pontificum decreta, frustra Sanctorum & antiquorum libri, pro clara & expressa Christi & Apostolorum doctrina, sequitur, omnes Conciliorum & Pontificum, Sanctorum & antiquorum librorum de contentis, etiam obscurè, implicitè, & indeterminatè in Scriptura & Traditione, explicationes, definitiones, & determinationes claras & expressas esse tam inutiles & frustraneas, quam doctrinæ Christi & Apostolorum claræ & expressæ doctrinam Conciliorum, &c. claram & expressam; ac per consequens omnia Conciliorum & Pontificum decreta, omnesque Sanctorum Patrum & antiquorum libros, utpotè solas explicationes, definitiones & determinationes claras, & expressas continentes non suas, explodi debere ut inutilia & frustranea, quod soli asserunt hæretici manifesti.

15. Si posterius: accipe responsum sequens, simul pro altera parte Responsionis 3. n. 11.

16. Si neget: fateri debet, *Primò*: doctrinam Conciliorum & Pontificum quæ ad obscurè, implicitè & indeterminatè in Scriptura & Traditione contentorum explicationem, explicationem, definitionem & determinationem non esse Christi & Apostolorum, sed ipsorum sub infallibili, nè errarent, Spiritus Sancti assistentia; neque hoc absque dicta hæresi negari posse. *Secundo*: Regulam suam 2. *Sacra Theologia à duobus tantum principijs est petenda, Scripturâ scilicet & Traditione*, quatenus per particulam tantum à S. Theologiæ principijs excludit Conciliorum & Pontificum obscurè, implicitè & indeterminatè in Scriptura & Traditione contentorum explicationes, explicationes, definitiones, & determinationes claras & expressas (cum hæc magis sint S. Theologiæ principia, quàm in Scriptura & Traditione obscurè, implicitè & indeterminatè conten-

ta) esse hæreticam, haud secùs quàm hanc : *Fides Catholica à duobus tantùm principijs est petenda, Scripturâ scilicet & Traditione; non verò à Conciliis & Pontificum fidei Decretis & Canonibus Sacris.*

17. Ratio est: quia Concilium 1. Toletanum *Can. 21. in assert. Catholica fidei sic definit: Si quis dixerit, vel crediderit alias Scripturas (idem est de Traditionibus divinis ex Trid. sess. 4.) præter eas, quas Catholica Ecclesia recipit, vel in auctoritate habendus esse crediderit, vel fuerit veneratus, anathema sit.* Undè merito in parvo Catechismo Canisii fides definitur: *Donum Dei, ac lumen, quò illustratus homo firmiter assentitur iis, quæ Deus revelavit, & nobis per Ecclesiam (nota) credenda proposuit, sive scripta sint, sive non sint; Ergo addi debet Ecclesia propositum, tamquam tertium à nobis credendorum ac S. Theologiæ principium.*

18. Nec dicere potest. se à Regula 2. ista non excludere; sed, cum ad Regulam 2. expressè scribat. *Peti autem debet traditio ex Conciliis & Pontificum decretis, & Sanctorum Patrum & antiquorum libris, se velle Traditionem (de qua ibi: Per Traditionem similiter per excellentiam intelligitur traditio Divina, quæ est Verbum Dei non scriptum, & continet sub se omne illud, quod Deus revelavit, & de manu ad manum ad nos usque pervenit, absque eo, quod à Spiritu Sancto dictante scriptum sit) illa in se continere.* Quia hoc imprimis est falsum: siquidem illa, prout est *Verbum Dei non scriptum*, fuit Christi ore ab Apostolis clarè & expressè acceptum, aut aliòqui ab ipsis Apostolis, Spiritu Sancto dictante, quasi per manus clarè & expressè traditum Verbum Dei scriptum, quod ab illis acceptum firmâ fide tenemus: Conciliorum verò & Pontificum decreta, quoad suam de obscurè, implicite & indeterminatè in Scriptura & Traditione ista contentis *claram expressionem*, fuisse Christi ore ab Apostolis clarè & expressè accepta, aut ab ipsis Apostolis Spiritu Sancto dictante quasi per manus clarè & expressè tradita, ex consequenti hæreticum est, ut supra ostendi n. 14 & 16.

19. Deindè dicens: *Peti autem debet Traditio ex conciliis & Pontificum decretis, & sanctorum Patrum & antiquorum libris:* aut vult, hæc esse ipsius Traditionis, de qua ex ipso ante, *principium*, aut *Traditionem* esse horum principium?

20. Si priùs: illa, cum sint, ipsò sic volente, ipsius Traditionis principium, debuissent Regula 2. loco Traditionis poni, aut saltèm pro tertio principio assignari: quomodò tamen id dicere possit, non satis apparet, cum ad Regulam 6. scribat: *Per hoc enim cognoscimus, Scripturam esse Verbum Dei, quia Ecclesia per Traditionem instructa sic definit, & declarat hos libros à Spiritu Sancto dictante esse conscriptos, ità ut primum & originale principium omnium eorum, quæ fide divinâ credimus, sit Traditio, utique prior definitione, quâ Ecclesia per illam instructa sic definit, & declarat hos libros à Spiritu Sancto dictante esse conscriptos; alioqui falleret, quod addit, ita ut primum & originale principium omnium eorum, quæ fide divinâ credimus, sit traditio.* Et erroneam redderet ad hanc quæstionem, undè habes Ecclesia, quæ nobis credenda proponit, libelli

Scripturam & Traditionem : è contra verò , cum Tyro Theologus , quem D. Busemarius suâ Reg. 2. instruit , non sit talis Judex , nec *Scriptura & Traditio* sint ab ipso fide Divina , saltèm ab Ecclesia definita , tenendæ , priusquam à tali Jufide Divinâ credendæ , sub infallibili , nè erret , Spiritus Sancti assistentia , dice proponantur , definiantur , determinentur ; non solum implicita *Scriptura & Traditio* non potest ipsi , absque ista *propositione , definitione , determinatione* , esse *S. Theologia principium* ; quia hoc debet ipsi esse certum , clarum & expressum , quale ipsi ut sic non sunt : sed nec clara & expressa *Scriptura & Traditio* , sine ista *propositione , definitione , determinatione* sunt fide divinâ ab Ecclesia definita credendæ ; quia aliundè ipsi certæ , & fide Divinâ ab Ecclesia definitâ credendæ esse non possunt.

25. Undè fallitur , & omnes contra se præmissas difficultates confirmat D. Busemarius in sua *Defensione* pag. 17. scribens : *Quod si fides nostra ab his duobus tantum principii petenda sit , Scripturâ scilicet & Traditionibus , poterit S. Theologia , quæ est doctrina fidei , aliundè peti ? Quia non distinguit inter fidem à Tyrone Theologo fallibili ab istis duobus tantum principii petendam & fidem à primo omnium post S. Petrum Iudice fidei controversiarum infallibili ab istis duobus tantum principii petendam , quæ valdè distinguenda , ut vidimus , Dixi primo ; quia posterior etiam debet illam petere à prædecessorum suorum fidei definitionibus ; ergo à fortiori Tyro Theologus.*

26. Ac proindè ad hanc interrogationem , quam subdit : *Es qui negativum asserit , dicendusnè erit , Pontificiam auctoritatem ipsamq. Ecclesiam vilipendere ?*

27. Respondeo negativè ; Si velit , S. Theologiam à primo omnium post Petrum Iudice fidei controversiarum , quem Regula sua instruere non præsumit , ut puto , aliundè peti non posse , quàm à *Scriptura & Traditione* , prout sunt ex Christi ore ab Apostolis expressè acceptæ , aut ab Apostolis Spiritu Sanctè dictante , quasi per manus sive scripto expressè traditæ , cum nec Prædecessores post Petrum habeat , nec Prædecessorum suorum in Cathedra S. Petri fidei definitiones , quas etiam sequi possit , & debeat , ulatenus præsupponat. Affirmativè autem : Si velit à dicto Tyrone Theologo , quem Regula sua instruere prætendit , aliundè peti non posse , aut non debere , quàm à *Scripturâ & Traditione* , prout sunt ex Christi ore , &c. quia hodiè , multorum saltèm Conciliorum Generalium legitimorum , fidei definitiones , præsupponit , quas sequi possit , & debeat.

28. Verum quidem est , quod *Scriptura & Traditio* , prout sunt &c. ut suprâ , in se semper sint S. Theologiæ principium infallibile ; sed non obindè cuilibet ex illis hoc vel illud implicitè & obscurè contentum per consequentiam deducendi sunt principium infallibile , cum quilibet deducens non habeat infallibilem , nè deducendo erret , Spiritus Sancti assistentiam sibi promissam , sed solus fidei controversiarum Judex legitimus ; ac proindè non Tyro Theologus , nec etiam quivis alius Doctor Eximius : ideoque

Regu-

Regula 2. denegans, quantum sonat, & apparet ex terminis ab eo ibi explicatis, Tyroni Theologo aliud S. Theologiæ principium, præter *Scripturam & Traditionem*, prout sunt, &c. ut supra, ipsum æquiparat isti Judici, facitque, aut facere debet ipsum fidei controversiarum Judicem infallibilem, & negare, alterum earum Judicem infallibilem esse ipsi necessarium, quod est omnino Lutheranum & Calvinisticum: sicque non solum cum Lutheranis & Calvinistis auctoritatem Pontificiam, ipsamque Ecclesiam vilipendit, sed evertit: idemque consequenter dicendum de aliis septem ejus Regulis, uti ex decursu patebit.

29. Nec dicere potest: se per *Scripturam & Traditionem* non intelligere illam, prout est ex *Christi ore ab Apostolis expressè accepta, aut ab Apostoli Spiritu Sancto dictante quasi per manus sine scripto expressè tradita, sed prout ab Ecclesia infallibili auctoritate expressè proposita, definita, determinata*. Quia agit de Traditione, quæ quidem peti, aut cognosci debeat ex Conciliorum & Pontificum decretis, & SS. Patrum, & antiquorum libris; sed quæ, ut primum & originale principium omnium eorum, etiam S. Scripturæ & istorum decretorum ac librorum, quæ divinâ fide credimus, præcedere debeat, ut vidimus n. 17. Item de illa, prout est Verbum Dei ut tale, sive sine addito ut Conciliorum, & Pontificum decretis, & SS. Patrum, & antiquorum libris propositum, definitum, determinatum, ut patet ex ejus instructione ad Regulam 2. per Traditionem similiter per excellentiam intelligitur *Traditio Divina, quæ est Verbum Dei non scriptum, & continet sub se (non dicit supra se) quidquid Deus revelavit &c.* In eo ergo Scriptura & Traditio conveniunt, quod utraque sit Verbum Dei. Traditioni autem, prout ab Ecclesia infallibili auctoritate expressè propositæ, definitæ, determinatæ, alterutrum istorum non magis convenit, quam Ecclesiæ propositioni, definitioni determinationi, ut tali. Vide dicta à 14. ad 22.

QUÆSTIO V.

30. **Q**uaritur quinto. An D. Buscumius in sua Defensione pag. 49. scribens: Deinde Petrum Lombardum fuisse quidem Theologiæ Scholasticæ principium, sed etiam Theologiam suam collegisse, & ordinasse ex primis Theologiæ principiis, Scripturam scilicet & Traditionem, hoc est ex sententiis desumptis ex Scriptura, Pontificibus, Conciliis & SS. Patribus: intendat, hunc sensu Regulam 2. & sic proportionaliter de aliis, exponere. S. Theologia à duobus tantum principiis petenda est, Scripturæ scilicet & Traditione: hoc est ex sententiis desumptis ex Scriptura, Pontificibus, conciliis & SS. Patribus?

31. Si affirmet: Per ipsum sententiæ desumptæ ex Pontificibus, Conciliis & Sanctis Patribus sunt Traditio, de qua in Regulis suæ Instructionis ad Tyronem Theologum: hoc autem falsum videtur ex præmissis à n. 16. ad. 25. ubi sic *Scripturam & Traditionem* accipit, ut velit esse duo tantum principia sententiarum Pontificum, Conciliorum, & Sanctorum Patrum, totiusque fidei nostræ

stræ: principium autem, etiam per ipsum suo principiato præsupponitur, uti evidenter sequitur ex his ejusdem verbis *Instructionis* suæ pag. 21. *Per hoc enim cognoscimus, Scripturam esse verbum Dei; quia Ecclesia per Traditionem* (nota non igitur per Pontificum, Conciliorum, & SS. Patrum sententias; quia hæ sunt, quæ per Traditionem instruuntur) *Instructa sic definit, & declarat hos libros à Spiritu Sancto dictante esse conscriptos: ita ut primum & originale principium omnium eorum* (ergo & illarum sententiarum) *quæ fide divinâ credimus, sit Traditio.*

32. Si neget: Ipsi præmissis satisfacere incumbit; quibus commodè satisfaceret, si Traditionem non explicuisset, uti explicuisse ostendimus, aut his verbis, *Scriptura scilicet & Traditio*, addidisset (cum Tyroni Theologo Regulas præscriberet) *conformer Conciliorum & Pontificum fidei decretis*, aut, quod per me coincidit, *Scriptura scilicet & Ecclesia Catholica Traditio*, juxta illud Vincentii Lyrinenfis in suo adversus phanas omnium hæreseon novationes libello aureo: *Quod, sive ego, sive quis alius vellet exurgentium hæreticorum fraudes deprehendere, laqueosque vitare, & in fide sana sanus atque integer permanere, duplici modo munire fidem suam, Domino adjuvante, deberet. Primo scilicet divina legis autoritate, tum deinde Ecclesia Catholica Traditione.* Vide cætera infra n. 83. & latius n. 78. ad 86.

QUÆSTIO. VI.

33. **Q**Varitur sexdò. An D. Buscumius, ortâ inter Doctores controversiâ: *Utrum actâ sub nomine Matthiæ, Jacobi Minoris, Andreae &c. sint verè Scriptura Sacra, & vera sit Traditio de illis ut verè Scriptura Sacra*, velit, ut ab Ecclesia infallibili autoritate proponantur, definiantur, determinentur, propositionem, definitionem, determinationem illius à duobus tantum principis esse petendam, *Scriptura scilicet & Traditione ad sensum questionis 2. & 3.*

34. Si velit: velle debet, illam ab Ecclesia infallibili autoritate propositionem, definitionem, determinationem, contineri *Scriptura & Traditione dicto ibi sensu sumptis, & ex illis tamquam principis suis per bonam consequentiam deduci*, juxta id, quod pro ratione suæ Regulæ 2. adfert: *Theologia autem definitur, doctrina Sacra, quæ ex principis revelatis deducitur Principia autem revelata sunt Scriptura & Traditio; omne enim, quod Deus hominibus revelavit, & ad credendum omnibus proposuit, continetur Scripturâ & Traditione, & ex illis tamquam principis suis per bonam consequentiam deducitur Theologia.* Est autem eadem ratio de dicta ab Ecclesia, infallibili autoritate, propositione, definitione, determinatione, si ut vult, sit, uti Sacra Theologia, à duobus tantum principis petenda, *Scripturâ scilicet & Traditione.* Possè autem pro allato casu assignari *Scripturam & Traditionem sensu ibi datò sumptas*, ex quibus tamquam principis suis per bonam consequentiam deducatur dicta *propositio, definitio, determinatio*, diffiteor: neque id necesse puto, cum sufficiat,

hanc deduci ex testimoniis Sapientum fundatis in Scripturæ & Traditioni implicitis, & hęc sensu ex *Scriptura & Traditione*. Alioqui plurimæ contingere possent fidei, controversiæ ad quas decidendas iudice competenti careret Ecclesia, ut v.g. An concilium Generale tot vel tot Episcopis constare debeat, ut sit legitimũ? An si Summus Pontifex velit in Concilio Generali aliquam fidei controversiam definire, debeat potius sequi partem seniorum minorem, quàm juniorum maiorem? An in æqualitate suffragiorum, suo in altera parte comprehenso, pro sua parte decidere possit? An contritio remissa ex charitate remissa peccatum mortale extra Sacramentum remittat, sit illa, quam tridentinum sess. 14. cap. 4. vocat *charitate perfectam*? & sic de plurimis aliis, quod valdè absurdum foret, & contra Scripturam 1. ad *Timoth.* 3. ubi Ecclesia Dei dicitur: *Columna & firmamentum veritatis*.

35. Sed maximè: quia D. Buscumius ad Regulam 8. scribens: *Tertio modo utitur Ecclesia sua infallibilitate quando communi consensu approbat Pontificum decreta, definitiones, decisiones in materia fidei: Item in generali approbat Traditionem contineri in libris & sensis Sanctorum Patrum, & in particulari in Symbolo Athanasii contineri fidem Sanctissimæ Trinitatis, & in libris S. Augustini Traditionem de gratia & predestinatione, aliter probare non potest, istam communi sensu approbationem in se vel objecto contineri Scripturam vel approbationem, quàm consensum istum deducendo ex testimoniis sapientum fundatis in Scriptura & Traditioni implicitis, in quibus, nec communis ille consensus, nec ista sapientum testimonia, præcisa à consensu Concilii Generalis legitimi, aut Summi Pontificis ex Cathedra, sive Cathedræ S. Petri autoritate deficientis, habent sibi promissam infallibilem Spiritus sancti assistentiam, aut fidei ab Ecclesia propositæ, definitæ, determinatæ infallibilitatem, quam habent Conciliorum Generalium legitimorum, aut Pontificum tales fidei propositiones, definitiones, determinationes ante dictam communi consensu à se distincto approbationem, uti Exam. 4. & 5. probabimus.*

36. Sinolit, prout ex statim præmissis nolle debet: falsa est Regula 2. eò quòd per ly *santum* à S. Theologiæ principii excludat Ecclesiæ infallibili autoritate *definitiones*, non necessariò petendas à *Scriptura & Traditione* ipsius sensu sumptis.

Q U Æ S T I O. VII.

37. **Q**Varitur septimò. An omnis Tyro Theologus, & sic illiterati quicumque, juvenes & senes, nè errent, aut seducantur, debeant absque præjudicii indeterminati consueque habere inter partes Scholasticorum, donec veritas ex Scriptura & Traditione ad sensum questionũ 2. n. 3. tamquam principii per bonam consequentiam deducatur, & de sic deducta convincatur?

38. Si affirmet: casu quòd, una pars Scholasticorum cum Lutheranis & Calvi.

Calvinistis doceat, *Concilium Generale in sua fidei propositione, definitione, determinatione errare posse: quia Summus Pontifex, ratione cuius illud esse deberet infallibile, in sua per se fidei propositione, definitione errare potest.* Altera verò cum Orthodoxis communiter: *Concilium Generale in sua fidei propositione, definitione, determinatione errare non potest; quia Summus Pontifex, qui illi per se, aut suos, praesidet, & consentit, in sua per se fidei propositione, definitione, determinatione errare non potest.* Non solum Tyrones Theologi, & quicumque juvenes & senes illiterati, sed & quique Doctores Eximii, debent absque praedicti partis docentis secundum, indeterminati eousque habere, donec veritas ex Scriptura & Traditione, sensu dato sumptis, tamquam principii per bonam consequentiam deducatur, & isti de sic deducta convincantur veritate, quidquid Ecclesia in Concilio Generali congregata secundum tamquam fidei proponat, definiat, determinet, nisi Ecclesia hujus dogmatis, Summus Pontifex in sua per se fidei propositione, definitione, determinatione errare non potest, veritatem ex Scriptura & Traditione, sensu dicto sumptis, tamquam principii per bonam consequentiam deducat, & isti de sic deducta convincantur veritate, juxta Regulam 1. & 2. in ea comprehensam. Sed in hoc.

39. Consentit, aut dissentit D. Busemius? Si consensiat, & dicat, prout dicit ad Regulam 8. Alii addunt quatenus modum infallibilitatis Ecclesiae, quando solus Pontifex absque consensu, aut approbatione aliorum Antistes, aliquid definit: sed quia illum non admittunt gravissimi Pontifices & Doctores, & contrarium sentiunt Patres Concilii Basiliensis, eum intractum, ut dubium, & adhuc ex principii suis (putà ex Scriptura & Traditione per bonam consequentiam, ut vidimus n. 34.) erendum praeteribimus, hic solum asserentes ea, quae certa sunt, & extra omnem controversiam: sentire debet, non solum Tyrones Theologos, & quoscumque juvenes & senes illiteratos, sed & quoscumque Doctores Eximios, debere, absque praedicti partis docentis secundum, indeterminatos eousque habere, donec veritas hujus, *Concilium Generale in sua fidei propositione, definitione, determinatione errare non potest, licet Summus Pontifex in sua per se fidei propositione, definitione, determinatione errare possit, ex Scriptura & Traditione, sensu dicto sumptis, tamquam principii per bonam consequentiam deducatur, & isti de sic deducta veritate convincantur.* Quae cum nullatenus inde possit deduci, & ipsi de sic deducta convinci, uti patebit Examine 3. n. 111. ad 117. sequitur inde & Regula 1. istos omnes, imò & totam Ecclesiam, ne errent, aut seducantur, debere omnia Concilia Generalia habere dubia, & de errore suspecta; quia illud haberi debet tale, in quo quis debet indeterminatus habere, donec &c. quod ibi asseritur, sequela autem est evidenter haeretica. Si dissentiat: Regula 1. & 2. in ea comprehensa dissentit, ut sequitur ex praemissis.

40. Si neget id, quod n. 37. quaeritur: Regula 1. & 2. in ea comprehensa, fallit, saltè in casibus n. 34. allatis, & consequenter sufficit, accedere Concilii Generalis, aut Summi Pontificis, modò ibi dictò, sub infallibili Spiritus Sancti, nè erret, assistentia, *propositionem, definitionem, determinationem,*

nem, quæ sit tertium principium, ex quo S. Theologia peti quoque possit: & obindè omnis Tyro Theologus, & sic illiterati quicumque, juvenes & senes, imò & Eximii Doctores, Episcopi & alii Prælati, nè errent, aut seducantur, hæreere non debent, absque præjudiciis indeterminati, inter partes Scholasticorum, donec veritas ex Scriptura & Traditione, sensu allatò (quod præterdit *Regula 2.*) & sic deducta veritate convincantur (quod etiam præterdit *Regula 1.*) cum illis sufficere debeat tertium istud S. Theologiæ principium.

Fallit autem D. Buscumius, & multùm fallitur non distinguens ex una parte, inter deductum ex Scriptura & Traditione per syllogismum legitimum, aut bonam consequentiam, ut v.g. *Declina à malo: atqui furtum est malum: ergo declina à furto*: & ex altera, determinatum super Scriptura & Traditione, per se injustè & religiosè derivandis indeterminata, ut v.g. *omne malum est puniendum, atqui furtum grave est malum: ergo puniendum pœna suspendii*.

D. Buscumius præterdit *primum* dumtaxat, aut etiam *secundum*? Si prius: reddit omnes pœnè leges Civiles & Canonicas disputabiles, incertas & dubias juxta *Regulam 1. & 6.* donec Tyro convincatur de sic deducta, veritate, & per ipsum tales esse debent, omnes Ecclesiæ & Imperatorum determinationes juris naturalis & divini, Scriptura & Traditionis, quod est penè totum Corpùs Juris Canonici & Civilis evertere, ac omnium Conciliorum Generalium & Pontificum ex Cathedra declarationes. Si posterius: manifestum est, quod hæc *determinationes* non sint Scriptura & Traditio ad sensum, quo utramque explicat, uti hucusque vidimus, ac sic illud prius ex ejus Doctrina clarè sequitur, quod execrabile videtur.

41. Adde: quocumque ex dictis sensu D. Buscumius intelligat suam *Regulam 1. n. 1.* relata, debere profiteri, omnes Confessarios debere absque præjudiciis indeterminatos, eosque hæreere inter partes Scholasticorum, docentium esse mortale, & docentium non esse mortale, donec ex Theologia principis (duobus tantùm Scripturâ & Traditione) convincantur de veritate alterius partis, & sic, aut rarissimè absolvere, aut ferè semper absolvere mortalia ut dubia; quia pro utraque parte communiter reperiuntur Scholastici. Imo ex eo, quod ad *Regulam 7.* ait: *Hoc demonstratur, non esse de fide, aut fide divina credendas Canonizationes Sanctorum: Item decisiones & definitiones Ecclesiæ, etiam in Concilio Generali, de questionibus facti, de fectu Scripturæ & Traditionis.* Sequitur per ipsum, demonstrari, peccata mortalia non esse mortalia, nisi ex Scriptura & Traditione convincantur esse mortalia, quod summàs ingerit laxitates, & vitæ libertinæ viam aperit latissimam.

Q U Æ S T I O. VIII.

42. **Q**uæritur octavò. An D. Buscumius agnoscat fidei controversiarum, vivum & animatum Judicem, ità à Scriptura & Traditione distinctum, ut ejus pro alterutra earum parte *propositio, definitio, determinatio,* tam

tam certa & infallibilis, quàm ipsum Evangelium, non debeat *per bonam; consequentiam ex Scriptura & Traditione*, sensu q. 2. & 3. allato sumptis, *deduci*, sed sufficiat esse Concilii Generalis legitimi, modò, n. 34. dictò, sub infallibili nè erret, Spiritus sancti assistentia?

43 Si agnoscat, ut debet ex præmissis q. 3. illa *propositio, definitio, determinatio*, est *tertium S. Theologiæ principium*, & sic per ipsum falsa esse debet & hæretica, non solum *Regula 2.* quæ per particulam tantum illud excludit, sed & *Regula 1.* quæ *Regulam 2.* involvit.

44 Si non agnoscat, & neget, quod non credo: negat, alium esse, præter *Scripturam & Traditionem*, dictò sensu sumptis, fidei Controversiarum Judicem vivum & animatum, cujus *propositio, definitio, determinatio* sit tam certa & infallibilis, quàm Evangelium, si illam *ex Scriptura & Traditione*, istò sensu sumptis, *per bonam consequentiam non deducat*, sed ex Sapientum testimonii, fundatis in Scripturæ & Traditioni implicitis, modò dictò n. 34. sub infallibili, nè erret, Spiritus sancti assistentia: quod ex parte est Lutherani & Calviniani, aperitque portam ad omnis generis hæreses, dicentibus, se obindè non *convinci de veritate deducta ex ipsis Theologia principii*, juxta *Regulam 1. duobus tantum*, *Scripturâ scilicet & Traditione*, sensu datò sumptis, juxta *Regulam 2. secundum quam dicta propositio, definitio, determinatio*, uti Sacra Theologia, *ex duobus tantum principii perenda est, Scriptura scilicet & Traditione*, sensu istò sumptis; & addentibus, se alioquì, illà non obstante, *debere indeterminatos*, juxta *Regulam 1. eoque hærere, donec ex ipsis principii duobus tantum, Scripturâ & Traditione*, sensu datò sumptis, *convincantur de veritate*, sive quod talis definitio sit *per bonam consequentiam deducta ex istis duobus tantum Principiis*.

45 Quia verò ipsa etiam Concilia Generalia hujus consequentiæ bonitatem probant rarissimè, cuique, negando bonitatem consequentiæ, liberum erit hære in indeterminatum, imò debet juxta *Regulam 1.* super veritate omnium Conciliorum Generalium, & per interim illa omnia tamquam dubia præterire (prout obindè D. Buscumius debet præterire modum Ecclesiæ infallibilem, de quo n. 34. donec bonitatem consequentiæ *ex duobus tantum principii, Scripturâ scilicet & Traditione*, sensu datò sumptis, efficaciter probasse convincant, & ipse priùs negans de illa convinctur. *infra*. Vide Lirinentem n. 59. & August. ac D. Thomam n. 113. ad 117.

QVÆSTIO IX.

46. **Q**Varitur nonò. An D. Buscumius profiteatur, omnes præfati iudicis in controversiis fidei propositiones, definitiones, determinationes ex Sapientum testimoniis modo dictò n. 34. sub infallibili, nè erret, Spiritus Sancti assistentiâ factas, debere efficaciter probari, aut convincere, esse *ex duobus tantum principii, Scripturâ scilicet & Traditione*, sensu suprà dictò

dictō sumptis, petitas, & ex illis per bonam consequentiam deductas, aut alioqui esse dubiæ & incertæ fidei?

47. Si profiteatur: profiteri debet, omnes Conciliorum Generalium in controverſus fidei propositiones, definitiones, determinationes, efficaciter non probatas, aut non convincentes, esse ex duobus tantum principiis, *Scripturæ scilicet & Traditione*, sensu suprà dictō sumptis, petitas, & ex illis per bonam consequentiam deductas, esse dubiæ & incertæ fidei, quod est hæreticum, cum indubitatæ & certæ sint hoc ipsō, quod sunt Concilii Generalis ex Sapientum testimoniis modō dictō n. 34. sub infallibili, nè erret, Spiritus Sancti assentiā.

48. Ipse quidem non plus requirere videtur ad Regulam 8. scribens: *Vitit autem Ecclesia infallibili sibi à Christo relicta auctoritate, tam in dubiis, & questionibus fidei definiendis, quam erroribus & hæresibus anathematizandis, tribus modis. Primo, quando ipsa in Concilio generali congregata desinit: sunt enim definitiones Conciliorum adeo certæ & infallibiles, quam ipsum Evangelium.* Sed cum ratione, quàm immediatè subdit, *nihil enim interest, an Verbum Dei sit scriptum, an sine scripto traditum* ad sensum q. 2. & 3. insinuet (alioqui impertinens foret) Definitiones illas debere, esse *Verbum Dei scriptum, aut sine scripto traditum* ad sensum q. 2. & 3. hoc ipsō plus requirit; sed malè, ut vidimus q. 2. & 3. Vide insuper infra n. 71. 100. 107. ad 113.

49. Neque hoc facile probabit, nisi quod præmissum est, profiteatur, aut excusabit sufficienter, dicens: se solum velle illas debere, esse ex *Verbo Dei scripto, aut sine scripto tradito per bonam consequentiam deductas*; ut patet ex præmissis q. 7. & alioqui sequeretur illas, quæ non essent ex *Verbo Dei scripto, aut sine scripto tradito*, ad sensum q. 2. & 3. sumptis, per bonam consequentiam deductæ, esse dubiæ & incertæ fidei, licet forent ab Ecclesia in Concilio generali congregata, ex doctrina & consensione Sanctorum Patrum, sub infallibili, nè erret, Spiritus Sancti assentiā; quod rationi evidenter repugnat, nullus umquam Orthodoxorum somniavit, infallibilem, nè erretur, Spiritus Sancti assentiā esse dubiæ & incertæ fidei adstruit, & viam aperit ad omnes Conciliorum Generalium Definitiones, quæ ex *Verbo Dei scripto, aut sine scripto tradito*, ad sensum q. 2. & 3. non sunt quoad nos per bonam consequentiam deductæ, rejiciendum: neque satis reconciliari potest, cum iis, quæ docet infra n. 178.

Tu tamen nota, D. Buscium doctrinæ suæ n. 2. supra; illa verò, quæ nondum infallibiliter demonstrata sunt, esse de fide, à Theologis disputari, consue debent, donec ab Ecclesia definiantur, subaudire, ex *Scripturæ & Traditione* tamquam principii, de quibus q. 2. 3. & seq. satis: ac sic velle, hæresim Jansenianam debere à Theologis disputari & probari, donec ab Ecclesia ex illis definatur, & de sic definita convincantur, quod evidenter dictam viam aperit, & suam istius hæresis damnationem, de qua infra n. 163. esse fraudulentam evincit; præsertim cum neget Pontificis definitioni extra Concilium Generale infallibilitatem, ut vidimus n. 39. & etiam Conciliis Generalibus in
qua-

questionibus facti, de quibus n. 129. ita ut tollat omne, contra dictam hæresin Jansenianæ à Theologis disputationem & probationem, Ecclesiæ remedium, & sic consequenter de cujusque Doctoris hæresi.

EXAMEN II.

Super Regula 3. & 4.

D. BUSCUMIUS.

50. **R**egula 3. *Ad normam Scriptura & Traditionis omnia Scholasticorum scripta, & verba, & sensus expendenda sunt, eorumque auctoritas ex illis petenda est.*

51. Addit rationem: Ratio est; quia jam nihil est de fide, aut fieri potest, quod ab initio de fide non fuit; Christus enim Dominus cum Apostoli sui totum Evangelium, & quidquid à nobis creari voluit, promulgavit. Unde quemadmodum Concilia, Pontifices, & SS. Patres non introduxerunt novos articulos fidei, sed ea solum, definiendo, declaraverunt esse de fide, quæ per traditionem ut fidei receperant; ita nulla agnoscitur potest, aut debet auctoritas in Scholasticis, aut ad determinandam doctrinam fidei, aut ad eam explicandam, nisi ad normam Scriptura & Traditionis. Sola hæc eorum vera auctoritas est, ea posteris tradere, quæ à Majoribus acceperunt, quia immobilis fidei veritas declivio temporis, non augetur, nec minuitur, sed integra perseverat.

52. Regula 4. *Præ cæteris illa voces & expressiones assumenda, quæ in Scriptura & in Traditione sunt in usu,*

53. Addit pro ratione: Ratio est; quia voces illæ, & expressiones à Spiritu Sancto loquente sunt electæ ad mysteria fidei, & sensum Scriptura, & Traditionis explicanda, & promulganda; ipsi quoque Apostoli, & SS. Patres plusquam per decem sæcula illis usi sunt, tam ad infideles convertendos, ad fideles instruendos, ad Clerum illuminandum, quam ad hæreticos & errantes damnandos & revocandos.

54. Igitur planè temerarium videtur, & periculosum est, ab antiquis illis primitivæ Ecclesiæ vocibus, & expressionibus recedere, & in eorum locum superinducere paganos humanæ Philosophiæ terminos, modosque Aristotelicos.

55. Hoc experientia evidens facit, quod ab illo tempore, quo Theologi Aristotelismi uti cœperunt, & reliquæ antiquitatis tramite modum Scholasticum induxerunt, quod, inquam, rariores conversi sint infideles, inter fideles crassa increvit, non satis deploranda, ubique ignorantia, Clerus vaniloquus, & inani argumentandi methodo tumidus, à veritate auditum populi avertit, ad fabulas aniles convertit; unde insultant modo hæretici Catholicis, & audaciores redditi ex confusione nostra, & ab ipsis Scholasticorum scriptis scandalizati, nequitia seu pertinacia sua incrementum capiunt: olim Ecclesiæ Magistri verbo sano & irreprehensibili, desumpto ex Scriptura & Traditione,

sione, os occludebans Ecclesia adversariis; verum qui modo se Magistros dicunt, & ob supremos in Theologia Scholastica gradus se omni exceptione majores autumant, suis distinctionibus, & formalitarum vocibus, & vocum subtilitatibus, vix intelligibiles facti sunt, itaut tam impossibile sit, ut ipsi haereticos à suis erroribus revocent, quam ipsi se mutud à propriis placitis revocare non possunt.

AUTHOR.

QVÆSTIO I.

56. **Q**Varitur primò. An D. Buscumius Regula 3. ly Scriptura & Traditionis non intelligat ad sensum q. 2. & 3. n. 6. & 11. Vide ibid. & n. 13. ad 30. dicta; non enim consequentiæ ratio aliud suadet.

QVÆSTIO. II.

57. **Q**Varitur secundo: An D. Buscumius dicens: jam nihil est de fide, aut fieri potest, quod ab initio de fide non fuit, loquatur de fide expressa, proposita, definita, determinata per Ecclesiam, sub infallibili, nè erret, Spiritus Sancti assistentiâ: an de fide nondum expressa, proposita, definita, determinata per Ecclesiam, sub infallibili, nè erret, Spiritus Sancti assistentiâ?

58. Si prius: sensus est, jam ex omnibus Sacri prætorum Generalium Conciliorum Canonibus nihil est de fide expressa, proposita, definita, determinata per illa sub infallibili Spiritus Sancti assistentiâ, aut fieri potest, quod ab initio de fide expressa, proposita, definita, determinata per Ecclesiam sub infallibili, nè erret, Spiritus Sancti assistentiâ non fuit. Ille autem sensus est tam indubiè hæreticus, quàm omnes dictos Sacros Canones nihil exprimere, proponere, definire, determinare de fide, quod ante illa, sive ab initio, expressum, propositum, definitum, determinatum sub infallibili, nè erraretur, Spiritus Sancti assistentiâ non fuit: ipse tamen aliud sentit, Regula 8. dicens: ea, qua semel infallibiliter demonstrata sunt, esse de fide, non sunt amplius in questionem aut disputationem revocanda, sed ut fides positiones & dogmata, & tamquam certa Theologia principia in Cathalogo, aut volumine conservanda. Ubi demonstratum de fide, idem sonat ac demonstrata fides, quam vocat fidei propositionem; demonstrata autem fides, idem est, quod expressa, proposita, definita, demonstrata per Concilium Generale, juxta modum primum ipsius ibidem, sub infallibili, nè erret, Spiritus Sancti assistentiâ.

59. Si posterius: sensus est, jam ex omnibus Sacri prætorum Generalium Conciliorum Canonibus nihil est de fide nondum expressa, proposita, definita, determinata per Ecclesiam sub infallibili, nè erret, Spiritus Sancti assistentiâ, aut fieri potest, quod ab initio de fide nondum expressa, proposita, definita, determinata per Ecclesiam sub infallibili, nè erraret, Spiritus Sancti assistentiâ, non fuit. Transeat, quid

quid indè, nisi hic Regulæ 3. sensus. *Ad normam Scripturæ & Traditionis nondum expresse, propositæ, definitæ, determinatæ per Ecclesiam sub infallibili, nè erret, Spiritûs Sancti assistentiâ, omnia Scholasticorum scripta, & verba, & sensus exprimenda sunt, eorumque authoritas ex illis petenda est, qui est contra Tridentinum ses. 4. decreto ac Edit, & usu s. lib. ubi sic: Præterea ad coercenda petulantia ingenia, decernit, ut nemo, sua prudentia innixus, in rebus fidei, & morum, ad adificationem doctrinæ Christianæ pertinentium, Sacram doctrinam ad suos sensus contorquens, contra eum sensum, quem tenuit, & tenet sancta Mater Ecclesia, cujus est judicare de vero sensu & interpretatione Scripturarum sanctarum, aut etiam contra unanimem consensum Patrum, ipsam Scripturam Sacram interpretari audeat; etiamsi hujusmodi interpretationes nullò unquam tempore in lucem edendæ forent. Qui contravenerint, per ordinarios declarentur, & pœnis à jure statuti puniantur. Et contra Ecclesiæ Catholicæ universitatis & antiquitatis consensionem: Quis unquam, inquit, Vincentius Lirinensis in aureo suo adversus prophætas omnium hæreseon novationes libello, hæreses instituit, nisi, qui se prius ab Ecclesiâ Catholicâ universitatis & antiquitatis consensione discreverit*

Q U Æ S T I O. III.

60. **Q**Varietur tertio. An D. Buscumii horum verborum, *Christus enim Dominus cum Apostolo suis totum Evangelium, & quidquid à nobis credi voluit, promulgavit, sit sensus. 1. Christus enim Dominus cum Apostolo suis totum Evangelium & quidquid fidei explicat, propositum, definitum, determinatum, à nobis credi voluit, & promulgavit. 2. Quidquid ab aliquo Concilio Generali sub infallibili, nè erret, Spiritûs sancti assistentiâ explicatum, propositum, definitum, determinatum, à nobis credi voluit, explicite & formaliter promulgavit. 3. Quidquid in Scriptura & Traditione, & Generalibus Conciliis explicite vel implicite contentum à nobis credi voluit, explicite vel implicite promulgavit. 4. Quidquid in Scriptura, Traditione, & generalibus Conciliis contentum à nobis credi voluit quoad substantiam, promulgavit quoad substantiam. 5. Quidquid in Scriptura, Traditione, & Conciliis contentum ab Ecclesiâ sub infallibili, nè erret, Spiritûs sancti assistentiâ explicatum, propositum, definitum, determinatum à nobis credi voluit quoad explicationem, propositionem, definitionem, determinationem, quoad hanc promulgavit?*

61. Si primum: Aut Christus à nobis credi non voluit, quidquid à Conciliis Generalibus de fide explicatum, propositum, definitum, determinatum specialius, quàm in Scriptura, aut Traditione expresse & formaliter continetur; aut illud omne expresse & formaliter promulgavit: quorum utrumque esse erroneum, omnes Orthodoxi fatentur.

62. Si secundum: Cuique legenti Sacram Scripturam, de qua Tridentinum ses. 4. & Concilia, Pontificum decreta, SS. Patrum & antiquorum libros, priora Tridentino, à quibus petendam esse Traditionem, scribit ad Regulam 2. ad oculum patebit, quod, quidquid à Tridentino, & sic de aliis Con-

ciliis Generalibus, est de fide *explicatum*, *propositum*, *definitum* &c. Christus in Scriptura, aut Traditione, expressè & formaliter non promulgavit.

63. Si *tertium*: fateor, sed per hoc falsificatur Regula ipsius 2. Quia Scriptura & Traditio implicita ut talis non potest esse S. Theologiæ principium. Item & Regula 3. quia ut talis non potest esse *norma*, &c. Vide dicta n. 7.

64. Si *quartum* fateor, quod Christus id omne, *quod a nobis credi voluit quoad substantiam*, promulgavit *quoad substantiam*, eâ ratione, quâ S. Thomas 2. 2. q. 1. art. 7. in corpore scribit: Sic ergo dicendum est, quod quantum ad substantiam articuloꝝ fidei non est factum eorum augmentum per temporum successionem; quia quacumque posteriores crediderunt, continebantur in fide præcedentium Patrum, licet implicitè. Sed quantum ad explicationem crevit numerus articuloꝝ; quia quedam explicitè cognita sunt à posterioribus, quæ à prioribus non cognoscebantur explicitè.

Aut D. Buscumius vult, Christum articulos accrescentes quoad *explicationem*, expressè & formaliter quoad *explicationem* promulgasse, aut non vult? Si priùs: jam refutatum est. Si posterius: distinguere debuisset, nè omnium Concilioꝝ Generalium fidei articuloꝝ *explicationes* & *definitiones* explosionis periculo exponeret: ex quo, & præmissis aliis distinctionibus, satis videre potest, quàm vanè effutiverit ad Regulam 4. Qui modo se Magistros dicunt, & ob supremos in Theologia Scholastica gradus se omni exceptione majores autumant, suis distinctionibus, & formalitatum vocibus, & vocum subtilitatibus (numquid & isti S. D. Thomas ibi?) vix intelligibiles facti sunt. Quid dicent omnes (egit indefinitè, non de Pseudotheologiis, contra quos priùs ob aliam rationem egerat Regul. 3. ideoq; effugium hoc, quod in sua Defensione pag. 3. præterdixit, sibi clausit) Doctores Eximii Parisienses, Salmanticenses, Lovanienses, & alii? Numquid confusio errorem parit, distinctio veritatem aperit? Numquid tota primitiva Ecclesia, omnes Sancti Patres, & Concilia, in sensu confuso, etiam S. Scriptura & Traditionum, falsum à vero, & econtrâ, distinguunt? Numquid videt D. Buscumius, Scholasticorum explosas distinctiones servire, ut infidelium & hæreticorum occultentur errores? Numquid fortè dicet, me meis contra te distinctionibus vix intelligibilem factum? Videbimus.

65. Si *quintum*: ad solam poenam libri ipsum provoco; legat omnia Biblia pro Scriptura, & omnia Concilia ac Pontificum decreta, SS. Patrum & antiquorum libros pro Traditione, de qua ad Regulam 2. ait: *peti autem debet Traditio ex Concilioꝝ & Pontificum decretis, & SS. Patrum, & antiquorum libris*: ipsi evidentissimè constabit, prout indubiè ipsi constât, Concilii Tridentini (& sic de Conciliis Generalibus aliis proportionaliter) fidei *explicationes*, *definitiones* &c. quoad se à Christo non esse promulgatas.

66. Quid indè, inquit? Respondeo: Regulam istam, nisi aliter explicetur, & termini magis distinguantur, attentis aliis annexis Regulis, esse plenam periculis, ne scilicet eludantur Concilioꝝ Generalium fidei *explicationes*, & *definitiones*, quasi Christus illas à nobis credi non voluerit.

Q U Æ S T I O . IV.

67. **Q**Varitur quartò : An rationis, quam D. Buscumius Regulæ 3. subdit : quia jam nihil est de fide , aut fieri potest , quod ab initio de fide non fuit , sit hic sensus : post omnia Concilia Generalia nihil est de fide explicata & definita , aut per illa fieri potest de fide , &c. quod , ante illa omnia , de fide ut sic non fuit ?

68. Si affirmet : affirmare debet consequenter , omnia Concilia Generalia , omniumque Conciliorum Generalium fidei definitiones , fuisse antequam essent ; quia hæc ut Conciliorum Generalium fidei definitiones , de quibus ad Regulam 8. scribit , sunt enim definitiones Conciliorum adeo certa & infallibiles , quam ipsum Evangelium , non fuerunt ante omnia Concilia Generalia ; & sicut ante hæc omnia non fuerunt , ita ante illa de fide explicata & definita non fuerunt , nisi , ante omnia Concilia Generalia , & fidei definitiones ut Conciliorum Generalium , fuerint , priusquam essent , quod pugnat in terminis.

69. Si neget : ergo per ipsum , post omnia Concilia Generalia aliquid est de fide explicata & definita , aut per illa potest fieri de fide ut sic , quod , ante illa omnia , de fide ut sic non fuit ; quia nihil esse &c. quod negat , & aliquid esse , &c. sunt contradictoria , quæ non possunt esse simul vera , etiam juxta antiquitatis tramitem ; nè me , quod Aristotelismi utar , relicto antiquitatu tramite , uti modernos Scholasticos ad Regulam 4. arguat.

Q U Æ S T I O V.

70. **Q**Varitur quintò . An D. Buscumius sentiat , Conciliorum Generalium de fide factas explicationes & definitiones esse de fide tantum ut Scripturam & Traditionem ad sensum q. 2. Exam. 1. n. 6. An sentiat , illas ut illorum per se habere fidei explicatæ & definitæ veritatem , quam per se non habent Scriptura & Traditio ut tales ?

71. Si primum affirmet : per ipsum , Conciliorum Generalium ut Conciliorum Generalium definitiones non sunt de fide , nisi velit Concilia Generalia ut talia esse Scripturam & Traditionem ut talem , & tantum ; ac proinde in Ecclesia Christi non esse infallibilem Controversiarum fidei Judicem animatum , quem soli negant hæretici : affirmare autem , definitiones Conciliorum Generalium ut talium non esse de fide , est evidenter hæreticum , & oppositum ipsius doctrinæ , quæ ad Regulam 8. Catholicè dicit : sunt enim definitiones Conciliorum adeo certa & infallibiles , quam ipsum Evangelium , nisi id hoc solò sensu intelligat , sunt enim definitiones Conciliorum , tantum ut Scriptura & Traditio , adeo certa & infallibiles , quam ipsum Evangelium , quod equidem esse hæreticum , dixi : nec ab eo satis procul

recedit, dum isti doctrinæ, sunt enim definitiones Conciliorum adeò certa & infallibiles, quàm ipsum Evangelium, immedeatè pro probatione addit, nihil enim interest, an Verbum Dei sit scriptum, an sine scripto traditum, quò velle videtur, illas esse tantum Verbum Dei sine scripto traditum, attentà particulâ tantum Regula 2. s. Theologia à duobus tantum principiis est petenda: Scriptura scilicet & Traditione, pro qua vide Examen 1.

72. Si verò secundum affirmet: non solum evidenter fallit, & hæretica est ipsius Regula 2. statim citata; sed & ratio, quam subdit ad Regulam 3. quia jam nihil est de fide, aut fieri potest, quod ante illa omnia de fide non fuit. Vide q. 2. & 3. hîc suprâ. Et attende, indè sequi, definitiones Conciliorum Generalium non esse infallibiliores Scholasticorum Definitionibus consonis, in quo est error communis penè omnibus D. Buscumii Regulis.

QVÆSTIO. VI.

73. **Q**Varitur sextò. An D. Buscumius ut veram admittat hanc doctrinam D. Thomæ 2. 2 q. 1. art. 7. in corp. Sic ergò dicendum est, quod quantum ad substantiam articuloꝝ fidei non est factum eorum augmentum per temporum successionem; quia quacumque posteriores crediderunt, continebantur in fide præcedentium Patrum, licet implicite. Sed quantum ad explicationem crevit numerus articuloꝝ; quia quadam explicitè cognita sunt à posterioribus, quæ à prioribus non cognoscebantur explicitè. Vnde Dominus Moysi dicit Exod. 6. Ego sum Deus Abraham, Deus Isaac, Deus Iacob, & nomen meum Adonai non indicavi eî. Et David dicit: super senes intellexi. Et Apostolus dicit ad Ephes. 3 In aliis generationibus non est agnitus mysterium Christi, sicut nunc revelatum est Sanctis Apostoluejus, & Prophetis?

74. Si ut veram admittat: cur ex ratione Regulæ 4. inferens: Vnde quemadmodum Concilia, Pontifices, & SS. Patres non introduxerunt novos articulos fidei, sed ea solum, definiendo, declaraverunt, esse de fide, quæ per Traditionem ut fidei acceperant, non distinguit secundum allatam D. Thomæ doctrinam? Concilia, Pontifices, & SS. Patres non introduxerunt novos articulos fidei quoad substantiam, sed solum quoad explicationem, definitionem, &c. explicando, definiendo, &c. esse de fide, quæ per traditionem ut fidei implicite acceperant, nisi fortè, nè aliquam, præter Scripturam & Traditionem, agnoscat definitionum infallibilitatem: alioqui vidisset necessitatem Regulæ suæ 3. Ad normam Scripturæ & Traditionis addendi conformiter Conciliorum Generalium & Pontificum fidei explicationibus, definitionibus, &c. de quo iterum q. 7. uti & in Regula 2. s. Theologia à duobus tantum principiis est petenda, Scripturæ scilicet & Traditione omittendi particulas duobus tantum, atque addendi in fine, & Conciliorum Generalium fidei explicationibus, definitionibus, &c. ut vitaret prætactas contra illam difficultates. Sed maluit Scholasticorum explodere distinctiones, contra quas per Regulam 4. se remedium præstare prætendit, aiens: Hac Regula suppeditat remedium tollendi in Scholis Theologici

logicis quæstiones de nomine, equivocationes, distinctiones &c. contra quod commodius q. 7.

75. Si ut veram non admittat: à Conciliorum Generalium fidei *explicationibus, definitionibus &c.* de fide novam fidei explicationem, definitionem &c. & sic novos fidei articulos, quoad explicationem, definitionem, rejicit, ac per consequens cum *Scholasticorum distinctionibus* totam fidem ut Conciliorum Generalium explodit, quod indubiè est apud omnes Orthodoxos hæreticum.

76. Numquid fortè vult suæ, non sine periculo indistinctæ, similitudinis alteram partem: *ita nulla agnoscí potest, aut debet autoritas in Scholasticis, aut ad determinandam doctrinam fidei, aut ad eam explicandam, nisi ad normam Scripturæ & Traditionis*, sensu quò hanc sumit, juxta Exam. 1. hunc habere sensum: *ita nulla agnoscí potest, aut debet autoritas in Conciliis Generalibus* (quia ratio undè similitudinem infert, æquè pro illis, ac Scholasticis, concludit, ut vidimus q. 2. & 3.) *aut ad determinandam doctrinam fidei, aut ad eam explicandam, nisi ad normam Scripturæ & Traditionis præcisè, sive præcisè omni Conciliorum Pontificum &c. de fide explicatione & definitione* (quia id sequitur, si veram non admittat D. Thomæ doctrinam de novitate articulorum fidei quoad explicationem) *sola hac eorum Conciliorum Generalium* (ob rationem paritatis allatam) *vera autoritas est, ea posteris tradere, quæ à Majoribus, quàm sint Concilia Generalia* (ob eandem consequenter rationem: sed quinam Majores isti à S. Sede approbati & confirmati?) *quia immobilis fidei veritas declivio temporis, nec per Concilia Generalia quoad explicationem augetur* (quia id evidenter sequitur, nisi dictam D. Thomæ doctrinam & distinctionem admittat.) *Nec diminuitur, sed integra, nullam novitatem quoad explicationem à Consiliis Generalibus recipiens* (ob sequelam statim dictam) *perseverat: ille autem sensus est evidenter hæreticus, & confirmat, quod, apud omnes orthodoxos esse hæreticum, diximus; quod debet fateri, aut magis cum D. Thomæ distinguere, ejusque à se malè explosas distinctiones agnoscere, ut hæresim istam vitet, necessarias.*

77. Dicit fortè: se per *Traditionem* intelligere illam, *quæ reperitur in Conciliorum & Pontificum decretis, & Sanctorum Patrum, & antiquorum libris.* Sed contra: redit quæstio: an de illa loquatur, quæ est ab ipsis Apostolis Spiritu Sancto dictante quasi per manus expressè tradita, ab Ecclesia, infallibili autoritate expressè proposita, definita, determinata? Vide exam. 1. à n. 6. ad 30.

Q U Æ S T I O VII.

78. **Q** Varitur septimò. An non velit: *Ad normam Scripturæ & Traditionis omnia Conciliorum Generalium scripta, verba, & sensus à nobis esse expendenda, eorumque autoritatem à nobis ex illis esse petendam, ut illa, uti*
Scho-

Scholasticos, rejicere debeamus, si Scripturæ & Traditioni conformia non judicemus?

79. Si velit: quâ veritate scribit Regula 8. *Ea, quæ semel infallibiliter demonstrata sunt, esse de fide, non sunt amplius in questionem aut disputationem revocanda, sed ut fidei positiones, & dogmata, & tamquam certa Theologia principia in Cathologo, aut Volumine conservanda?* Non enim ibi demonstrationem Aristotelicam requirit: tùm quia ad Regulam 4. addit: *Hoc experientia evidens facit, quod ab illo tempore, quò Theologi Aristotelismi uti ceperunt, & reliquò antiquitatis tramite, modum Scholasticum induxerunt, quod, inquam, rariores conversi sunt infideles, inter fideles crassa increvit ignorantia, Clerus vaniloquus, & inani argumentandi methodo tumidus à veritate auditum populi avertit; undè insultant modo hæretici Catholicis, & audaciores redditæ ex confusione nostra, & ab ipsis Scholasticorum scriptis scandalizati, nequitia seu pertinacia sue incrementum capiunt.* Insigne profròd Orthodoxorum encomium, quale foret & Conciliorum Generalium, fidei veritates demonstrantium per conclusionem ex duabus præmissis fidei, aut una fidei & altera evidentè naturali, in debita figura Aristotelica, quam Aristotelismum vocamus! Numquid potius est valde periculosum mendacium? Tùm quia, si demonstrationem Aristotelicam requirit, superflua est Conciliorum Generalium ad veritates fidei explicandum & definiendum autoritas, cum ad illas nobis dicta demonstratio Aristotelica sufficiat, nisi cæci simus & mente capti.

80. Si non velit: cur Regulæ 3. rationem, æquè respectu Conciliorum Generalium, ac Scholasticorum concludentem, adfert? Sanè, cum obindè ex Regula 3. n. 51. *sup.* sequi videatur, illa non esse majoris autoritatis, quàm sint Scholastici, hinc ex Regula 3. aliqua hæresis sequi videtur. Vide n. 26. ad 30.

Q U Æ S T I O V I I I.

81. **Q** Varitur octavò: An D. Buscumius præ cæteris Regulas & expressiones assumpserit, quæ in Scriptura & Traditione sint in usu?

82. Si affirmet: ostendat octo Regulas & expressiones, quas assumpsit, in Scripturâ & Traditione esse in usu: ipsos quoque Apostolos & SS. Patres plusquam per decem sæcula illis usos esse, tam ad infideles convertendos, ad fideles instruendos, ac Clerum illuminandum, quàm ad hæreticos & errantes damnandos & revocandos, uti ad Regulam 4. pro ratione scribit: posse, non credam, nisi ostenderit: debet tamen; quia eadem est ratio Regularum, quæ vocum, de quibus Regula 4. imò major. Cur ibi non addit conformiter Conciliorum Generalium, aut Pontificum infallibilibus fidei explicationibus, definitionibus, determinationibus, quas ut tales à Scriptura & Traditione expressis distingui huc usque probavimus? Certè dum has in Regula explicite non ponit, de erronea exclusionè suspicionem augeat, ut sequitur ex præ-

præmissis, & indè Regulam illam reddit suspectam. Vide dicta n. 49. in fine, ac n. 72. & 74.

83. Si neget: aliis Regulam tradit, quam ipse desperit, & cur desperat, esse potest; quia fortè plus intendit, quàm clarè exprimere ausit: notet illud Vincentii Lirinensis in suo aureo *adversus omnium hæreson novationes* libello: *Scripturam Sacram* (& idem est de Divinà Traditione) *pro ipsa sui altitudine non uno eodemque sensu universi accipiunt; sed ejusdem eloquia aliter atque aliter, alius atque alius interpretatur, ut penè, quot sunt, tot illinc sententia erui posse videantur.* Aliter namque illam Novatianus, aliter Photinus, aliter Sabellius, aliter Donatus exponit, aliter Arius, Eunomius, Macedonius, aliter Apollinarius, Priscillianus, aliter Iovinianus, Pelagius, Cælestinus, aliter postremò Nestorius. Quorum, & aliorum, Lutheri, Calvini, &c. hæreses, si velit à sua Regula remotiores, illi addere debet conformiter Conciliorum Generalium aut Pontificum infallibilibus fidei explicationibus, definitionibus, determinationibus, juxta id, quod in libello isto immediatè sequitur: Atque idcirco multùm necesse est, propter tantos tam varii erroris anfractus, ut Prophetica & Apostolica interpretationis linea secundum Ecclesiastici & Catholici sensus normam dirigatur. Vide Trident. suprà n. 69.

84. Undè mirum est, quod pro conclusione suæ Regula 4. addit: *Igitur hac Regula suppeditat remedium tollendi ex Scholæ Theologicis quæstiones de nomine, equivocationes, distinctiones, & per consequens inutiles pugnas, criminationes, confusiones & scandala: cum potius defectu distinctionis sit periculum invehendicæ, & omnes prædictas hæreses defectu hujus ad Regulam 4. Conformiter Conciliorum Generalium, aut Pontificum infallibilibus fidei explicationibus, definitionibus, declarationibus, additionis.* Vide dicta Exam. 1. n. 32.

85. Nec minùs mirum est, quod ibidem subdit: *Saltem hoc pro verissimo tenendum est (si forte alicui jam dicta minus arrideant) neminem magis Christianè, aut Theologicè loqui, censi debere, quàm qui illis vocibus & expressionibus utitur, quibus Scriptura & Traditio usa sunt; nam si addatur juxta Regulam præcisè, si-ve præcis, prout præscindit, Conciliorum Generalium, aut Pontificum infallibilibus fidei explicationibus, definitionibus, declarationibus, determinationibus, id tam falsum est, quàm quod hæ non sint necessariæ ad omnes prædictas debellandum hæreses.*

E X A M E N I I I.

Super Regula s. & 6.

D. BUSCUMIUS.

86. **R**egula 5. Res, voces; & expressiones Scriptura & Traditionis, quæ clara sunt, debent in sua claritate usurpari; quæ verò obscura &quivoca sunt, debent explicari, aut definiri, & ad certum sensum determinari.

87. Addit pro ratione: Ratio est; quia ea, quæ clara sunt, ad hoc ut intelligantur, aut ad usum applicentur, non egent explicatone; solum curandum est, ut in sua claritate retineantur, & nè ad sensum pravam contorqueantur: talia valde multa sunt, ut historia, miracula, & sententia, tam Scriptura, quam Traditionis, quæ tam clarè verbis expressa sunt, ut nonnisi per vim ad alienum sensum cogi possint.

88. Illa verò, quæ obscura &quivoca sunt in Scriptura, & Traditione, si obviò sensu accipiuntur, non tantùm falsa erunt, verum & absurda, vana, nociva, imò & hæretica, & ad damnationem ducentia; hinc est, quod S. Petrus mones Epist. 2. cap. 3. loquens de Epistolis Apostoli Pauli: In quibus (inquit) sunt quædam difficilia intellectu, quæ indocti, & instabiles depravant, sicut & cæteras Scripturas, ad suam ipsorum damnationem.

89. Regula 6. Explicationes & definitiones Theologica, tam quoad voces, quam ad res significatas Scriptura & Traditionis, peti debent, non ex uniuscujusque placito, sed ex mente Spiritus Sancti, & sensu ab ipso, dum revelaret, intento.

90. Addit pro dispositione 3. ex parte Theologi necessaria ad intelligentiam verbi Dei: Tertia dispositio, eaque certissima, est attenta consideratio Traditionis. Cum enim ipsa sibi. Scriptura, quantumcumque legatur, & teneatur, ad propriam sui dilucidationem non sufficit; necesse est illam conferre cum Traditione, sine qua nec ipsam Scripturam agnosceremus. Per hoc enim cognoscimus Scripturam esse Verbum Dei; quia Ecclesia per Traditionem instructa sic definit, & declarat hos libros à Spiritu sancto dictante esse scriptos: ita ut primum & originale principium omnium eorum, quæ fide divinâ credimus, sit Traditio.

91. Principium autem & origo Traditionis est prima Veritas revelans, quæ olim loquens Patribus in Prophetis, novissimè Apostolis, aliisque præordinatis testibus, locuta est in filio.

92. Et infra: Itaque dein SS. Patres illud ipsum Verbum cum suo sensu, & Spiritu, prout ab Apostolis acceperant, suis scriptis expresserint, & currentibus sæculis, tam ad hæreses exurgentes damnandas, quam ad pravas doctrinas eliminandas, ad Concilium, in Canones & decreta redegerint. Unde doctrina Conciliorum & Patrum non est ipsorum, sed Apostolorum & Christi, à quibus illam per Traditionem acceperant.

AU.

A U T H O R.

Q U Æ S T I O I.

93. **Q** Varitur primò. Idem quod Examine 1. q. 2. & 3. Vide ibidem dicta: alioqui hîc non loqueretur consequenter, aut saltem malè confunderet Traditionem Ecclesiæ Catholica, cum Divina, quam describit ad Regulam 1. uti toto Exam. 1. vidimus, quæ est Verbum Dei. &c.

Q U Æ S T I O II.

94. **Q** Varitur secundò. An D. Buscumius velit, Scripturæ & Traditionis voces & expressiones obscuras & equivocas debere, explicari, aut definiri, & ad certum sensum determinari, à solis Conciliis Generalibus, aut etiam à Scholasticis Theologis?

95. Si à solis Conciliis Generalibus: Quid miratur ibidem subdens: Mirum utique, in veritate rimanda sagaciores Theologi inveniri Geometras, qui ad vitandos equivocationis errores, & obscurarum vocum quaestiones, verba imprimis ipsa definiunt; constituta autem apud ipsos semel alicujus vocis notione, qui de sensu ejus adhuc dubitat, aut illam ex vulgi more, non ex ipsa definitione, interpretatur, merito ab omnibus exploditur? Quid monet ibidem: Igitur debet Theologus ad hoc anniti, ut ea, quæ obscura & equivoca sunt in Scriptura & Traditione, non sensu obvio accipiantur, sed vero & sano, & à Spiritu Sancto intento? Et cur Regula 6. vocat illas explicationes & definitiones Theologicas, dicens: Explicationes & definitiones Theologica, tam quoad voces, quam ad res significatas Scripturæ & Traditionis, &c? Cum enim de fide sit, Concilia Generalia habere infallibilem, nè errent, Spiritus Sancti assistentiam, quam non habent Geometræ, & ideo monendi non sint, ad hoc annitantur, ut ea, &c. non sensu obvio accipiantur, &c. aut utrumque est impertinens; aut vult, Concilia Generalia non esse infallibilia Geometris, vel Theologis, de quibus ibi, quod est hæreticum.

96. Si à Theologis: vel seorsim à sensu à Conciliis Generalibus & Sacris Canonibus intento, vel conjunctim? Si conjunctim: vim retinet argumentum statim factum. Si seorsim: illis tribuit voces & expressiones Scripturæ & Traditionis, sive Verbi Dei, quæ obscura & equivoca sunt explicandi, aut definiendi, & ad certum sensum determinandi, dictam autoritatem, & sic Conciliorum Generalium ac fidei controversiarum Judicis infallibilis necessitatem tollit, quod etiam est hæreticum. Igitur.

2^U A S T I O. III.

97. **Q**uæritur tertio. An D. Buscumius velit, Theologos per se & independentes à Conciliis Generalibus, & Sacris Canonibus, voces & expressiones Scripturæ & Traditionis, quæ obscuræ & æquivocæ sunt, posse infallibiliter explicare, aut definire, & ad certum sensum determinare.

98. Si neget: ad quid talem Regulam 3. & 4. Theologis ab istis præcisam scribit, nisi, ut errent, & seducantur, ac de sua Regula 1. testimonium perhibeant erroris & seductionis, uti *Examine* 1. vidimus?

99. Si affirmet, quod non obscurè evincit *Examen* 1. Theologis, à Conciliis Generalibus, & Sacris Canonibus independentem, fidei controversiarum Judicis infallibilis auctoritatem tribuit, quod est hæreticum; ideòque planè impertinenter suam Regulam ad Theologos dirigit, optat comparari Geometris, & illos monet, ut annuantur ea, quæ obscuræ & æquivocæ sunt in Scriptura & Traditione non sensu obvio accipi, sed vero & sano, & à Spiritu Sancto intento: quia nihil per se & independentè à Conciliis Generalibus, & Sacris Canonibus habent infallibilitatis, præter ipsam Scripturam & Traditionem obscuram & æquivocam, de quibus quæstio est, & spiritum privatum, qui Lutheranis, Calvinianis, & aliis hæreticis est communis.

100. Undè verendum est, nè quis putet, D. Buscumium in sua *Institutione ad Tyronem Theologum* voluisse, etiam Generalibus Conciliis omnem adimere auctoritatem infallibilitatis, præterquam Verbi Dei scripti, aut sine scripto traditi, prout in se est à Conciliis Generalibus & à Sacris Canonibus independentem, & antecedentem; quia ad Regulam 8. dicens: *Vtitur autem Ecclesia infallibili hæc sibi à Christo relicta auctoritate, tam in dubiis & quæstionibus fidei definiendis, quàm erroribus, & hæresibus anathematizandis, tribus modis. Primo, quando ipsa in Concilio generali congregata definit: sunt enim definitiones Conciliorum, adedò certæ & infallibiles, quàm ipsum Evangelium: pro ratione addit: Nihil enim interest, an Verbum Dei sit scriptum, an sine scripto traditum; quo totam tribuit illarum certitudinem & infallibilitatem, Verbo Dei scripto, aut sine scripto tradito; non verò infallibili, nè errent, Spiritus Sancti assistentiæ. Et ad Regulam 6. dicit: Per hoc enim cognoscimus Scripturam esse Verbum Dei; quia Ecclesia per Traditionem (nota non dicere, per infallibilem Spiritus Sancti assistentiam) sic definit, & declarat hos libros à Spiritu Sancto dictante esse conscriptos: ita ut primum & originale principium omnium eorum, quæ fide divinâ credimus, sit traditio. Et infra: Unde doctrina Conciliorum & Patrum non est ipsorum, sed Apostolorum & Christi, à quibus illam per Traditionem acceperunt: quæ omnia vera sunt, Conciliis Generalibus & Sacris Canonibus ademptâ omni auctoritate infallibilitatis, præterquam Verbi Dei scripti, aut sine scripto traditi, prout in se est à Conciliis Generalibus & Sacris Canonibus independentem, & antecedentem: nec minus vera sunt respectu cujuslibet Theologi Orthodoxi easdem sibi defini-*

tiones

tiones facientis juxta *Regulam* 5. quam respectu Conciliorum Generalium, aut Ecclesiæ, præsertim, attentâ ratione *Regulæ* 3. Quia jam nihil est de fide, aut fieri potest, quod ab initio de fide non fuit: Christus enim Dominus cum Apostolis suis totum Evangelium, & quidquid à nobis credi voluit, promulgavit. Et ratione *Regulæ* 7. Quia esse de fide, idem est, quod esse à Deo revelatum, seu Verbum Dei: omne autem Verbum Dei, aut continetur in Scriptura, aut Traditione. Relege dicta *Examine* 2. per totum.

101. Quod autem sequelam istam verosimilius suadet, est, quod, non obstantibus suæ Instructionis ad Tyronem Theologum revelatis periculis, in sua *Defensione* pag. 23. scribens: Requiritur ergo divina revelatio, ut mysterium Immaculatae Conceptionis tanquam fidei decernatur: hanc desumere oportet ex æternitatis Volumine, quod Deus Ecclesiæ suæ pandit per Scripturam & Traditionem: Hæc verba brevis Apostolici Gregorii XIII æternitatis volumen, quod in sapientia Christianæ Cathedra legere debemus, transmutet in hæc, quod Deus Ecclesiæ suæ pandit per Scripturam & Traditionem: Quasi verò sapientiæ Christianæ, sive Summi Pontificis, Cathedra, etiam in Concilio Generali, aliud non sit, quàm Scriptura & Traditio, & de harum obscuritate & indeterminatione infallibiliter non judicet, definiat, & determinet, quod Scriptura & Traditio non faciunt: hoc sanè esset cum Lutheranis & Calvinistis illam sentire ad controversias fidei inutilem & frustraneam.

102. Item quasi verò, ex eo, quod Pontifex dicit: Spiritus Sanctus accuratissimis precibus exoratus, nondum tanti mysterii arcanum Ecclesiæ suæ patefecit; nos autem nonnisi, eò præeunte, æternitatis volumen in sapientia Christiana Cathedra legere debemus, legitimè inferat: Ergo, ipsomet Pontifice fatente, non poterat tunc temporis mysterium istud proponi fidei Divinæ credendum, defectu Scripturæ & Traditionis. Hoc enim ibi non fatetur Pontifex, nec sine evidenti errore fateri potuit, pro Immaculata Deiparæ Virginis Conceptione non subesse Scripturarum, ac sanioris & maximæ totius Ecclesiæ partis Traditionem, ut patet ex fusè deductis in nostra *Visione* *Elia de Immaculat. Concept. disp.* 3. quoad Scripturam à n. 255. ad 269. & quoad Traditionem à n. 404. ad 605. Sed solum vult, Spiritum sanctum nondum suæ Ecclesiæ inspirasse istiusmodi Scripturæ & Traditionis obscuræ, ac in Divina Traditione adhuc implicitæ & indeterminatæ tamquam fidei propositionem, & definitionem, quam nonnisi istâ præeunte in inspiratione facere debet. Vide infra *Exam.* 4. q. 7. n. 167.

103. Nec minus eandem sequelam suadet id, quod habet in eadem sua *Defensione* pag. 27. Cum enim Tyroni Theologo præscriberem per primam Regulam, ut, ne erret, aut seducatur, absque præjudiciis indeterminatus habeat inter partes Scholasticorum, donec ex ipsis principiis convincatur de veritate: non poteram tamquam certum & de fide determinatum proponere, quod ex Theologia principiis necdum constabat esse infallibiliter definitum. Hujus non minoris suasionis

104. Ratio est: Quia consequenter, juxta Regulam 2. s. Theologia à duobus tantum principiis est petenda, Scripturâ scilicet & Traditione (de quibus Re-

gula 1.) vult se non posse, aliquid, quidquid sit, tamquam certum & fide Divinā determinatum proponere, quod ex Theologia principii, duobus tantum, Scripturā scilicet & Traditione, necdum constat esse infallibiliter definitum, licet esset à Concilio Generali, & Summo Pontifice ex Cathedra, sive Cathedrae Petri auctoritate, definitum: quia pro Regula 7. sic indubitanter statuit: *Ad demonstrandum aliquid esse, vel non esse de fide, requiritur (nota) & sufficit probare, quod contineatur, vel non contineatur (in eadem Defensione pag. 18. omisit, vel non contineatur, quo, omisso, Regula est hæretica) Scripturā, vel Traditione.* Ubi in Traditione comprehendere non potest Conciliorum Generalium & Pontificum ex Cathedra definitiones, ut patet ex præmissis, toto *Examine* 1. & suæ Defensionis pag. 20. *Sed numquid saltem injuriosum est Ecclesia, asserere, quod decisiones Conciliorum Generalium in questionibus facti, non sint de fide. Respondeo: quod, suppositā veritate Regula (utique 7.) si quaestiones illæ facti non contineantur Scripturā vel Traditione, non sunt de fide. Regula 7. autem non habet non contineantur, sed, probari tamen non possunt contineri in Scriptura & Traditione, quæ sunt longè diversa; quia obscure & implicitè dumtaxat contenta in Scriptura & Traditione, infallibiliter probari non possunt contineri in illis, nisi ipsā Concilii & Pontificis ex Cathedra Definitione, quam ibi in quaestionibus facti vult esse incertam & dubiam. Vide supra n. 44. Cur autem etiam hoc mutari? Magis constabit, dum ad hæc & totum hoc Examen responderit.*

105. Addit quidem Defensionis suæ pag. 21. *Quod autem in conciliis Generalibus declarari, & decidi possint quaestiones facti, quæ non continentur in sacra Scriptura vel Traditione, nullus inficiabitur.* Sed hoc non intelligo, nisi sit omissum non possint, quod inter errata non notatur; & si ponatur, nihil pro ejus defensione facit, nisi probet, quod prætendit, Ecclesia infallibilitatem, quando solus Pontifex, absque consensu aut approbatione aliorum Antistitum, aliquid definit (de qua ipse ad Regulam 8.) *Canonizationes Sanctorum* (de quibus ad Regulam 7.) ac *decisiones & definitiones Ecclesia etiam in Concilio Generali, de quaestionibus facti* (de quibus ibidem,) non contineri, saltè implicitè & indeterminatè in Scriptura vel Traditione; quia, quod, si ut sic in illis contineantur, possint à Conciliis Generalibus declarari, & decidi, nullus Orthodoxus inficiabitur: in illa autem & Scriptura eas ut sic contineri, *Examine* 4. ostendemus.

106. Superaddit quidem ibidem pag. 29. *Dico iterum, iterumque dico, & affirmo cum magno Pontifice S. Gregorio, quatuor primis Conciliis Generalibus, non minorem deberi honorem, quàm quatuor Evangelii; nec his modò, verum etiam cæteris omnibus Oecumenicis Conciliis in Ecclesia legitime celebratis, parem honorem, venerationem, ac fidem habendam credo firmiter. Sed*

107. Quomodò id credit? Non capio, cum approbet Concilium Basilcense à Concilio Florentino Oecumenico reprobatum, & hoc ipse reprobat in eo puncto, quo illud approbat, ut infra n. 145. & 220. videbimus. Deinde id non credit, nisi sub hac implicita conditione: *Si eorum fidei definitiones*

probentur contineri in Scriptura & Traditione, juxta ejus Regulam 7. vel si probentur à Deo revelata, esse Verbum Dei, &c. juxta id, quod isti Regulæ subdit: quia esse de fide, idem est, quod esse à Deo revelatum, seu Verbum Dei: omne autem Verbum Dei continetur in Scriptura & Traditione. Et infrà: omne autem, quod fidei est, continetur in Scriptura vel Traditione. Unde ad Regulam 8. sic scribit: sunt enim definitiones Conciliorum adeo certa & infallibiles, quàm ipsum Evangelium: nihil enim interest, an Verbum Dei sit scriptum, an sine scripto traditum: hoc sensu Pontifex Gregorius constebatur quatuor primis Conciliis Generalibus non minorem deberi honorem, quàm quatuor Evangelii. Ex quibus patet, alteram fidei D. Buscumii pag. 29. sua defensionis confessionem esse isti absumilem & truncatam, ad illamque, quam non retractat, & non retractatam compatitur, esse revocandam.

108. Propter hæc autem verba, nihil enim refert, &c. hòc sensu, &c. & sensum, quo credit, ante datum: hic omninò attendere oportet, quod (consequenter ad ea, quæ desuper habet Regula 7. ad demonstrandam aliquid esse, vel non esse de fide, requiritur, & sufficit, probare, quod contineatur vel non contineatur Scriptura vel Traditione, prout illam explicat ad Regulam 2. Verbo dei, &c. tamquam ejus principio, juxta ipsius Regulam 2. paulò ante citatam, claro & expresse, quale debere esse principium absolute & simpliciter sumptum, prout sumit, diximus Examine 1.) ibi subaudire debeat: Si probentur contineri in Scriptura, vel Traditione, Verbo Dei tamquam eorum principio claro & expresse: alioqui, inquit Regula 7. citata, Si aliquid probetur, non contineri in Scriptura vel Traditione (utique Verbo Dei tamquam ejus principio claro) demonstratur non esse de fide. Hòc modò demonstratur non esse de fide, aut fide Divinà credendas, &c. Canonizationes Sanctorum, item decisiones & definitiones Ecclesia, etiam in Concilio Generali, de quæstionibus facti.

109. Ubi; quia has quæstiones facti non excipit, An Scriptura, an Traditio, quam fide certa tenemus, sit verè Verbum Dei. An Concilium Generale sit legitimum. An in Concilio quovis sit legitime damnata hæresis Pelagii, & sic de aliis dogmaticis, quæ simpliciter, ut loquitur sunt facti; sic demonstrando decisiones & definitiones, quæ sunt de quæstionibus facti, non esse de fide, salvo meliori judicio, consequenter demonstrat, nec Scripturam, nec Traditionem, nec Conciliorum Generalium definitiones, nec hæresion & hæreticorum condemnationes, esse de fide, ac sic nullam esse in Ecclesia fidem Divinam, nec illam Dei Ecclesiam esse fide Divinà credendam, in quo est omnis hæresis summarium.

110. Quid ad hæc? Non quæro, quid interiùs intendat; sed quid exterius ex ejus scriptis sequatur: neque ut mihi suos alleget fautores; sed ut argumentum illud solvat D. Buscumius, cujus, non aliorum, Instructionem, & Defensionem examino: recordetur tamen, quod Petrus Christum ad gallicantum ter negarit, nè ipse Ecclesiam ad heterodoxi galli patrociniū.

111. Licet tamen illas, imò etiam Canonizationes Sanctorum, & Deiparæ Immaculatam Conceptionem exciperet, adhuc tota eius Regula esset Dei Ecclesiæ & fidei Catholicæ valdè perniciofa, dum fidem habendam Conci-

Conciliorum Generalium decisionibus & definitionibus subijcit convictioni Theologorum, imò etiam unius Tyronis Theologi, cui Regulas suas scribit; quia indè natæ sunt sequi tot rebelliones contra Ecclesiam, quot capita, quibus non probabitur, veritates in Concilio Generali legitimo definitas contineri in *Scripturâ & Traditione Verbo Dei, tamquam ejus principio claro & expresso*, ut vidimus, & quas, juxta suum rebelle capricium, probabunt, non contineri in *Scriptura vel Traditione Verbo Dei, tamquam ejus principio claro & expresso*. Vide dicta n. 28. & 44.

112. Audiat, obsecro Augustinum lib. 1. contra Cresconium cap. 30. *Quamvis hujus rei (non baptizandos esse hæreticos) certo de Scripturis Canonis, non proferatur exemplum, earundem tamen Scripturarum etiam in hac re (nota) in qua non profertur Scriptura exemplum, à nobis tenetur veritas, cum hoc facimus, quod universa jam placuit Ecclesie (utique licet Domino Busemio non probetur, aut non probet, contineri in Scriptura, & idem est proportionaliter de Traditione Verbo Dei uti Regula 2. explicat) quam ipsarum Scripturam commendat autoritas, ut, quoniam Sancta fallere non potest, quisquis falli metuit hujus obsecratione quaestione, eandem Ecclesiam de illa consulat, &c.*

113. Item de veritate Ecclesie contra Epist. Petilianæ cap. 13. Dicat mihi nunc hæreticus, quomodo me suscipis? Cui respondeo, sicut suscipit Ecclesia, cui Christus perhibet testimonium. Numquid (nota quomodo dictam probationem explodit) tu melius potes nosse, quomodo suscipiendus sis, quam Salvator noster medicus vulneris tui? Hic forte dices: lege ergo mihi quemadmodum Christus suscipi jusserit eos, qui ab hæreticis transire ad Ecclesiam volunt. Hoc aperte atque evidenter, nec ego lego, nec tu: nunc vero cum in Scripturis non inveniamus, &c. puto, si aliquis sapiens extiteret, cui Dominus Iesus Christus testimonium perhiberet, & de hac quaestione consuleretur à nobis, nullo modo dubitare deberemus, id facere, quod ille dixisset, nè non tam ipsi, quam Domino Iesu Christo cujus testimonio commendabatur, repugnare diceremur: perhibet autem testimonium Christus Ecclesie suæ.

114. Imò & D. Thomam Quodlibeto 9. artic. ultim. dicentem: *Certum est, quod iudicium Ecclesie universalis errare in his, quæ ad fidem pertinent, impossibile est: unde magis standum iudicio Papæ, ad quem pertinet determinare de fide, quam in iudicio profert, quam quorumlibet sapientum in Scripturis opinioni*. Sed maximè Gelasium Papam Epist. 4. ad Faustum, cujus verba habes infra n. 198. ac alios n. 194. ad 200.

115. Numquid D. Busemius in præmissis hunc antiquitatis tramitem relinquit, & Theologos ad necessitatis probandi, decreta Conciliorum Generalium & Pontificum esse, vel non esse, contenta in Scriptura vel Traditione, fabulas aniles convertit, unde insultare possunt, hæretici Catholicis, & audaciores reddi istis Regulis & documentis, & ab illis scandalizati nequitiae seu pertinaciae suæ incrementum capere? Numquid suarum Regularum & documentorum confusionibus, & Ecclesiae Dei insolitis subtilitatibus, vix intelligibilis factus est, de quibus tamen Regula 4. Scholasticos

laisticos arguit? Numquid in suis Regulis recentiores Gallos cum antiquioribus Patribus æqua lance ponderat, eorumvè placita Patrum sententiis opponit, qui novæ doctrinas, & olim inauditas, edunt, in suis adinventionibus glorianτες, nullâ habitatione antiquitatis? Sed, cum scommata hic effutita in Scholasticos excuset in *Defensione sua* pag. 49 per dictâ Regulâ 3. licet malè; quia sunt disparata: mihi satis est, dum de sola ejus mente *Quæstiones* pono, insinuasſe, quàm facile omnia, quæ in Scholasticos contorſit, in ipsum posse in materia fidei, periculosa magis, retorqueri.

116. Dicit quidem ad Regulam 8. *Tamen hoc speciale est in Theologia, quod ipsius principia ab Ecclesia infallibili auctoritate proponantur, definiantur, determinentur.* Sed ut n. 99. & 1010 *Examine* 2. vidimus, totam illam infallibilitatem refundit in *Verbum Dei scriptum, aut sine scripto traditum*; ideoque nihil inde contra præmissâ evincitur. Cur autem D. Buscumius Conciliis Generalibus omnem adimeret auctoritatem infallibilitatis, præterquam *Verbi Dei scripti, aut sine scripto traditi*, non video, nisi forsitan, ut à fortiori illam extra Concilium Generale adimeret Summo Pontifici in Jansenii quinque Propositionum condemnatione, Sanctorum Canonizatione, &c. cò quòd à Conciliorum Generalium infallibilitate ad Summi Pontificis extra Concilium Generale infallibilitatem est legitima sequela, ut infra videbimus.

QUÆSTIO. IV.

117 **Q**Varitur quærè. An judicet D. Buscumius, primum & originale principium omnium obscurè & æquivocè in *Scriptura & Traditione* contentorum, quæ post Conciliorum Generalium sub infallibili, nè errent, Spiritus S. assistentiâ explicationes, definitiones, determinationes, *fide divinâ credimus*, esse Traditionem illam, in qua obscurè & æquivocè continentur.

118. S. affirmet: primum & originale principium eorum quæ fide divinâ credimus, statuit ipsum obscurum, æquivocum, & ante Concilii Generalis explicationes, definitiones, determinationes, incertum ac indeterminatum, dum controversia est de ipsâ *Traditione*, obscura, incerta & indeterminata, quod, in simili de *Scriptura*, contra Lutheranos & Calvinistas, totius Ecclesiæ Catholicæ judicio, non est sufficiens; quia obscurum, æquivocum, incertum & indeterminatum, nec benè, nec satis per obscurum, æquivocum, incertum & indeterminatum originale principium explicatur, definitur, determinatur: alioquì frustra sunt omnia Concilia Generalia, omnesque eorum explicationes, definitiones, determinationes essent in suo originali principio, à quo per D. Buscumium peti debent, juxta id, quod addit ad Regulam 7. *Ut dictum est sub Regula sexta à traditione peti debet sensus & spiritus S. Scriptura*, obscuræ, æquivocæ, incertæ, & indeterminatæ, quod sola earum lectione apparet evidenter falsum, & constat utrumque esse hæreticum,

119. Si neget: omnium obscure & æquivocè in *Scriptura & Traditione* contentorum, à nobis, post Conciliorum Generalium sub infallibili, nè errent, Spiritus Sancti assistentiâ explicationes, definitiones, determinationes, fide divinâ creditorum, aliud, præter *Traditionem*, consignare debet primum & originale principium, videlicet infallibilem, nè in istis errent, Spiritus Sancti assistentiam, à qua, non à *Traditione* in se & suo sensu obscura, æquivoca & indeterminata, illorum *explicationum, definitionum, & determinationum* infallibilitas peti debet: nam, quod de *Scriptura* ad Regulam 6. dicit, cum enim ipsa sibi *Scriptura*, quantumcumque legatur, & teneatur, ad propriam sui dilucidationem non sufficit, in *Traditione* obscura, æquivoca, incerta & indeterminata locum habet: undè parum consideratè immediatè addit: *neceesse est illam conferre cum Traditione*: nam si hæc talis est, ut diximus, qualem ipsam *Scripturam* dicit, uti nec ad propriam, ità nec ad *Scripturæ* obscuræ, æquivocæ, incertæ & indeterminatæ sufficiet *explicationem, definitionem, & determinationem*, ut patet.

Q U Æ S T I O V.

120. **Q**Varitur quintò. An D. Buscumius his verbis: *Per hoc enim cognoscimus, Scripturam esse Verbum Dei; quia Ecclesia, per Traditionem instructa, sic definit, & declarat hos libros à Spiritu Sancto dictante esse conscriptos: ita ut primum & originale principium omnium eorum, quæ fide divinâ credimus, sit Traditio*. Hòc sensu intelligat: quia *Ecclesia per Traditionem*, seorsim ab infallibili, nè erret, Spiritus Sancti assistentiâ acceptam, *instructa sic definit, &c.*

121. Si affirmet: nihil, præterquam *Traditionis*, in Ecclesia & Conciliis Generalibus agnoscat infallibilitatis, quod esse hæreticum dixi: quia, si *Scriptura & Traditio* sint obscuræ, æquivocæ, incertæ & indeterminatæ, infallibili in Ecclesia, & Conciliis Generalibus Judici, infallibiliter explicanti, definienti, determinanti, non aliam tribuit infallibilitatem, quàm obscuræ, æquivocæ, incertæ & indeterminatæ *Traditionis*, illumque esse superfluum & inutilem, virtualiter asserit: quæ omnia sunt evidenter hæretica. Vide n. 49.

122. Si neget: debuisset addere istam infallibilitatem, & hoc modo suam formare rationem: quia *Ecclesia per Traditionem, & infallibilem nè erret, Spiritus Sancti assistentiam, instructa sic definit, &c.* sed hoc addere non potuit, stante veritate, quam præterdit, suarum quinque priorum Regularum, ut *Examina* præmissa consideranti patebit. Undè quod hic, aut in illis, & sic hic, & in illis, erraverit, non obscure deducitur, præsertim, cum ità suis Regulis inhæreat, ut in earum *Defensione* dicat: *Poteramne*. Vide infra n. 151.

123. Verum quidem est, quod ad Regulam 2. dicat: *Peri autem debet Traditio ex Conciliorum & Pontificum decretis & SS. Patrum & antiquorum libris*. Sed quid,

quid, si ante illa, aut etiam post illa, fuerit in Ecclesia quaestio de Traditione obscura, æquivoca, incerta, & indeterminata? An illa per *Traditionem* hanc, seorsim ab infallibili, nè erret, Spiritus Sancti assistentiâ acceptam, instructa, dictam quaestionem infallibiliter definient, & declarabunt? Sive affirmet, sive neget, præmissas incurrit difficultates: quibus providisset, & cavere potuisset, si *Regula 6.* inter dispositiones *ex parte Theologi necessarias ad intelligentiam Verbi Dei*, tertiam hoc modo expressisset: *Tertia dispositio, eaq; certissima, est attenta consideratio Traditionis ab Ecclesia sub infallibili, nè erret, Spiritus Sancti assistentiâ explicata, definita, determinata:* non verò hoc modo: *Tertia dispositio, eaq; certissima, est attenta consideratio Traditionis præcisè, uti eam exprimit.* Vide dicta *n. 112. ad 115.* & pro responsu ejus præoccupatione præmissa *n. 108. ad 117.*

124. Ratio est: quia, si hæc obscura, æquivoca & indeterminata sit, ipsum magistrum cum discipulis, quos instruit, in eum inducit abusum, quem *Regula 5.* carpit, his verbis: *Abusus hujus Regulae communis est, imprimis omnibus hæreticis, qui & falsa sua dogmata turè pro fide valeant depradicare, ea obscuris Scripturae sacra (tu dic ad subjectam materiam Traditionis à pari) involucris velare student.* Et meritò timere debet, cum sit Pœnitentiarius, Pastorum, Confessariorum, & Ordinandorum Examinator ordinarius, nè in ipsum etiam retorqueatur id, quo alios impetit *ibidem* scribens: *Quibus, ut olim Pharisei, ita nunc maxime exclamat veritas: Væ vobis Legisperitis; quia tulistis clavem scientiæ, ipsi non introistis, & eos, qui introibant, prohibuistis.* *Lucæ 11.* Vide *Lirinensem n. 83.* sibi que utilius subdidisset (quod in ipsum retorqueo, ex dictis *ibidem*) satis deplorari non potest, quanta ubique erit, attentâ meâ præcisâ dispositione 3. *Theologorum ignorantia, fastidium, & contemptus Verbi Dei sine scripto traditi* (sive Traditionis Divinæ ut ab Ecclesia infallibiliter, sub infallibili, nè erret, Spiritus Sancti assistentiâ, explicatæ, definitæ, determinatæ, cum *Examine 1.* ostenderimus, ipsum non posse, sistendo in suis expositionibus, hanc intelligere) quàm id, quod *ibidem* subdidit.

EXAMEN IV.

Super Regula 7.

D. BUSCUMIUS.

125. **R**egula 7. Ad demonstrandum aliquid esse, vel non esse de fide, requiritur & sufficit probare, quod contineatur, vel non contineatur Scripturâ, vel Traditione.

126. Ad demonstrandum verò aliquid esse, vel non esse hæreticam, requiritur & sufficit probare, quod repugnet, vel non repugnet Scripturæ, vel Traditioni.

E

127. Ad-

127. Addit primò pro ratione: Ratio prima partù est clara: quia esse de fide, idem est, quod esse à Deo revelatum, seu Verbum Dei: omne autem Verbum Dei aut continetur in Scriptura, aut Traditione, ergo eò ipso, quò probatur aliquid contineri in Scriptura, vel Traditione, evidenter convincitur esse de fide.

128. Similiter si aliquid probetur non contineri in Scriptura, vel Traditione, demonstratur non esse de fide.

129. Nòc modò demonstratur, non esse de fide, aut fide divinà credendas revelationes Brigittæ, Hildegardis, Malachia Episcopi, &c. item Canonizationes Sanctorum, item decisiones & definitiones Ecclesiæ etiam in Concilio Generali de quæstionibus facti: item ea, quæ permittuntur per Ecclesiæ à fidelibus piè credi, probari tamen non possunt contineri in Scriptura vel Traditione, v. g. Mysterium Immaculata Conceptionis Beata Virginis; quod quidem ob multas rationes sustinetur ut verum, sed defectu Scripturæ, & Traditionis de fide esse non potest.

130. Ratio secunde partù est: quia hæreticum dicitur omne, quod est contra fidem, vel quod repugnat fidei: omne autem quod fidei est, continetur in Scriptura vel Traditione; ergo eo ipso, quò probatur aliquid repugnare Scripturæ, vel Traditioni, demonstratur esse contra fidem, seu hæreticum.

131. Similiter, si aliquid probetur non repugnare Scripturæ, vel Traditioni, demonstratur non esse hæreticum.

132. Ex quo patet à Scholasticis sustineri multas propositiones hæreticas, eas nempe, quæ probantur repugnare Scripturæ, vel Traditioni, etiamsi ab Auctoribus ob multas ratiunculas habeantur probabiles: quantumcumque enim magna sit probabilitas, illa non tollit repugnantiam cum fide; quæ enim semel hæretica sunt, semper sunt hæretica.

133. Addit secundò ad Regulam 8. Alii addunt quartam modum Ecclesiæ infallibilitatis, quando solus Pontifex absque consensu, aut approbatione aliorum Antistitum aliquid definit; sed quia illum non admittunt gravissimi Pontifices, & Doctores, & contrarium censerunt Patres Concilii Basiliensis, eum intractum, ut dubium, & adhuc ex principiis suis eruendum præteribimus, hic solùm asserentes ea, quæ certa sunt, & extra omnem controversiam.

A U T H O R

134. **Q**uæstiones super sensu horum verborum Scripturæ vel Traditione, jam aliquoties, & sufficienter motæ sunt suprâ: sive autem Scripturam & Traditionem accipiat præcisè secundum se, & seorsim ab Ecclesiæ infallibili, nè erret, Spiritus Sancti assistentiâ, sive conjunctim, & ut ab Ecclesiâ sub infallibili, nè erret, Spiritus Sancti assistentiâ, explicatam, definitam, determinatam, suas graves, attentâ materiâ Libelli, sive Instructionis D. Buscumii ad Tyronem Theologum, patitur difficultates, uti hucusque vidimus: quare, illis hic prætermittis. Sit

QVÆSTIO. I.

135. **Q**Varitur primò. An D. Busemarius judicet, esse fidei Traditionem, quòd Christus in Petro dixerit omni legitimo Petri successori illud Matth. 16. *Tues Petrus & super hanc petram edificabo Ecclesiam meam: & porte inferi non pravelebunt adversus eam: & tibi dabo claves regni cælorum, & quodcumque ligaveris super terram, erit ligatum & in cælis, & quodcumque solveris super terram, erit solutum & in cælis?*

136. Si affirmet: Consequenter judicare debet, esse fidei Traditionem, esse in omni legitimo Petri successore illam ipsam in Ecclesia potestatem, quam Petrus verbis istis à Christo accepit: Petrum autem verbis istis à Christo accepisse auctoritatem per se extra Concilium Generale infallibiliter explicandi, definiendi, determinandi controversias fidei, est fidei Traditio; nam omnia Concilia Canonica à summo Pontifice absente suam petiverunt approbationem & confirmationem, aut fuerunt repudiata ut conciliabula, eamque, in qua tamen eorum infallibilitatis tota vis, extra Concilium Generale dederunt. Deinde à Petro ad Clementem X. per omnia sæcula, uti in *Visione Eliæ* probavi, Summi Pontifices extra Concilium Generale fidei decreta condiderunt, quæ à nullo unquam Concilio Generali Canonico, *ut fidei*, reprobata, aut oppositi definitione fuerunt correctæ. Denique non est S. S. Patrum liber, aut antiquorum Orthodoxus, qui id examinans, Summo Pontifici non tribuat prædictam S. Petri auctoritatem, aut affirmet controversiæ fidei *explicationem, definitionem, determinationem* à Summo Pontifice extra Concilium factam auctoritate, quam S. Petrus à Christo accepit, sive Cathedræ S. Petri & Supremi Ecclesiæ Capitis, non esse fidei, quidquid sit de illo ut persona privata & singulari præcisè: ac proinde oppositum sine fidei errore, contra istam Traditionem, quam D. Busemarius *ibidem* vocare debet *Divinam, quæ est Verbum Dei non scriptum, & continet sub se omne illud, quod Deus revelavit, & de manu ad manum ad nos usque pervenit, absque eo, quod à Spiritu Sancto dictante scriptum sit*, defendi non potest. Vide infra q. 2.

137. Si neget: Traditionem Divinam cum hæreticis negat, ut statim vidimus, aut oppositum efficaciter probare debet, quod posse è contra negamus, cum id etiam explodat Augustinus lib. 4. *contra 2. Epist. Pelag.* dicens: *quasi nulla hæresis aliquando, nisi Synodi congregatione damnata sit, cum potius rarissima inveniantur, propter quas damnandas talis necessitas extiterit.* Et D. Baillius Parisiensis Doctor celeberrimus, Tom. 1 *Compendii Consil. in Tract. de triplici Verbo Dei*, scribat: *Cum prima sæcula Ecclesia sine Conciliis Generalibus extiterint, &c. propterea melius consent alii à Christo, provisum esse Ecclesiæ, dum asserunt, Pontificem loquentem de rebus fidei ex Cathedra, nec falli, nec fallere.* Sed de hoc statim q. 2. plures & efficaciores dabimus auctoritates.

138. **Q**uartitur secundo: An D. Buscumius sentiat, Concilia Generalia, sine approbatione & confirmatione Summi Pontificis, esse in suis fidei controversiarum *explicationibus*, *definitionibus* & *determinationibus* *infallibilia*?

139. Si affirmet: In fide errorem contra *Traditionem Divinam*, ut supra, n. 136. committit, & cum hæreticis impingit contra Florentinum sess. 7. *Quoties aliqua de fide oritur dubitatio, Romanus Pontifex debet, ac tenetur, illam declarare, atque, illo docente, omnes Synodi, atque Ecclesia universalis debet hujusmodi veritatem sequi, & hoc dicit Epistola recitata (puta Agathonis Papæ,) approbata in VI. Synodo. Et in litteris unionis: Desinimus, S. Apostolicam Sedem & Romanam Pontificem, in universum Orbem tenere primatum, & ipsum Pontificem Romanum, successorem esse B. Petri Principis Apostolorum, & verum Christi Vicarium, totiusq; Ecclesiæ Caput, & omnium Christianorum Patrem & Doctorem existere, & ipsi in B. Petro pascendi, regendi & gubernandi universalem Ecclesiam à Domino nostro Iesu Christo plenam potestatem traditam esse, &c. Lateranense sub Leone X. sess. 11. Cum de necessitate salutis existat, omnes Christi-fideles Romano Pontifici subesse, pro ut Divina Scriptura & Sanctorum Patrum testimonio edocemur, ac Const. felic. mem. Bonifacii Papa VII. similiter prædecessoris nostri, quæ incipit unam Sanctam declaratur: pro eorundem fidelium salute, ac Rom. Pontificis autoritate, & Ecclesiæ sponsa sua unitate & potestate, Constitutionem ipsam, Sacropræsenti Concilio approbante, innovamus, & approbamus.*

140. Item in Epistolam contra Eutychem insertam Concilio Chalcedonensi p. 1. cap. 15. In omnibus hortamur te, Frater venerabilis, ut his, quæ à beatissimo Papa Romana Civitatis scripta sunt, obedienter attendas, quoniam Beatus Petrus, qui in propria Sede vivit, & præsidet, præstat querentibus fidei veritatem: nos enim pro studio pacis & fidei extra consensum Romana Civitatis Episcopi, causas fidei audire (nota: multò minus definire) non possumus.

141. Imò & contra antiquum Facultatis Pariensis decretum apud Mauclerum p. 4. lib. 8. cap. 6. Firmiter tenendum est, Hierarchiam Ecclesiasticam, quam politiam nonnulli vocant, jure Divino esse institutam; cujus quidem Hierarchie Ecclesiastica jure Divino Monarchica potestas est Papalis. Quare ipse Mauclerus p. 2. lib. 4. cap. 4. col. 502. Schismatici & impii, quicumque in illum decreti Pontificii murum inexpugnabilem contenderint, rebelles jure meritisimo censentur. Quidni & contra D. Thomam, qui q. 10. de potentia arr. 4. ad 13. tenet a Concilio Generali legitime congregato licere ad summum Pontificem appellare, id quæ probat ex *gestu* Concilii Chalcedonensis, ubi act. 16. Summi Pontificis Legatia Concilio ad Leonem 1. appellarunt; à sententia autem fide certa appellare nefas. Unde Ephesium 11. fuit quidem a Leone inductum, uti & Basilicēse ab Eugenio IV. sed propter errorem non confirmatum.

142. Si neget: Non est alia ratio, præter illam, quam dat Gerson in *Traët. de potestate Eccles.* consid. 10. *Potestas Apostolica in sua plenitudine est formaliter & subjectivè in solo Romano Pontifice, &c.* consequenter ad Scripturam *Matth. 16.* suprâ q. 1. citatam, quæ evidenter concludit, non minùs Summum Pontificem, absque consensu & approbatione aliorum Antistitum, etiam Concilii Generalis, posse aliquid infallibiliter definire, quàm ipsos e contra, absque Summi Pontificis consensu & approbatione, nihil posse infallibiliter definire: qui autem de hoc dubitat, & adhuc ex suis principiis eruendum dicit, de veritate Traditionis Divinæ & Conciliorum Generalium definitionis expressæ, ut vidimus hic & q. 1. dubitat, & adhuc ex suis principiis eruendum dicit, quod omnium Orthodoxorum iudicio est hæreticum, juxta cap. 1. de hæreticis: *dubius in fide hæreticus est.*

143. Sed quid ad hoc, quod D. Buscumius ad Regulam 8. scribit: *Aliis addunt quartum modum Ecclesiæ infallibilitatis, quando solus Pontifex, absque consensu, aut approbatione aliorum Antistitum, aliquid definit: sed quia illum non admittunt gravissimi Pontifices, & Doctores, & contrarium senserunt Patres Concilii Basileensis, eum intactum, ut dubium, & adhuc ex principiis suis eruendum, hic præteribimus, hic solum asserentes ea, quæ certa sunt, & extra omnem controversiam?*

144. Quid etiam ad hoc, quod suæ Defensionis pag. 25. *Socios habeo, quotquot pro ista sententia allegant Ioannem XXII. Clementem V. Innocentium III. &c. & denique, ut omittam alios, Adrianum V. qui in 4. sententiarum artic. 3. de Sacram. Confirm. hæc scribit: Certum est, quod Romanus Pontifex possit errare, etiam in his, quæ tangunt fidem, hæresim per suam determinationem, aut decretalem asserendo. Plures enim fuerunt Pontifices hæretici. Quid discretius. Et infra: Definivit nè fortassis Ecclesia, fide Divinâ tenendum esse, quod solus Pontifex, absque Concilio sit infallibilis? tantum abest &c.* Infra tamen: *Non poteram tamquam certum & de fide determinatum proponere, quod ex Theologia principiis necdum constabat, esse infallibiliter definitum?*

145. Respondco ad 1. D. Buscumium ibi errorem malè propugnare reprobata autoritate Concilii Basileensis, & cum ad Regulam 7. scribat. *Hoc modo demonstratur, non esse de fide, aut fide Divina credendas &c.* Item ea, quæ permittuntur per Ecclesiam à fidelibus pie credi, probari tamen non possunt contineri in Scriptura vel Traditione v. g. mysterium Immaculatae Conceptionis Ecce Virginis, quæ quidem ob multas rationes susinetur ut verum, sed defectu Scripturæ & Traditionis de fide esse non potest. Ipse, attento eo, quod docet infra n. 176. & hanc Concilii Basileensis, quod approbat, ut vidimus, definitionem sess. 26. anno 1439. Nos diligenter inspectis autoritatibus & rationibus, quæ jam à pluribus annis in publicis relationibus ex parte utriusque doctrinæ coram hac sancta Synodo allegata sunt, aliisque etiam plurimis super hac re visis, & maturâ consideratione pensatis, doctrinam illam differentem, Gloriosam Virgineum Dei Genitricem Mariam, præveniente & operante Divini Numinis gratiâ singulari, numquam actualiter subjacuisse originali peccato; sed immunem semper (nota) fuisse ab omni originali & actuali culpa, sanctamque & immaculatam,

tanquam piam & consonam cultui Ecclesiastico, fidei Catholica, recta rationi, & Sacra Scriptura, ab omnibus Catholicis approbandam fore, tenendam & amplectendam, diffinimus & declaramus, nullique de cetero licitum esse in contrarium predicare & docere, in istius Concilii Generalis, quod approbat, definitionem, per ipsum (de hac erroneè) adeò certam & infallibilem ac ipsum Evangelium, ut docet *infra* n. 176. impegit per manifestam contradictionem; ac proinde mirum non est, quod ità in Bullam Alexandri VII. pro Immaculata Conceptione impegit: præsertim cum eà ratione, quâ in puncto allato Basileënsis veneratur Concilium, Florentinum habeat de legitimitate suspectum & dubium.

146. Respondeo ad 2. A me non quæri, quid de fide nonnulli senserint: quia in omni fidei controversia dantur diversorum diversi sensus ex diversis principiis non satis perpenſis, aut penetratis; sed quid hîc & nunc de fide tenendum; oppositum Pontifices privatâ autoritate senserint ad Divinam Traditionem non satis attenti; oppositum illegitimè definierint Patres Basileënses legitimè reprobati; oppositum sustineant nonnulli Galli, magis in Janſenium, quàm Cathedræ Petri infallibilitatem, affecti: nihil ad me. Vide supra n. 112. ad 115.

Ratio est: quia quæro, an non sit Traditio Divina de fide certò tenenda, quod S. Petrus ut caput Ecclesiæ, solus, absque consensu, aut approbatione aliorum Antistitum prævia, aliquid definierit, aut saltèm definire potuerit, infallibili fide Divinâ credendum?

147. Si neget: Ostendat, in quo Concilio Generali definierit S. Petrus hanc veritatem: *Verbum autem Domini manes in æternum: hoc est autem verbum, quod Evangelizatum est in vos.* Epist. 1. Petri 1. Item Epist. ejusdem 2. cap. 1. *Non enim voluntate humana allata est aliquando prophetia, sed Spiritu Sancto inspirati, locuti sunt Sancti Dei homines*, & quod istæ veritates non sint Traditione Divinâ certò credendæ. Numquid fortè juxta D. Busemium in Concilio Jerosolimitano 4. tantum Apostoli congregati Petrus, Jacobus, Paulus & Barnabas mentiri potuerunt *Astorum* 15. ducentes: *Visum est Spiritui sancto & nobis*? Absit: Summus Pontifex autem definiens semper plures habet Assessores, & sensa eorum, qui interfuerint Concilio Generali, & a communi Doctorum recedere non solent, habere potest ex horum libris impressis.

148. Si affirmet: Numquid Traditione Divinâ, de fide certò credendâ, constat, omnem Summum Pontificem Legitimè electum esse legitimum S. Petri in Cathedra & autoritate Successorem, ac per consequens est evidentissimum, posse solum, instar S. Petri Apostoli, ut Caput Ecclesiæ, absque consensu, & approbatione aliorum Antistitum prævia, aliquid definire infallibili fide divinâ credendum? Affirmare debet, nè consequens neget evidentissimum: hoc tamen affirmando, evidenter convincitur, ipsum, & omnes, quos pro se citat fautores, in eo errare, saltèm materialiter, contra Traditionem Divinam, de fide certò tenendam.

149. Numquid hoc suadet necessitas infallibilis unius, & solius, controuersiarum fidei Iudicis, siue in Concilio Generali, si inter se diffideant Patres, his opponentibus suffragiorum pluralitatem, illis verò sanio rem partem; siue extra ab exemplo S. Petri, Ecclesiæ post S. Petrum huc usque praxi, & necessaria ejus Conciliorum Generalium approbatione & confirmatione, quæ ipsi soli de plenitudine suæ supremæ in Cathedra Petri potestatis competit, ut omnes Orthodoxi fatentur? Si neget istam Ecclesiæ infallibilitatem rejicit ut superfluum, quod fateri debet esse indubiè hæreticum.

150. Definivit igitur Ecclesia fide Divinâ tenendum esse, quod solus Pontifex absque Concilio, sit infallibilis, in Florentino, Lateranenſi, & Chalcedonenſi supra n. 139. & 140. eo modo, quo Evangelium *Matth.* 16. exprimit, quod *S. Petrus se solo, absque Concilio, sit infallibilis*: non enim sola verba, sed quid ex verbis legitimè sequatur, etiam attendi debet; Deus enim, ut ipse fatetur ad Regulam 2. loquendo, non tantum revelavit ea, qua nos expressis verbis, ut revelata tenemus, sed etiam illa omnia, qua in revelatis, continentur, & per consequentiam sequuntur. Loquere proportionaliter de Concilio: Concilium enim definiendo non tantum definit ea &c. Definivit quoque Tridentinum *ses. 4. de Can. Script.* decernens: Si quis autem libros ipsos integros cum omnibus suis partibus, prout in Ecclesia Catholica legi consueverunt, & in veteri vulgata latina editione habentur, pro sacris & Canonicis non suscepit; & Traditiones prædictas (quarum potissimæ sunt à nobis suprâ allatæ) sciens & prudens contempserit: Anathema sit.

151. Quid autem obindè S. Sedes sit judicatura de Doctrina post Tridentinum, & ista Concilia, D. Buscumii allata n. 133. ac insuper de his suæ Defensionis pag. 27. illam confirmantibus propositionibus, definivitne fortassis Ecclesia, fide divinâ tenendum esse, quod solus Pontifex absque Concilio, sit infallibilis? Tantum abest &c. Infrâ: Non poteram tanquam certum proponere, quod ex Theologia principiis nedum constabat esse infallibiliter definitum, quale est præfata opinio, nisi voluisssem ego Regulam meam convellere? Judicium istud supra me est: hoc tamen puto, quod istum, & alias suas Regulas sanius & consultius omisisset, & detestaretur, quam defenderet.

QVÆSTIO. III.

152. **Q**Varitur tertio. An D. Buscumius velit, Traditionem Divinam, quod quando solus Pontifex, eo modo, quo S. Petrus, absque consensu & approbatione aliorum Antistitum, aliquid definit, infallibiliter definiat, uti S. Petrus, debere, non obstantibus ad q. 2. præmissis, ut dubiam, & adhuc ex principiis suis eruendum præteriri?

153. Si velit: sicuti istiusmodi Traditionis divinæ, q. 2. per totam evidentè probatæ, infallibilem certitudinem tollit, ita & totius Ecclesiæ certam infallibilitatem, quod est evidentè hæreticum; & evincit clarè, omnes ipsius

ipſius de Traditione *Regulæ* eſſe de tali hæreſi ſuſpectas, uti clariùs patebit
Examine 5.

154. Si nolit: fateri debet illud, quod ibi ſcripſit à variis judicandum
fore hæreticum: an à S. Sede? Supra ſe eſt, ut dixi.

Q UÆSTIO IV.

155. **Q**uaritur quarið. An Dominus Buſcumius velit, controverſiam
fidei, an hæc Scriptura Eccleſiaſtici 44. *Corpora ipſorum in pace ſepulta ſunt, & nomen eorum vivit in generationem & generationem, ſapientiam ipſorum narrent populi, & nomen eorum narret Eccleſia*, poſſit per bonam conſequentiam aut Traditionem, applicari infallibiliter S. S. Hieronymo & Auguſtino, non poſſe à Concilio Generali infallibiliter explicari, definiri, & determinari?

156. Si aſſimet non poſſe: Conſequenter aſſimare debet, controverſiam
fidei, an hæc Scriptura Matth. 16. *Tu es Petrus, & ſupra hanc petram ædificabo Eccleſiam meam, & porta inferi non prævalebunt adverſus eam, & tibi dabo claves Regni cælorum, &c.* Lucæ 22. *Ego rogavi pro te Petre, ut non deficiat fides tua, & tu aliquando converſus confirma fratres tuos*, poſſit per bonam conſequentiam, aut Traditionem applicari infallibiliter Clementi X. & omnibus Petri Succelloribus legitimis, Pontificibus Supremis, non poſſe à Concilio Generali infallibiliter explicari, definiri, determinari; quia in utroque caſu concurrunt humana teſtimonia & rationes: in primo quidem, circa vitæ probitatem & miracula, ſi requirantur: in ſecundo verò, circa Baptiſmum Pontificis electi & eligentium, ſive generalius circa legitimitatem electionis: hoc autem aſſimare, eſt evidenter hæreticum; contra Traditionem Divinam Concilia & Patres, ut vidimus q. 2. tollitque fidei Divinæ certitudinem ab omnibus Conciliis Generalibus, & tota Eccleſia, defectu fidei certitudinis de Capite, quod etiam eſt evidenter hæreticum.

157. Dicit quidem D. Buſcumius Deſenſionis ſuæ pag 20. *Iſtius ſententia, nè plures citem, eſt Bannes 22. q. 1. art. 10. dub. 7. Temerarium eſt valdè, inquit, & ſcandalolum, & hæreſim ſapit, quod Papa poſſit errare in Canonizatione Sanctorum. Sed. Quare, non damnantur hæreſeos aſſerentes? Numquid hæc eſt Pontificiam authoritatem, ipſamq; Eccleſiam vilipendere?* Reſpondeo, ait Bannes: Nos ſequi in hac cenſura communem Theologorum ſententiam, præfertim D. Thomæ in quolib. 9. art. ult. ubi ait Canonizatio Sanctorum medium eſt inter duo, ſcilicet inter iudicium Papæ de rebus fidei, & ſalubre ejuſdem in Civilibus & criminalibus: quia tamen honor, quem Sanctus exhibemus, quadam profeſſio fidei eſt, quæ Sanctorum gloriam credimus, piè credendum eſt, quod neque etiam in huius iudicio Eccleſia errare poſſit. Ita D. Buſcumius ex Bannes.

158. Sed contra: Neque D. Thomas, neque Bannes poſt D. Thomam, ibi negat utrumvis à nobis præmiſſorum, & multò minùs dictam de utroque alla-

controverſiam, poſſe à Concilio Generali, & hinc conſequenter, uti probavi-
mus ſupra, à ſummo Pontifice extra Concilium Generale, infallibiliter ex-
plicari, definiri, determinari; cum D. Thomas ibi dicat: *Certum eſt, quod*
judicium Eccleſia univerſalis errare in his, quæ ad fidem pertinent, impoſſibile eſt: un-
dè magis ſtandum iudicio Papa, ad quem pertinet determinare de fide, quam in iudicio
proferri, quàm quorumlibet ſapientum in Scripturis opinioni, &c.

159. addit quidem: *In aliis verò ſententiis, quæ ad particularia facta pertinent,*
ut cum agitur de poſſeſſionibus, vel de criminibus, vel de huiusmodi, poſſibile eſt iudicium
Eccleſia errare propter falſos teſtes: Canonizatio verò Sanctorum medium eſt inter hæc
(nota) duo: quia tamen honor, quem Sanctis exhibemus, quedam (nota) profeſſio
fidei eſt, quæ Sanctorum gloriam credimus, piè credendum eſt, nec etiam in his iudi-
cium Eccleſia errare poſſe. Sed hic mens D. Thomæ obſcura videtur: cum ex una
parte de uno dicat *certum eſt, & de altero piè credendum eſt, hocque referat ad*
profeſſionem fidei, quæ fide Divinā credenda eſt: ac proindè cum ſequelam
non poſuerim ab authoritate, ſed à convincenti ratione unum, æquè ac alte-
rum, eſſe debere de fide; hæc ratio ad excuſandam hæreſim ſolvi debet
non obſcurā authoritate eludi; idemque dico de hoc argumento. Varia
Canonilia, ac nominatim Tridentinum ſeſ. 25. decreto de invocatione, adoratione
& reliquiis Sanctorum, definiverunt, Sanctos eſſe invocandos, itaut op-
poſitum ſuſtinere, ſit hæreticum: atqui per Canonizationem declarari de-
bent Sancti; ergò eadē fide obſervanda eſt canonizatio Sanctorum, quā
invocatio illorum, itaut oppoſitum ſuſtinere, ſit hæreticum. Vide Concilium
Conſtantienſe ſeſ. 8. condemnans Wicleſſum non abſimilia effutientem,
& adde D. Thomam non debere intelligi de pietate congruitati, ſed de pie-
tate neceſſitati; itaut oppoſitum ſit ſaltem impium, & impliciter hæreticum,
quo ſentū accipiendum puto, hæreſim ſapiens, de quo Bannez.

160. Si neget, non poſſe: conſequenter è contra affirmare debet, poſſe
à Concilio Generali (ac per conſequens à Summo Pontifice extra Concilium
Generale, ut patet ex præmiſſis) iſtiusmodi controverſiam de quocumque
homine probatæ vitæ, & miraculorum (dum hæc requiruntur) infallibiliter
explicari, definiri, determinari. Undè (quidquid defendant aliqui) D.
Buſcumius hanc Inſtructionem ſuam ad Regulam 7. *Hoc modo demonſtratur, non*
eſſe de fide credendas Canonizationes Sanctorum (ſi agat de horum Canoniza-
tionibus à Summo Pontifice extra Concilium Generale de fide ex Cathe-
dra, ſive Cathedræ S. Petri authoritate, de finitis) debet conſequenter nè-
gare ut hæreticam, & ad D. Thomam, & oppoſitæ ſententiæ alios, reſpon-
dere nobiſcum, ut ſuprà.

Q U Æ S T I O V.

161. **Q**ueritur quindò: An D. Buſcumius, ſcribens: *Hoc modo demonſtratur,*
non eſſe de fide, aut fide Divinā credendas deciſiones, & definitiones Ec-
cleſia

eclesia in Concilio Generali, de quæstionibus facti: velit definitiones Ecclesiæ in Concilio Generali congregatæ (de quibus ad Regulam 8. sic scribit: Sunt enim definitiones Conciliorum ad eam certæ & infallibiles, quàm ipsum Evangelium) spectare ad hanc quæstionem facti, an sint, an non sint, impliciter saltem, Verbum Dei scriptum, aut sine scripto traditum: sic ut, dum Regula 2. dicit: S. Theologia à duobus tantum principijs est petenda, Scripturâ scilicet & Traditione; idem dicere debeat de istis definitionibus?

162. Si velit: Definitiones illæ demonstrantur, non esse de fide per ipsum, Regula 8. dicentem: hoc modo demonstratur non esse de fide, aut fide Divinâ credendas definitiones & definitiones Ecclesiæ, etiam in Concilio Generali de quæstionibus facti. Et tamen ad Regulam 8. scribit: sunt enim definitiones Conciliorum ad eam certæ & infallibiles, quàm ipsum Evangelium: in quibus ab evidenti contradictione salvari non potest, nisi velit, definitiones Conciliorum ad eam certas & infallibiles, quàm ipsum Evangelium, & ipsum Evangelium (de quo eadem quæstio facti, an sit, an non sit Verbum Dei, formari potest) demonstrari, non esse de fide aut fide Divinâ credenda. Quod est evidentissimè hæreticum

163. Si nolit: Nullam quæstionem in facti in materia fidei assignare poterit, quæ in illam evidenter non retorqueatur: & sicut fateri debet, esse hæreticum dicere, demonstrari, non esse de fide, aut fide Divinâ credendas definitiones & definitiones Ecclesiæ, etiam in Concilio Generali de hac quæstione facti, an sint, an non sint impliciter saltem, Verbum Dei scriptum, aut sine scripto traditum; ita consequenter id, quod dixit (si loquatur de fidei quæstione facti,) esse hæreticum, uti & dicere, Summi Pontificis definitiones contra Jansenium non esse de fide, quia sunt quæstionis facti: quod ipse fatetur, & sic suæ Regulæ 8. iterum contradicit, dicens suæ defensionis pag. 22. Protestor enim me quinque propositiones in illis damnatas, pariter damnare, & ut meritiò damnatas rejungere, utique tanquam hæreticas ad sensum Bullarum Innocentii X. & Alexandri VII. alioqui fraudulenter dumtaxat eas damnaret.

Q U Æ S T I O VI.

164. **Q**ueritur sextid. An D. Buscumius, scribens ad Regulam 8. Tertid utitur Ecclesiæ suâ infallibilitate, quando communi consensu approbat contineri in libro S. Augustini Traditionem de gratia & prædestinatione, velit, approbationem illam spectare ad hanc quæstionem facti, an Traditio de gratia & prædestinatione, in libro Augustini contenta sit, an non sit Verbum Dei non scriptum, quod de manu ad manum ad nos usque pervenit, absque eo, quod à Spiritu Sancto distante scriptum sit, prout de Traditione loquitur ad Regulam 2.

165. Si velit: Approbatio illa, aut est infallibilior decisionibus & definitionibus Ecclesiæ, etiam in Concilio Generali congregatæ, aut Ecclesiæ in illa non utitur suâ infallibilitate. Si prius: illa communi consensu approbatio est infallibilior definitionibus, de quibus ad Regulam 8. scribit:

Sunt enim definitiones Conciliorum aded certa & infallibiles, quàm ipsum Evangelium, ac sic ipso Evangelio, quod est hæreticum. Si posterius: opponitur ei, quod dicit: *Tertio* utitur Ecclesia suâ infallibilitate, quando communi consensu approbat contineri in libris Augustini Traditionem de gratia & prædeterminatione, nisi in isto communi consensu includat Summi Pontificis de ista Traditione ut Verbo Dei, &c. contenta in libris Augustini, ex Cathedra, sive Cathedræ S. Petri autoritate, definitionem, ut vidimus *Examine* 3. Et hoc casu, sequitur, esse hæreticum, quod hic ad Regulam 7. scribit: Hoc modo demonstratur, non esse de fide, aut fide Divinâ credendas decisiones, & definitiones Ecclesiæ, etiam in Concilio Generali, de quæstionibus facti, si loquatur de fidei quæstionibus facti. Uti &, quod à Jansenistis asseritur, Pontificias definitiones contra Jansenium non esse fidei, quia sunt de quæstione facti, de quo ipsum vide supra q. 3. n. 161.

166. Si nolit: Per ipsum non spectabit ad quæstionem facti, an in libro Cornelii Jansenii contineantur hæreses damnata. Item, an in illis contenta sint, aut non sint Jansenii. Item, an sint, vel non sint ad sensum Jansenii: quia paria in doctrina D. Buscumii de Traditione in libro Augustini concurrunt: ac sic per ipsum ab hæresi non excusabuntur Jansenistæ, qui, prætextu definitionis Pontificiæ fallibilitatis in fidei quæstione facti, definitiones contra Jansenium esse fidei, agnoscere renuunt. Vide ipsum, dixi q. 5. n. 161. Interea debet assignare aliam quæstionem facti in materia fidei, in qua istis similia non concurrunt, ut verificetur hæc ejus doctrina: Hoc modo demonstratur non esse de fide, aut fide Divinâ credendas decisiones & definitiones Ecclesiæ, etiam in Concilio Generali, de quæstionibus facti, si loquatur de fidei quæstionibus facti, aut fateri hanc doctrinam esse hæreticam. Vide infra *Examine* V. q. 4. n. 190.

Q U Æ S T I O. VII.

167. **Q** Varitur septimò. An D. Buscumius ad Regulam 7. scribens: Item ea, quæ permittuntur per Ecclesiam: à fidelibus pie credi, probari tamen non possunt, contineri in Scriptura vel Traditione, v. g. *Mysterium Immaculate Conceptionis B. Virginis*: quod quidem ob multas rationes sustinetur ut verum, sed defectu Scripturæ & Traditionis, de fide esse non potest. Velit, illud non esse, etiam autoritate Concilii Generalis legitimi, de fide definibile?

168. Si affirmet se id velle: vult, aut Scripturam & Traditionem in eo esse obscuram & dubiam, aut in contrarium claram & certam.

169. Si prius: velle debet controversiam fidei super Scripturæ & Traditione nobis obscura & dubia non esse, etiam autoritate Concilii Generalis, de fide definibilem, quod est hæreticum, contra praxim omnium Conciliorum Generalium, & ipsummet D. Buscumium ad Regulam 6. ubi postquam dixit: Cum in Scriptura & Traditione multa sint difficulta intellectu, quadam tam abstrusa & mystica, ut non labore & studio solum, verum & speciali lumine spiritus Sancti opus sit, ut penetrentur. Addit: Præscribunt autem S. S. Patres Theologus tres

veluti necessarias dispositiones, quibus ad veram intelligentiam Verbi Dei, & ad penetranda Divina mysteria pervenire solent; nisi velit, istas dispositiones posse reperiri in Theologis, & non posse reperiri, etiam in Concilio Generali legitimo, etsi ei, non istis, Deus promiserit infallibilem, ne erret, Spiritus Sancti assistentiam, uti habet Traditio Divina ab omnibus Orthodoxis recepta; quod foret, non solum insulsißimum, sed evidenter hæreticum, & plusquam Lutheranum & Calvinianum.

170. Si posterius: Sequitur Concilium Apostolicum, Synodum III. & VII. Generales, Concilium Basileënsis, (dum reveretur, & approbat, ut vidimus n. 145.) Tridentinum, Innocentium VII. Alexandrum V. Sixtum IV. Innocentium VIII. Julium II. Leonem X. Paulum III. Gregorium XIII. Clementem VIII. Paulum V. Gregorium XV. Urbanum VII. Alexandrum VII. Originem, Gregorium Neocæsariensem, Athanasium, Epiphanium, Ambrosium, Chrysostomum, Hieronymum, Basilium, Augustinum, Cyrillum Alexandrinum, Ephrem, Ildephonsum, Damascenum, Bernardum, Anselmum, Bonaventuram, & alios (quorum omnium sententias habes in nostra *Visione Elie disp. 3. dub. 7.* citatas) in eo per ipsum errasse contra *Scripturam & Traditionem* claram & certam, nec minus dici posse hæreticos, quam sint illi, qui contra claram & certam *Scripturam & Traditionem* divinam sponte errant: quod, si dicat, evidenter impingit in bullam Alexandri VII. de *Immaculata Conceptione*. Sive tamen hoc posterius, sive illud prius affirmet, etiam aliunde in illam impegit, dum Concilii Basileënsis, quod veneratur, de *Immaculata Conceptione* definitionem rejecit, pro qua; in quantum valde accommoda menti Alexandri VII. multum facit, nec magis in materia istius definitionis, licet definitio illegitima sit, ab eo rejici potuit, quam ipsa Immaculata Conceptio, imò & quam ipsa definitio ut Basil. Concilii, cum illud ita veneretur, ut præferat Florentino. Vide dicta n. 145. 185. 191. & 220.

171. Si neget se id velle: velle debet id, de fide esse posse per definitionem Concilii Generalis, ac etiam Summi Pontificis consequenter, etiam extra Concilium Generale, ut vidimus, & fusius *Examine V.* videbimus. Hoc igitur vult, aut non vult? Si velit: nostram sequelam proficitur, ac per consequens fateri debet, suam doctrinam ad sensum verborum esse in fide erroneam & hæreticam, ut sequitur ex præmissis n. 169. pro 1. parte §. si prius. Si non velit: contra ipsum vim habent *ibid.* præmissa n. 170. pro 2. parte: & dum ad Regulam 6. scribit: igitur *neceße est, ut Theologus Traditionibus diligenter incumbat, ut cognoscat, & percipiat, tam verbum scriptum, quam non scriptum, & utriusque sensum & spiritum, ut, illis cognitis, sciat obscura explicare, & definire, jam non ex proprio placito, sed ex sensu & ex spiritu verbi Dei per Traditionem examinati.* Virtualiter scribit, attentis præmissis: *neceße est, ut Theologus Traditionibus diligenter incumbat, ut cognoscat, & percipiat, tam Verbum scriptum, quam non scriptum, & utriusque sensum & spiritum* v. g. in controversia

de Immaculata Dei Conceptione, an sit Verbum Dei scriptum, vel non scriptum, quod (juxta 2. membrum) nolo etiam à Concilio Generali, sic cognosci, & percipi posse, ut, illò cognitò, sciat obscuram explicare & definire sub infallibili, nè erret, Spiritus Sancti assistentià: secus a Tyrone Theologo, ut, illò cognitò, sciat &c. Quis, tales Theologis necessarias esse Instructiones, non explodat?

172. Qui verò de his plura desiderat videat, Librum nostrum cui titulus, Magni Propheta Elia Visio de Immaculata Deipara Virginis Conceptione, à qua Visione enarrata 3. Reg. cap. 18. vers. 42. 43. 44. incæpit de Immaculata Deipara Virginis Conceptione omnium suprà nominatorum Traditio: de qua dum quæritur, an sit, an non sit, isti Scriptura loco conformis, indubiè est quæstio fidei, quàm Concilium Generale, ac per consequens Summus Pontifex, de fide definire potest, ut vidimus, & fusiùs infrà Examine V. videbimus: in dictò autem Libro non solùm habes omnia, quæ concernunt Immaculatam Conceptionem Deipara Virginis mysterium, & proximam ejus fide Divinam definibilitatem; sed & ea, quæ Summi Pontificis, etiam extra Concilium Generale, & in quæstionibus factis ad fidem spectantis, concernunt infallibilitatem, cum solutionibus Objectionum desumptarum ex Gallis, quos D. Buscumius assumpsit Patronos, quibuscum attendere deberet ad id, quod scribit Diana p. 11. tract. ult. de infallibilitate, &c. Resol. 4. in fine: Sicq; stando in nostra sententia sequeretur, Almainum, Aliacensem, & Gersonem, & alios fuisse hæreticos. Sed respondeo negando consequentiam: nam ipsi suam sententiam non descenderunt cum pertinacia, qua hæresim constituit, & hæreticum facit; nota tamen in re Pontificia Aliacensem, Gersonem, & Almainum non esse tantæ authoritatù; quia tempore schismatum floruerunt, & scripserunt: Duo priores, quando tres se pro Pontificibus gerebant; postremus verò, nempe Almainus, tempore Iulii II. & Conciliabuli Thronensis, quo Gallia sub Ludovico XII. à Sede Apostolica defecerat. Undè satis liquet, scripta eorum contra infallibilitatem esse de zelo schismatico suspecta.

EXAMEN V.

Super Regula 8.

D. BUSCUMIUS.

173. **R**egula 8. Ea, quæ semel infallibiter demonstrata sunt esse de fide, non sunt amplius in quæstionem vel disputationem revocanda, sed ut fieri possint omnes, & dogmata, & tamquam certa Theologia principia in Catholico aut volumine conservanda.

174. Illa verò, quæ nondum infallibiliter demonstrata sunt esse de fide, à Theologis disputari, & probari ed usque debent, donec ab Ecclesia desinantur.

175. Ad-

175. Addit infrà: *Virtut autem Ecclesia infallibili hâc sibi à Christo relicta auctoritate, tamen dubiis, & questionibus fidei definiendis, quàm erroribus, & hæresibus anathematizandi, tribus modis.*

176. Primo: quando ipsa in Concilio Generali congregata definit; sunt enim definitiones Conciliorum adeo certa, & infallibiles, quàm ipsum Evangelium: nihil enim interest an Verbum Dei sit scriptum, an sine scripto traditum. Hoc sensu Magnus Pontifex Gregorius confitebatur, quatuor primis Conciliis Generalibus non minorem deberi honorem, quàm quatuor Evangelii.

177. Secundo modo utitur Ecclesia sua infallibilitate in definiendo, quando celebrato Concilio particulari accedit consensus, & approbatio omnium aliarum Ecclesiarum; hâc ratione multa quæstiones sopita, & hæreses damnata, & hæresarcha contriti in Conciliis particularibus absque Concilio Generali, quo nec opus erat tunc, quando absentium approbatio accedebat. Tunc solum Provincialia non habita sunt infallibilia, quando aliarum Ecclesiarum Antistites in contrarium opinabantur. Talia fuerunt opposita Concilia, Stephani, & Cypriani, qui in definitionibus suis sibi mutuo adversabantur,

178. Tertio modo utitur Ecclesia sua infallibilitate, quando communi consensu approbat Pontificum decreta, definitiones, & decisiones in materia fidei; item in generali approbat Traditionem contineri in libris, & sensu SS. Patrum; & in particulari in Symbolo S. Athanasii contineri fidem Sanctissima Trinitatis, & in libro S. Augustini Traditionem de gratiâ & prædestinatione.

179. Alii addunt quartum modum Ecclesie infallibilitatis, quando solus Pontifex absque consensu, aut approbatione aliorum Antistitum aliquid definit; sed quia illum non admittunt gravissimi Pontifices, & Doctores, & contrarium senserunt Patres Concilii Basiliensis, eum intactum, ut dubium, & adhuc ex principii sui eruendum præteribimus, hîc solum asserentes ea, quæ certa sunt, & extra omnem controversiam.

AUTHOR.

180. **Q**uod tangit Regulam istam 8. n. 173. & 174 satis examinatum est Exam. 1. q. 1. Exam. 2. q. 7. uti & quod in fine n. 179. citavimus, Exam. IV. q. 1. 2. & 3. De cæteris igitur. Sit

Q U Æ S T I O. I.

181. **Q**uaritur primò. An D. Busemius ad Regulam 8 scribens: *Virtut autem Ecclesia infallibili hâc sibi à Christo relicta auctoritate.* Primò: quando in Concilio Generali congregata definit; sunt enim Definitiones Concilii adeo certa & infallibiles, quàm ipsum Evangelium, velut Concilium Generale per se & scorsim ab approbatione & confirmatione Summi Pontificis, legitimi in Cathedra

dra Sancti Petri Successoris, aliquid infallibilitatis habere in suis controversiarum fidei explicationibus, definitionibus, determinationibus, vel nolit?

182. Si velit: velle debet consequenter, Concilium Generale, aut Ecclesiam in eo representatam, esse *columnam & firmamentum veritatis*, juxta illud 1. ad Timoth. 3. *Est Ecclesia Dei vivi columna & firmamentum veritatis*, seorsim à S. Petro, seorsim à suo Capite, uti seorsim ab approbatione & confirmatione Summi Pontificis, legitimum in Cathedra S. Petri Successoris. Item Concilia Generalia sine consensu & approbatione Summi Pontificis congregata & acephala esse legitima, & ideo reprobata, hoc non obstante, esse infallibilia. Item Concilia Generalia, ut sint legitima, non debere à Summo Pontifice convocari, approbati, confirmari. Item non esse dictum Petro, prout hoc ipso Capiti Ecclesiae, ejusque Successoribus legitimis: *Quia tu es Petrus & super hanc Petram aedificabo Ecclesiam meam, & porta inferi non prevalebunt adversus eam, & tibi dabo claves Regni caelorum, &c.* Matth. 16. *Et ego rogavi pro te Petre, ut non deficiat fides tua, & tu conversus aliquando confirma fratres tuos.* Lucæ 22. Quæ omnia sunt hæretica, & contra Traditionem Divinam, de qua satis Exam. IV. q. 1. n. 135. ad 138.

183. Si nolit: ergò per ipsum, Concilium Generale totam suam infallibilitatem accipit ab approbatione & confirmatione Summi Pontificis, legitimum in Cathedra S. Petri Successoris, juxta illud cap. Concil. dist. 17. & cap. significasti de elect. tibi dicitur: *Omnia Concilia per Romanam Ecclesiam auctoritatem facta sunt, & robur acceperunt.* Ac per consequens Summus Pontifex ut talis totam illam habet, juxta illud Gersonis tract. de potestate Eccles. consid. 10. *Potestas Apostolica in sua plenitudine est formaliter & subjectivè in solo Romano Pontifice; &c.* Item in libro de origine juris apud Mauclerum lib. 1. c. 6. *Plenitudo legis Ecclesiasticae sic propriè sumpta, non potest esse de lege ordinaria, nisi à Summo Pontifice, formaliter & subjectivè.* Ergò per ipsum, quando solus Pontifex, absque consensu, aut approbatione aliorum Antistitum, aliquid ex Cathedra, five Cathedræ S. Petri auctoritate, definit, id ex tota Ecclesiæ, etiam Concilii Generalis, infallibilitate definit, neque hoc magis præterire debet ut dubium, & adhuc ex suis principiis eruendum, quam illud, quod vult esse primo modo infallibile, pro ratione addens: *sunt enim definitiones Conciliorum adest certa & infallibiles, quam ipsum Evangelium, quod consequenter de altero dicere debet.*

QUÆSTIO II.

184. **Q**ueritur secundò. An D. Buscumius, scribens ad Regulam 8. Secundo modo utitur Ecclesia sua infallibilitate, quando celebrato Concilio particulari accedit consensus & probatio omnium aliarum Ecclesiarum: in omnibus aliis Eccle-

Ecclesiis includat Summi Pontificis ex Cathedra, five Cathedræ S. Petri autoritate, *explicationem, definitionem, determinationem?*

185. Si includat: mirum est, quod illius in toto suo *Libello* mentionem non faciat: totam tamen illam quo ad nos infallibilitatem refundere debet in illam Summi Pontificis *explicationem, definitionem, determinationem*; alioquin incidit in hæresim, de qua *Exam. IV. n. 135. ad 155.* sicque omnes ipsius *Regulæ*, defectu mentionis hujus, sunt de hæresi suspectæ.

186. Si excludat (quod verosimile est, tum ob rationem datam; tum quia, uti q. 3. videbimus Summi Pontificis decretorum infallibilitatem sub-jicit *communi consensu approbationi*, verosimiliter, ut cum errorum suorum Patronis rejiciat Concilium Generale Florentinum, defectu illorum *consensu approbationis*; cum ipse, pro ut illi, Basileënse approbet, & hoc approbando, illud rejicere debeat. Vide dicta *n. 145. & dicenda n. 220.* agnoscit in Ecclesia quoad nos *communi consensu approbationis* infallibilitatem, non solum exclusâ omni ex Cathedra, five Cathedræ S. Petri autoritate, Summi Pontificis *explicatione, definitione, determinatione*; sed & eâ, quam negat etiam Concilio Generali legitimo in *questione facti*, in qua tamen illa est: quod patet ex præmissis esse evidenter hæreticum, omnes ipsius *Regulas*, si non hæreticas, saltem de hæresi suspectas reddit, ut dixi, attentis dictis *n. 161. ad 167. & dicendis n. 192. & 220.*

QUÆSTIO III.

187. **Q**Varitur tertio. An D. Buscumius, scribens ad Regulam 8. *Tertio modo utitur Ecclesia sua infallibilitate, quando communi consensu approbat Pontificum decreta, definitiones, & decisiones in materia fidei, velit Pontificum ex Cathedra, five Cathedræ S. Petri autoritate, decreta, definitiones, & decisiones in materia fidei non esse quoad nos infallibilia, nisi communi consensu approbentur?*

188. Si affirmet: vult, istam Ecclesiæ quoad nos infallibilitatem esse sitam in Pontificum ex Cathedra, five Cathedræ S. Petri autoritate, *decretorum, definitionum, & decisionum in materia fidei, communi consensu approbatione*, quod iterum est hæreticum: nam quod communis consensus approbat, est quoad nos infallibile, aut fallibile? Si infallibile, illorum *communi consensu approbatione* suam in illis præsupponit quoad nos infallibilitatem, uti quando Concilia Generalia communi consensu approbantur; sicut enim hic nulla alia hujus approbationis, quàm illorum, quoad nos infallibilitas, ita ibi & utriusque oppositum æquè est hæreticum. Si fallibile, id ipsum est, quod hucusque probavimus esse hæreticum. Vide dicta *Exam. IV. q. 1. & 2. à n. 135. ad 155.* Deindè manifestum est, quod illa communi consensu approbatio per se & seorsim à definitione Pontificis non sit infallibilior definitione Concilii Generalis legitime congregati per se & seorsim a confirmatione Summi Pontificis; hoc autem ut sic esse

esse fallibile, patet ex dictis n. 141. ergo & illa: infallibile autem fallibili subijcere, est totam fidei nostræ infallibilitatem subvertere & evidenter contra D. Buscumii *Regulam* 8. Si verò velit consensum istum & Concilium Generale esse supra Pontificem, errat, contra Florentinum, Lateranense sub Leone X. sess. 11. & 21. Vide dicta n. 139.

189. Si neget: Cur nec ibi, nec in toto suo libello asserit, *Ecclesiam uti suâ infallibilitate, quando Pontifices ex Cathedra, sive Cathedræ S. Petri autoritate, decreta, definitiones, & decisiones, in materia fidei condunt*; non verò, uti hic ait, *Quando Ecclesia communi sensu illa approbat*? Certè hoc est de dicta affirmatione valdè suspectum; & admissâ negatione, confirmantur omnes præcedentium Regularum impugnationes, aut dubia ex illis, orta contra infallibilitatem Summi Pontificis ex Cathedra, sive Cathedræ S. Petri autoritate definitis.

Q U Æ S T I O. IV.

190. **Q**ueritur quartò. An D. Buscumius scribens ad *Regulam* 8. Tertiò modo Ecclesia utitur sua infallibilitate, quando communi consensu in generali approbat Traditionem contineri in libris Sanctorum Patrum, & particulari in libris S. Augustini Traditionem de gratiâ & prædestinatione. velit in isto generali & particulari includi Summi Pontificis ex Cathedra, sive Cathedræ S. Petri autoritate, explicationem, definitionem, determinationem de in illis contenta Traditione dicta.

191. Sive affirmet, sive neget, sive includat, sive excludat, id satis q. 2. præoccupatum est. Consequenter tamen fateri debet. Primò ibi esse questionem facti, in qua Ecclesiæ, etiam in Concilio Generali, negat infallibilitatem, ut patet ex dictis n. 161. ad 167. Ac sic non solum communi consensu approbationi asserit infallibilitatem, quam negat Concilio Generali; sed virtualiter asserit infallibilitatem, quam negat Concilio Generali; sed virtualiter asserit, esse infallibile contineri in particulari in libris S. Augustini Traditionem de gratiâ & prædestinatione; fallibile è contrà, in Scripturis, quas sub anathemate suscipiendas definit Tridentinum sess. 4. in decreto de Scripturis Canonicis, contineri verè verbum Dei; quia hoc spectat ad questionem facti, in qua, etiam Concilio Generali, negat infallibilitatem. Vide n. 161. ad 167. dicta secundo: etiam fateri debet, eadè ratione, quâ Ecclesia utitur suâ infallibilitate, quando in particulari approbat in libris S. Augustini contineri Traditionem de gratiâ & prædestinatione, eadè uti, quando in particulari approbat in libro Janfenii contineri damnatam adversus illum hæresim contra Traditionem de gratiâ & prædestinatione: Vide dicta Exam. IV. q. 6. n. 164.

192. Ac proindè, si D. Buscumius hoc modo argumentetur: Ecclesia uti sua infallibilitate communi consensu in particulari approbat in libris Augustini contineri Traditionem de gratiâ & prædestinatione; atqui in libris Janfenii consistit pura

doctrina Librorum Augustini de gratia & prædestinatione: ergo Ecclesia usu sua infallibilitatis communi consensu in particulari approbat in libro Iansenii contineri Traditionem de gratiâ & prædestinatione.

193. Respondco: dissimulatâ majori, tnegando minorem: & sic argumentum retorqueo: Ecclesia usu sua infallibilitatu ex Cathedra, sive Cathedra S. Petri autoritate, definit in Libris Iansenii contineri hæreses contra Traditionem de gratiâ & prædestinatione: atqui per te in Libris Iansenii continetur pura doctrina Librorum Augustini de gratia & prædestinatione: Ergo Ecclesia usu sua infallibilitatu ex Cathedra, sive Cathedra S. Petri autoritate, definit in Libris Augustini contineri hæreses contra Traditionem de gratiâ & prædestinatione. Quid ad hoc D. Busemius? Hanc re-tortionem prævidere potuit ex à me dictis in *Visione Elia* n. 110. disp. ult. in qua refutavi omnes suos è Galia Patronos. Imò verò, si per ipsum, illo casu, Ecclesia utatur sua infallibilitate, à fortiori illa utetur, quando Summus Pontifex in aut extra Concilium Generale ex Cathedra, sive Cathedræ S. Petri autoritate, explicabit, definit, determinabit in Libris S. Augustini contineri Traditionem de gratiâ & prædestinatione, ac similiter, quando in libro Iansenii contineri damnatam adversus illum hæresim contra Traditionem de gratiâ & prædestinatione; quia, ut vidimus, consensus ille communis totam suam infallibilitatem ab illa explicatione, definitione, determinatione accipere debet, non è contra hæc ab illo, tum propter præmissi q. 1. tum

194. Primò: quia juxta S. Hieronymum in cap. 16. Matth. *Secundum metaphoram petra recte dicitur ei, edificabo Ecclesiam meam super te* Et Epist. ad Damalum Papam: Ego nullum primum, nisi Christum sequens, beatitudini tuæ, idest Cathedra Petri, communionem consocior, super illam edificatam Ecclesiam scio; quicumque extra hanc domum agnum comederit, prophanus est; si quis in arca Noë non fuerit, peribit regnante diluvio: in istis sanè nihil de communi consensu approbatione; imò; post pauca, hujus necessitatem sic excludit: non novi Vralem, Miletum respuo, ignoro Paulinum: quicumque tecum non colligit, spargit, hoc est, qui Christi, sive Vicarii ejus, non est, antichristi est. Quare in libro contra Iovinian. Circa medium: Propterea tamen unus è duodecim eligitur, ut capite constituto, sibi matris tollatur occasio Undè teste Hieronymo opposita de necessaria communi consensu approbatione, est schismatica.

195. Secundò: quia juxta Cyrillum Alexandrinum Com. in Joan. lib. 4. Per unum illum, qui inter ceteros eminebat, loquuntur omnes. Et paulò infra: Opus igitur erat Sanctus digna prudentia, & soli (nota) cunctorum nomine respondendi vires deferre, qui loco & ordine major erat. Non enim dicit per omnes consensu communi approbantes, sed per unum illum: nec, & cunctis communi consensu approbantibus, qui loco & ordine majores erant, sed soli, qui loco & ordine major erat.

196. Tertiò: quia juxta Cyprianum in Tract. de unit. Ecclesiæ: Primatus Petro datur, ut una Christi Ecclesia & Cathedra monstretur. Et statim post: Hanc Ecclesia unitatem, qui non tenet, tenere se fidem credis? Qui Ecclesia reniti-

tur, & resistit, qui Cathedralam Petri, super quam fundata est Ecclesia, deserit, in Ecclesia se esse confidit? Respondéat D. Busemarius, & cum eo conciliet Ecclesiæ infallibilitatem demùm, quando communi consensu approbat Pontificum Decreta, alioqui prætereundam ut dubiam, & adhuc ex principiis suis eruendam.

197. *Quarid*: quia juxta Oportum Milevitanum lib. 2. adversus Parmen. Undè est ergo, quod claves regni vobis usurpare contenditis, qui contra Cathedralam Petri vestris præsumptionibus & audacius sacrilegis militatis. Numquid omnes tales, qui Summorum Pontificum ex Cathedra, seu Cathedralæ S. Petri autoritate, decretorum infallibilitatem transferunt in eorum communi consensu approbationem?

198. *Quind*: quia juxta Gelasium Papam Epist. 4. ad Faustum: Contra Canones, hoc ipso, venire se produnt, quod prima Sedi sana restaque suadenti parere fugiunt (numquid tales, qui illa communi consensu approbationi subjiciunt?) ipsi sunt Canones, qui appellationes totius Ecclesiæ ad hujus Sedis judicium voluere deferri, ab ipsa verò nusquam prorsus appellari (numquid ad dictam approbationem posset?) debere sanxerunt: ac per hoc illam de tota Ecclesia judicare, ipsam ad nullius committere judicium (ergo nec ad dictam approbationem;) nec de ejus unquam præceperunt iudicio judicari, sententiamque illius constituerunt, non oportere dissolvi, &c. Non veremur, nè Apostolica sententia (utique, non approbatione, aut reprobatione) dissolvatur, quam & vox Christi, & Majorum traditio, & Canonum fulsit auctoritas, ut totam potius Ecclesiam ipsa dijudicet. Et Epist. 13. ad Episcopos Dardaniæ: Nec illa præterimus, quod Apostolica Sedes frequenter, ut dictum est, more majorum, etiam sine ulla Synodo præcedente, & absolvendi, quos Synodus iniquè damnaverat, & damnandi, nulla existente Synodo, quos oportuit, habuerit facultatem.

199. *Sextid*: quia cap. quoties fidei ratio 24. q. 1. ubi Glossa. *Questionem de fide moram terminare*, nulli præterquam Romana Sedi permittitur. Et Epist. contra Euthycem in Concilio Chalcedonensi p. 1. cap. 15. Nos pro studio pacis & fidei (nota) extra consensum Romana Civitatis Episcopi causas fidei audire non possumus. Undè Augustinus Sermon. 2. de verb. Apost. contra Pelag. Iam de hac causa duo Concilia missa sunt ad Sedem Apostolicam: indè etiam rescripta venerunt, causa finita est (hic sanè non requirit communi consensu approbationem, sed improbationem potius timens, addit) error utinam finiatur. Vide ipsum Exam. IV. q. 1. n. 137.

200. Quamobrem ex & in Gelasio Papa Epistol. 4. citata sequitur, eos, qui summorum Pontificum ex Cathedra, sive Cathedralæ S. Petri autoritate, fidei explicationem, definitionem, determinationem & infallibilitatem, Ecclesiæ communi consensu approbationi subjectam docent, Catholicam fidem moliri evertere. In Sedem B. Petri blasphemiam, ineptias, & pravitatem docere. Apud Deum hominesque perpetua S. Sedis Apostolica constitutione esse damnandos.

QVÆSTIO. V.

201. **Q**Varitur quintò: An D. Buscumius, dicens ad Regulam 8. *Tertio modo Ecclesia utitur sua infallibilitate, quando communi consensu in particulari approbat in libris S. Augustini contineri Traditionem de gratia & prædestinatione, velit, esse de fide id, quod est Ecclesiæ infallibili autoritate approbatum.*

202. Si affirmet: sequuntur ex ipsius *Instrukione & Defensione multa absurda & erronea.*

203. Sequitur primò: Quod, *Traditionem de gratia & prædestinatione, contineri in libris S. Augustini, de fide sit: non probatur tamen, esse à Deo revelatum, seu esse Verbum Dei, Traditionem de gratia & prædestinatione contineri in libris S. Augustini; ipse autem ad Regulam 7. sic scribit: Ratio prima partis clara est; quia esse de fide, idem est, quod esse à Deo revelatum, seu Verbum Dei: omne autem Verbum Dei, aut continetur in Scriptura, aut Traditione: ergo eo ipso, quod probatur aliquid contineri in Scriptura, aut Traditione, evidenter convincitur esse de fide. Similiter si aliquid probetur, non contineri in Scriptura vel Traditione, demonstratur non esse de fide. Et suæ Defensionis pag. 19. Quoad Canonizationes Sanctorum, hætenus neminem legi, qui asserat, & probet eas, contineri in Scriptura & Traditione, ac per consequens, positâ veritate Regula, evidenter sequitur, illas non esse de fide, aut fide Divinâ credendas.*

204. Subsumo primò. Atqui Traditionem de gratia & prædestinatione contineri in Libris S. Augustini, non probatur, contineri in Scriptura vel Traditione; quia Traditio de gratia & prædestinatione erat ante S. Augustinum ejusque Libros, aut Divina & Apostolica non est, uti ipse & omnes fateri debent: contineri autem in Libris S. Augustini, non erat ante S. Augustinum ejusque Libros: & dum indè probatur contineri Traditionem de gratia & prædestinatione in Libris S. Augustini, non contineri in Scriptura vel Traditione, per D. Buscumium *Demonstratur non esse de fide, contineri in libris S. Augustini, imò etiam per eundem ad Regulam 8. dicentem, illa verò, quæ nondum infallibiliter demonstrata sunt, esse de fide, à Theologis disputari, & probari eoque debent: donec ab Ecclesia definiantur, sequitur, à Theologis disputari, & probari eoque debere Traditionem de gratia & prædestinatione contineri in Libris S. Augustini, donec ab Ecclesia definiatur; ac per consequens à Theologis disputari, & probari eoque debere id, quod asserit ab Ecclesia infallibilitate suâ approbatum, de infallibili Ecclesiæ approbatione, &c. donec ab Ecclesia definiatur, approbetur, &c. quæ nedum manifestam involuunt contradictionem; sed prorsus erronea sunt; cum ab Ecclesia infallibiliter approbata, & infallibilem Ecclesiæ approbationem subiciat Theologorum disputationi & approbationi, donec ab Ecclesia definiantur, & ut cesset Theologorum disputatio & probatio, præter infallibilem Ecclesiæ approbationem requirat ejusdem Ecclesiæ definitionem, ac sic, virtualiter saltem, præter Ecclesiæ infallibilem definitionem, aliam & aliam in infinitum ejusdem Ecclesiæ infallibilem, definitionem, cum una sufficiat, aut in infinitum*

tum procedere oporteat, uti in actionibus physicis, si ad actionem actio requiratur.

205. Subsumo secundò. Atqui hætenùs, etiam neminem legit, qui asserat, & probet, contineri Traditionem de gratia & prædestinatione in Libro S. Augustini contineri magis in Scriptura vel Traditione, quàm Canonizationes Sanctorum, quas n. 155. ad 161. contineri in Scriptura & Traditione probavimus: ergo saltem pariformiter de contentione Traditionis de gratia & prædestinatione in libris S. Augustini, & Traditionis de Canonizatione Sanctorum, loqui debet: & sicut dicit, *Tertio modo Ecclesia utitur sua infallibilitate, quando communi consensu in particulari approbat in Libro S. Augustini contineri Traditionem de gratia & prædestinatione*; ità consequenter dicere debet: *Tertio modo Ecclesia utitur sua infallibilitate, quando communi consensu in particulari approbat in defunctis N. & N. contineri vitam & gratiam Sanctitatem*. Cur hoc, non aequè ac alterum, dicit? Expectamus rationis, quam adferre possit. disparitatem: nam, saltem posità veritate illius, hoc negare, est erroneum.

206. Sequitur secundò: Per D. Buscumium, Ecclesiæ consensum de hac questione facti, an Traditio de gratia & prædestinatione contineatur in Libro S. Augustini, esse de fide, seu infallibilem, ut ibi docet in q. 5. ajens, *tertio modo Ecclesia utitur sua infallibilitate, &c.* & tamen ipse docet Ecclesiæ consensum, etiam in Concilio Generali, de simili questione facti, non esse de fide, seu infallibilem, ut patet ex eo, quod ad Regulam 7. Scribit: *hoc modo demonstratur, non esse de fide, aut fide Divinâ credendas decisiones, & definitiones Ecclesiæ, etiam in Concilio Generali, de questionibus facti*. Et suæ Defensionis pag. 21. *Consilia Generalia errare possunt in questionibus facti, quæ sunt evidenter contradictoria, & posità veritate illius, hoc iterum est erroneum*.

207. Hic quidem addit, quod ibi omisit, *quæ videlicet non continentur Scripturâ vel Traditione*: Sed hoc non esse hîc additum, nisi ut pallium in Instructione commissi in fide, saltèm tradita, erroris, inrâ videbimus. Nec ipsum juvat, nisi suo tertio modo, quo Ecclesia sua infallibilitate utitur, quando communi consensu approbat in libro in S. Augustini contineri Traditionem de gratia & prædestinatione, pariformiter addat, si continentia Traditionis de gratia & prædestinatione contineatur Scripturâ vel Traditione, quod nec in sua Instructione, nec in sua Defensione uspiam addit, & sic de duobus aliis, de quibus infrâ num. 251. ideoque pariformiter illud sine isto addito, juxta id, quod ad Regulam 7. scripsit, intelligi debet, præsertim cum nulla sit hæresis adeò crassa, quæ postmodum prehensa, in veritatem Orthodoxam additione aliquâ commutari non possit.

208. Subsumo: Atqui est evidenter hæreticum in eadem, aut pari questione facti, prout ibi, Ecclesiæ consensum communi tribuere fidei infallibilitatem, & hanc negare Concilio Generali legitimo, de quo indubiè loquitur. Nec D. Buscumius vel unum citare potest Orthodoxum, etiam ex suis fautoribus Gallis, aut aliis, qui illam in eadem, aut pari questione facti

facti, Ecclesiæ consensui communi tribuat, & illam Ecclesiæ consensui in Concilio Generali legitimo neget: ergo &c.

209. Dicitur fortè: Se in illo *Ecclesiæ consensu communi* includere *Ecclesiæ consensum in Concilio Generali legitimo*. Sed contra est: quod sic Concilio Generali in *questionibus facti* tribuat infallibilitatem (quam ex allatis *num.* 206. negat) uti communi consensui: aliunde tamen, sicuti Ecclesiæ consensum in Concilio Generali in *supremo modo infallibilitatis Ecclesiæ* non includit, ita nec in *tertio*; & si includat in *tertio*, pariformiter eum includere debet in *secundo* supra n. 177. si verò in *secundo* & *tertio* illum includat, *secundus* & *tertius* modus sunt superflui, cum totam suam fidei infallibilitatem accipiant ab ejus *primo modo Ecclesiæ fidei infallibilitatis in Concilio Generali legitimo*, qui solus, excluso, uti excludit, *quarto modo Ecclesiæ fidei infallibilitatis à consensu Pontificis seorsim definitis*, ipsi sufficere debet: ipsi tamen non sufficit; quia cum ex Concilio Generali legitimo probare non possit, esse de fide, seu infallibile, *Traditionem de gratia & predestinatione contineri in Libris S. Augustini*, & multò minus in *Libris Iansenii*, voluit, id esse de fide, seu infallibile ob Ecclesiæ consensum communem; fortè, ut cum suis Gallis & aliis consequenter probaret, esse de fide, seu infallibile, *Traditionem de gratia & predestinatione contineri in libris Iansenii*, cum omnium istorum Iansenistarum una sit vox, quod *doctrina Iansenii de gratia & predestinatione sit doctrina Augustini*; ac proinde, tam errasse Pontificem, damnando doctrinam Iansenii de *gratia & predestinatione*, quàm damnando Ecclesiæ fidei infallibilitatem, in quo esset hæresis non minor priore.

210. *Sequitur tertio*; Per D. Busemum: duo opposita posse, esse simul de fide, seu infallibilia, dum v. g. Concilium Generale legitimum definiret *Traditionem de gratia & predestinatione contineri in Libris Sancti Augustini* non esse de fide, seu infallibile, quia *istius Traditionis continentia non continetur Scriptura vel Traditione*; & aliunde esset Ecclesiæ extra Concilium Generale communis consensus, *Traditionem de Gratia & predestinatione contineri in Libris S. Augustini*, esse de fide seu infallibile, quia quod extra Concilium Generale Ecclesiæ communis consensus approbat, est de fide, seu infallibile: atqui hoc est evidenter hæreticum, contra S. Scripturam ad Ephes. 4. *Unus Deus, una fides, unum baptisma.* 2. ad Corinth. 4. *Habentes eundem spiritum fidei.* 1. ad Corinth. 12. *Non sit schisma in corpore, sed in idipsum pro invicem sollicita sint membra.* Undè Cyprianus Epist. 4. *Unus Deus est, & Christus unus, & una Ecclesia, & Cathedra una, super Petrum Domini voce fundata: aliud altare constitui, aut Sacerdotium novum fieri, præter unum altare, & unum Sacerdotium, non potest. Quisquis alibi collegerit, spargit; adulterum est, sacrilegum est, quodcumque humano furore instituitur, ut dispositio Divina violetur.* Vide D. Thomam 22. q. 1. art. 10. ad 2. Sylvestrum ex ipso verbo Concilium q. 2. *Concl.* 3. Item verbo fides n. 10. q. 7. & aliam oppositionem infra n. 220. Ex præmissis autem

211. Infero: ergo, dum D. Busemum tres modos Ecclesiæ fidei infallibilis

bilitatis disparatos, se mutuò non includentes, constituit; non *unam* *fidem*, sed *tres*; non *eundem spiritum fidei*, sed *diversos*; non *unitatem*, sed *schisma* in corpore Ecclesiæ; non *unam Cathedram super Petrum* Domini voce *fundatam*, sed *tres extra Petrum* (cum Pontifici seorsim a Concilio desinenti negget infallibilitatem, *supra suam Instructionem ad Tyronem Theologum fundatas*; non *unum altare & unum sacerdotium*, sed *nova altaria & sacerdotia constituit*, & à se constituta confirmat in sua *Defensione* pag. 26. *Quid itaque asserui?* Ecce *hic verba mea* ad Regulam 8. *tres modos produxeram, quibus Ecclesia sua infallibilitate utitur*: nimirum, dum aliquid desinit in Concilio Generali. 2. dum *universali consensu & approbatione* admittit desinita in aliquo Concilio particulari. 3. Dum *communi etiam assensu* probat Pontificum decreta in materia fidei &c. subjungo: *alii addunt quartum modum Ecclesiæ infallibilitatis*, quando solus Pontifex abique consensu, aut approbatione aliorum Antistitum, aliquid desinit &c. *eum intactum, ut dubium, & adhuc exprecipuum erendum præteribimus*. Neque id solum ibi confirmat: sed *salit quoque*. Primo. dum ibi a modo 1. *Ecclesiæ infallibilitatis* non excludit *Definitiones Ecclesiæ*, etiam in Concilio Generali, de *questionibus facti*, quas ad Regulam 7. scribens excludit, uti n. 206. vidimus. Secundo: dum sub ly &c. in modo 3. occultat *Ecclesiæ infallibilitatem* in *questione facti*, quando *communi consensu in particulari approbat* in *Libris S. Augustini contineri Traditionem de gratia & prædestinatione*, quam his verbis includit, & ad Regulam 7. scribens excludit, ut statim vidimus. Unde ab eo omnes contradictiones, & errores, etiam in fide, præacti totâ hac q. 5. confirmantur: sed cum ista hîc sufficiant ad probandum, si *asserui* id, quod in q. 5. est, multa absurda & erronea sequi, ad alterum *membrum* procedimus:

212. Si neget, id quod in q. 5. est positum: Adferre debet disparitatem, aut differentiam inter *esse de fide* & *esse ab Ecclesiæ suæ infallibilitatis usu approbatum*, ac insuper asserere, non *esse de fide*, sive fide Divinâ credendum id, quod *Ecclesiæ communi consensu in particulari suâ infallibilitate approbat*.

213. Elinè fortè per ipsum Ecclesiæ infallibilis in aliis, quàm *Scriptura & Traditione*, implicite saltè contentis?

214. Respondere nequit affirmativè: quia ejus Regula 1. hæc est: *Ty-ro Theologus, nè erret, aut seducatur, debet absque præjudicio indeterminatus consueque harere inter partes Scholasticorum, donec ex ipsis Theologiæ principis convincatur de veritate*. Hæc verò principia assignat Regula 2. sic decernens: *Sacra Theologia à duobus tantum principis est petenda, Scriptura scilicet & Traditione*. Quas in sua *Defensione* pag. 21. sic confirmat. In mea *Instructione Regulas generales & dilucidat* tradidi *Tyroni Theologo*, illis terminis expressas, quibus communiter utuntur *Doctores Theologi*: *qualis inter ceteras hæc est*, quod *Concilia Generalia errare possint in questionibus facti*, quæ videlicet non continentur *Scriptura vel Traditione*, & de eo non est dubium (*inquiunt.*) Et ibid. pag. 28. *Nondum poteram tamquam certum & de fide determinatum proponere, quod ex Theologiæ principis necdum constabat, esse infallibiliter definitum, quale est præfata opinio, quod infallibilitatis*

litas Pontificis se solo definientis sit de fide. Præmisit autem pag. 27. *Abſque injuria auctoritatis Pontificia dici poteſt, quod opinio illa etiamnum dubia & incerta, inter illas, quæ ſunt certa & extra omnem controverſiam, præteriri poſſit.*

215. Subſumo: Atqui, ſi per ipſum Eccleſia non ſit in aliâ infallibilis, quàm Scripturâ & Traditione, implicite ſaliem, contenti, evidenter ſequitur, omne ab Eccleſia, ſua infallibilitati uſu approbatum, eſſe Scripturâ vel Traditione contentum; ac proinde de fide; quia omne Scripturâ vel Traditione contentum eſſe de fide, docet ad Regulam 2. ſcribens: Deus enim loquendo, non tantum revelavit ea, quæ nos expreſſis verbis ut revelata tenemus, ſed etiam illa omnia, quæ in revelati continentur, & per conſequentiam deducuntur; præſertim cum ipſe pro ſua ratione clara 1. parti ſuæ Regulæ 7. addat: quia eſſe fide, idem eſt, quod eſſe à Deo revelatum, ſeu Verbum Dei; omne autem Verbum Dei aut continetur in Scripturâ aut Traditione. Uti & eò, quod ad Regulam 8. ſcribit: Sunt enim definitiones Conciliorum ad eò certa & infallibiles, quàm ipſum Evangelium: Nihil enim intereſt, an Verbum Dei ſit ſcriptum, an ſine ſcripto traditum.

216. Infero primò: Ergo per ipſum nulla eſt diſparitas, aut differentia: inter eſſe de fide, & ab Eccleſia ſua infallibilitati uſu approbatum.

217. Infero ſecundò: Ergo per ipſum, eſt de fide, Traditionem de gratia & prædeſtinatione contineri in Libri Sancti Auguſtini. Sed ſic: imprimis confirmat omnia præmiſſa n. 202, ad n. 212. Deinde: quæ veritate, aut conſequentia id docere poſſit, non video. Quandoquidem

218. Primò: Per ipſum de fide non ſit, Traditionem de infallibilitate Summi Pontificis, ſe ſolo ex Cathedra, ſive Cathedræ S. Petri auctoritate definientis, contineri in Eccleſiæ praxi à tempore Apoſtolorum in hanc horam, in Conciliis Generalibus legitimis n. 139. & 140. citatis, in SS. Patribus à n. 194. ad 101. relatis, & aliis omnibus, etiam Scholaſticis, præter citatos n. 172. & Sorboniorum ab eo tempore ſequaces nonnullos.

219. Secundò: Per ipſum de fide non ſit, Traditionem de infallibilitate Conciliorum Generalium in quæſtionibus facti contineri in plurimis Conciliorum Generalium legitimorum, & Pontificum ex Cathedra, ſive S. Petri auctoritate, definitionibus, quæ ſemper præſupponunt quæſtionem facti, an id ſit, vel non ſit Verbum Dei, an contineatur, vel non contineatur Scripturâ vel Traditione, ex mente Chriſti & Spiritûs Sancti dictantis: inſuper in omnium SS. Patrum Libris, qui omnes, nè vel unò quidem exceptò, agentes de legitimis Conciliorum Generalium in materia fidei definitionibus, ſemper his infallibilitatem tribuerunt; nec eorum ullus in materia fidei inter quæſtiones facti & juris umquam diſtinxit, iſtam Eccleſiæ infallibilitatem in materia iſta negans in quæſtionibus facti, eam affirmans in ſolis quæſtionibus juris: Imò & in ſcriptis aliorum quorumcumque, tam antiquorum, quàm recentium Orthodoxorum, quorum nè unus quidem extra Scholam Janſeniſtarum citari poteſt, qui Conciliorum Generalium definitionibus expreſſè neget infallibilitatem in quæſtionibus facti de materia fidei, vel hæreſeos.

220. *Tertio*: per ipsum de fide non sit, Traditionem de Immaculata Conceptione contineri in libris, aut scriptis omnium præcitorum n. 170. cum tamen absque ulla comparatione major sit pro his, quàm pro Traditionis de gratia & prædestinatione in libris S. Augustini continentia autoritatum numerus; imò & definitio Concilii Generalis Basileënsis n. 145. relata, quæ apud ipsum non minoris esse deberet autoritatis ad Immaculatam Deiparæ Conceptionem adstruendam, quàm ad Summi Pontificis, quando solus absque consensu & approbatione aliorum Antistitum aliquid definit, infallibilitatem ex eo destruendam, aut habendam saltem ut dubiam; præsertim cum hinc consequenter istiusmodi Concilii reprobationem, à legitimo Concilio Generali Florentino factam, habere debeat dubiam, contra se ad Reg. 8. scribentem, sunt enim definitiones Conciliorum adeò certa & infallibiles, quàm ipsum Evangelium

221. Apagè, suppositâ veritate antecedentis, tales inconsequentias, & in consequentibus blasphemias & nugas: ac proindè, si per D. Buscumium istius Traditionis continentia in libris S. Augustini sit de fide propter Ecclesiæ consensum communem, à fortiori Traditionis prioris & secundi (tertium non dico, propter inhibitionem Alexandri VII.) continentia in istis aliis pluribus, & majoris autoritatis, erit de fide: nec sequelem sine blasphemia & ingenti absurditate negare potest. Attendat interea, an contra se & suos fautores non pugnet illud, quod ad Regulam 7. scribit: ex quo patet, à Scholasticis sustineri multas propositiones hæreticas, eas nempe, quæ probantur repugnare Scripturæ, vel Traditioni, etiamsi ab auctoribus ob multas variunculas habeantur probabiles: quantumcumque enim magna sit probabilitas, illa non tollit repugnantiam cum fide; quæ enim semel hæretica sunt, semper sunt hæretica.

222. Vult igitur, aut non vult D. Buscumius, esse de fide Traditionem de gratia & prædestinatione contineri in libris S. Augustini? Si velit: adferre debet disparitatem, aut differentiam inter hujus continentiam in libris S. Augustini, & illarum continentiam in istis aliorum libris, aut scriptis. Si nolit: adferre debet disparitatem inter esse de fide & esse ab Ecclesia sua infallibilitatis usu approbatum: utramque expecto.

223. Quia verò D. Buscumius huic suæ ad Regulam 7. instructioni, hoc modo demonstratur, non esse de fide, aut fide Divinâ credendas decisiones & definitiones Ecclesiæ, etiam in Concilio Generali, de quæstionibus facti, sic absolutè & præcisè positæ addidit in sua Defensione pag. 21. quæ videlicet non continentur Scripturâ vel Traditione. Per hanc additionem vult, aut non vult, solum isto modo demonstrari, non esse de fide, aut fide Divinâ credendas decisiones, & definitiones Ecclesiæ, etiam in Concilio Generali, de quæstionibus facti, cum hoc addito, quæ non sunt materia fidei, sed Civiles tantum?

224. Si hoc velit, uti consequenter velle debet, juxta id, quod ad Regulam 7. scribit: esse de fide, idem est, quod esse à Deo revelatum, seu Verbum Dei: omne autem Verbum Dei, aut continetur Scripturâ, aut Traditione: solum negat Ecclesiæ infallibilitatem in quæstionibus facti Civili, materia non fidei, &c. quales non

sunt Canonizationes Sanctorum, Immaculata Deipara Virginis Conceptio, &c. ac proinde per ipsum *questio facti* non obstat, nè sint *de fide*, si ab Ecclesia definiantur. Si id tantum voluit; cur id in tota sua *Instructione* ad Tyronem Theologum, quæ tota est *de materia fidei*, sive *Scriptura & Traditionis Verbi Dei*, non verò *de materia Civilis*, non *fidei*, &c. non expressit, uti in sua *Defensione* pag. 21. ? Certè ratio non est; nisi quia in sua *Defensione* jam suum in fide, saltèm tradita, errorem didicerat, quem in *Instructione* commisit, & adhuc occultare velle videtur, dum non dixit, in *questionibus facti Civilis*, sed in *questionibus, quæ videlicet non continentur in Scripturâ vel Traditione*.

225. Si id non vult, sed plus velit: necesse est *questiones facti*, de quibus ibi, extendat *ad materiam fidei, quæ semper continetur, implicite saltèm, Scripturâ vel Traditione*, & sic suum errorem in fide, saltèm tradita, confirmet.

QUÆSTIO VI.

226. **Q**Varitur sextò. An D. Buscumius *Defensionis* suæ pag. 27. ad hæc: Alii addunt quartum modum Ecclesia infallibilitatis, quando solus Pontifex absque consensu, aut approbatione aliorum Antistitem, aliquid definit; sed quia illum non admittunt gravissimi Pontifices, & contrarium senserunt Patres Concilii Basiliensis, eum intactum, ut dubium & adhuc ex principis suis eruendum præteribimus; hic solum asserentes ea, quæ certa sunt, & extra omnem controversiam. Addens: Quid hic perniciosum est Tyronibus Theologis? Quid ingenerans vitiosam Pontificia auctoritatem, ipsiusque Ecclesia? Quid quod me discordem reddat ab Ecclesia ipsa? Definitivè fortassis Ecclesia fide Divinâ tenendum esse, quod solus Pontifex absque Concilio sit infallibilis? tantum abest, &c. velit ad hoc, ut illud fide Divina sit tenendum, requiri de eo formalem & expressam Ecclesiæ definitionem?

227. Scio Gallum quemdam in *Libello anonymo* (cui Titulus, de la puissance Ecclesiastique & politique, hoc modo ratiocinari: Deus dedit totam facultatem videndi primò & immediatè toti homini, ut videret oculo, uti organo & ministro hominis, cuius est, per quem, & pro quo subsistit: ergo Christus dedit totam potestatem clavium primò & immediatè toti Ecclesiæ; ut illam exerceret S. Petrus, ut organum & minister Ecclesiæ. Ità, inquit, Schola Parisiensis nixa illi fundamento infallibili, conformiter omnium totius Ecclesiæ Doctorem opinionem.

228. Sed contra primò: En simile ratiocinium: Oculum, quo totus homo videt, est materialis, par illi, quo vident singuli homines: ergo potestas Clavium, quam exercet S. Petrus, est materialis, par illi, quam exercent singuli homines. Quod potius est delirium, quàm ratiocinium; etenim licet omnes Lutherani & Calvinistæ consequentiam affirmant pro 2. parte; negant tamen 1. partem.

229. Contra secundò: Cur hîc Catholicò modò non ratiocinatur:

DEU

Deus dedit totam facultatem videndi primò & immediatè hominì independentè à ceteris hominibus, ut ipse se solo primò & immediatè videat independentè à ceteris hominibus: Ergo Christus dedit totam potestatem Clavium primò & immediatè S. Petro independentè à ceteris hominibus, ut ipse illam se solo primò & immediatè exerceat independentè à ceteris hominibus? Non video; nisi verosimiliter, quia Catholicus non est: hoc tamen solùm est fundamentum infallibile conformiter omnium totius Ecclesiæ Doctorem opinionì; illud autem infantiæ fallibilis conformiter omnium extra Ecclesiam A catholicorum opinionì; quod esse Scholæ Parisiensis, aut D. Busemii, non credam, nisi leviori isto Gallo gravior aliquis id testetur. Igitur ad q. 6.

230. Si D. Busemius nolit ad hoc, ut illud sit fide Divinà tenendum, requiri de eo formalem & expressam definitionem, sufficientem dedimus materialem & implicitam à n. 135. ad 155. & aliòquì patet Traditionem, de qua n. 217. non esse de fide, ipsumque urgent dicta n. 212.

231. Si D. Busemius velit ad hoc, ut illud sit fide Divinà tenendum, requiri de eo formalem & expressam definitionem: consequenter asserere debet, omnes Traditiones Apostolicas, de quibus Nicænum II. actione 7. Si quis Traditionem Ecclesiæ, sive scripto, sive consuetudine valentem, non curaverit. anathema sit.

232. Item Tradentinum sess. 4. de Canonicis Scripturis. Si quis autem Libros ipsos integros cum omnibus suis partibus, prout in Ecclesiâ Catholica legi consueverunt, & in veteri vulgata editione habentur, pro Sacris & Canonicis non susceperit, & Traditiones prædictas sciens & prudens contempserit; anathema sit. Et sess. 7. de Baptis. can. 8. Siquis dixerit, Baptizandos liberos esse ab omnibus S. Ecclesiæ præceptis; quæ vel scripta vel tradita sunt, ita ut ea observare non teneantur, nisi se suâ sponte illis submittere voluerint: anathema sit.

233. Augustinus lib. 4. contra Donatistas cap. 6. Illa consuetudo, quam & tunc homines, sursum versus aspicientes, non videbant à posterioribus institutam, rectè ab Apostolis tradita creditur. Ibidem lib. 4. cap. 24. Quod universa tenet Ecclesiâ, nec à Concilio institutum, sed semper retentum est, non nisi auctoritate Apostolica traditum rectissime creditur. Ibid. lib. 5. cap. 23. Consuetudo illa, quæ opponebatur Cypriano, ab eorum (Apostolorum) Traditione exordium sumpsisse credenda est: sicut multa, quæ universa tenet Ecclesiâ, & ob hoc ab Apostolis præcepta benè creduntur, quamquam scripta non reperiuntur.

234. Caput illa dist. 12. ex Augustino Epist. 118. Illa autem, quæ non scripta, sed tradita custodimus: quæ quidem toto Orbe terrarum servantur, datur intelligi, vel ab ipsis Apostolis, vel plenariis Conciliis, quorum est in Ecclesiâ saluberrima auctoritas, commendata, atque statuta retineri. Sicut quod Domini passio, & resurrectio, & ascensio in cælum, & adventus de cælo Spiritus Sancti, anniversaria celebritate celebrantur, & si quid tale aliud occurrit, quod servatur ab universa, quocumque se diffundit, Ecclesiâ.

235. Tertullianus lib. de corona militis cap. 3. Hanc observationem invetera-

tam si nulla Scriptura determinavit certo consuetudo roboravit: quomodo enim usurpare quid potest, putà ab Ecclesia infallibili, si traditum prius non est? Ibidem cap. 4. Harum observationum inveteratarum, & aliarum ejusmodi disciplinarum, si legem expostules Scripturarum, nullam invenies; Traditio tibi prætenditur auctoribus consuetudo confirmatrix, & fides observatrix.

236. S. Basiliius Libro de Spiritu Sancto cap. 27. Dogmata, quæ in Ecclesia servantur, ac predicantur, partim ex conscripta doctrina habemus, partim ex Apostolis, Traditione ad nos delatâ; in Mysterio recipimus: quæ utraque eandem ad pietatem vim habent, & nemo his contradicit, qui vel modicam saltem Ecclesiasticorum jurium experientiam habet: si enim aggredieremur, non scriptis proditis consuetudines, velut non magnam vim habentes, rejicere, imprudenter etiam ipsis principalibus Evangelii periculis damnum inferremus. Et sic de pluribus aliis.

237. Consequenter, inquam, asserere debet, omnes Traditiones Apostolicas, de quibus ibi implicite & indeterminatè dumtaxat, de fectu Ecclesiæ de unaquaque in particulari expressæ & formalis definitionis, non esse fide Divinâ credendas, sed, ut dubias, & adhuc ex suis principiis eruendas, debere præteriri, à Theologo disputari, & probari eousque, donec ab Ecclesia definiantur definitione de illis expressâ & formali, non obstante triplici supra allato anathemate, & præcatorum SS. Patrum autoritate: quod est cum Lutheranis & Calvinistis negare, virtualiter saltèm, Traditiones Apostolicas; cum aliter, quàm suâ consuetudine, & Ecclesiæ praxi continuâ probari non possint: undè S. Chrysostomus Homil. 4. in 2. ad Thessalon. 2. Itaque Traditionem quoque Ecclesiæ fide dignam putamus: Traditio est, nihil quævis amplius. Et Irenæus adversus hæreses lib. 3. cap. 4. Sineque Apostoli quidem Scripturas reliquissent nobis: nonnè oportebat ordinem sequi Traditionis, quàm tradiderunt eis, quibus committebant Ecclesias, cui ordinationi assentiunt multe gentes barbarorum, &c. Undè frustra exigit D. Busemarius Ecclesiæ definitionem de infallibilitate Summi Pontificis, materiam fidei ex Cathedra, sive Cathedræ S. Petri autoritate, sine consensu & approbatione aliorum Antiquorum, definientis, expressam & formalem.

238. Probatur autem, quod id asserere debeat consequenter.

Primo: quia, si quæ est Traditio Apostolica, & si de aliqua Traditione Apostolica (post Traditionem de Scriptura, prout in Ecclesia Catholica legi consuevit, & in veteri vulgata editione habetur, quod sit verè Verbum Dei ab Apostolis à Christo ore tenus, vel a Spiritu sancto dictante conscriptum) constat, maximè est illa de infallibilitate, &c. quæ in q. 6. est, & de illa maximè constat, ut patet ex præmissis à n. 135. ad 115 & n. 194 ad 201.

239. Secundo: quia id sufficienter hoc argumentum convincit: S. Petrus, non solum, Spiritu Sancto dictante, prout alii Apostoli; sed jure Ecclesiæ & cæterorum Apostolorum Capitis, (postquam ipsi dixerat Christus Matth. 16. Quia tu es Petrus & super hanc petram edificabo Ecclesiam meam, & porta inferi non prævalebunt adversus eam, & tibi dabo claves regni cælorum, &c. Lucæ

22. Erego rogavi pro te Petre, ut non deficiat fides tua, & tu conversus aliquando confirma fratres tuos. Quò jure Epistolam tuam 2. ad totam Ecclesiam direxit, etenim sic incipit: *Simon Petrus Servus & Apostolus Iesu Christi Iis, qui coequalem nobiscum sortiti sunt fidem in iustitia Dei nostri & Salvatoris Iesu Christi*) solus & liorsim à Concilio, sive Apostolorum cœtu, varia infallibiliter definivit, ut v. g. dum Epist. 1. citata cap. 1. jure isto, extra Concilium Generale, sive etiam cœtum Apostolorum, sic totam Ecclesiam in fide confirmat: *Et habemus firmiorem propheticum sermonem, cui benefactis attendentes, quasi lucerna lucenti in caliginoso loco, donec dies elucescat, & lucifer oriatur in cordibus vestris, hoc primum intelligentes, quod omnis prophetia Scriptura propria interpretatione non sit: non enim voluntate humana allata est aliquandò prophetia, sed spiritu Sancto inspirati, locuti sunt sancti Dei homines*. Ergo Summus Pontifex, qui ex fidei Traditione S. Petro in Cathedra & autoritate legitime successit, idem potest.

240. Certè, si S. Petrus non scivisset Christi Vicarium in terris, jure Ecclesiæ & cæterorum Apostolorum Capitis, non posset se solo extra Concilium Generale, sive etiam cœtum Apostolorum infallibiliter totam Ecclesiam in fide confirmare, id extra non fecisset; & nisi Traditio Apostolica esset, quò totam sic infallibiliter confirmaret, & quò legitimis Successores ejus, jure Ecclesiæ Capitis, & legitimæ in Cathedra S. Petri successionis, totam ipsius haberent infallibiliter definiendi autoritatem, id omnes à Petro huc usque, extra casum specialissimæ necessitatis Concilii Generalis, non fecissent: nè aliòqui de tanti momenti vanâ & damnabili præsumptione accusarentur.

241. Dominus Buscumius admittit, aut rejicit hanc Traditionem? Si admittit: contra Traditionem Apostolicam instructionem posuit, & hæreticam. Si rejicit: omnes à fortiori Traditiones Apostolicas contra fidera & anathemata supra posita rejicere debet, quod est evidenter hæreticum.

242. Item D. Buscumius fatetur, aut diffitetur, à tempore S. Petri usque ad 1. Concilium Generale fuisse de ista Traditione consensum totius Ecclesiæ Catholicæ, aut diffitetur?

243. Si fateatur: per ipsum Ecclesia in tali consensu usa est suæ infallibilitatis modo tertio ab ipso ad Regulam 8. assignato, & est ipsius Regula 8. Ea, quæ semel demonstrata sunt esse de fide, non sunt amplius in questionem vel disputationem revocanda, sed ut fidei positiones, & dogmata, & tamquam certa Theologiæ principia in Cathalogo aut volumine conservanda. Et meritò; quia S. Augustinus Epist. 118 scribit: *similiter, si quid horum tota frequentat Ecclesia: nam hoc, quin ità faciendum sit, disputare, insolentissima insania est*. Ergo, ipso fatente, dum ipse, & quotquot post 1. Concilium Generale, quos pro se citat, aut citare potest, illam in questionem vel disputationem revocant, aut revocarunt, fidei positionem, & dogma, & certum Theologiæ principium in quæstio-

rem vel disputationem (quam vult esse de solis dubiis, & adhuc ex suis Theologiae principis eruendam) ut dubium revocant; quod esse hæreticum, indubitatum est: ac proinde nullos producere potest suæ contra istam Traditionem sententiæ Patronos, quos secum, per istam suam Regulam & suum certum Ecclesia infallibilis modum, fateri non debeat, esse hæreticos.

244. Si diffiteatur: diffiteor ego, quod vel unum Orthodoxum citare possit, qui ante 1. Concilium Generale istam Traditionem rejecerit; aut qui efficaciter probet, aliquo inter Apostolos & 1. Concilium Generale medio tempore, istam Traditionem in Ecclesia non fuisse, sed ab aliquo illis posteriore ceptam, & institutam fuisse. Si non possit: audiat Augustinum supra n. 233. citatum: *illa consuetudo, quam & tunc homines sursum versus aspicientes, non videbant à posterioribus institutam, rectè ab Apostolis tradita creditur.* Et sic de aliis autoritatibus ibi successivè allatis, quibus

245. Adde illud S. Hieronymi in Dialogo adversus Luciferianos col. 8. *Etiam si Scripturæ autoritas non subesset, totius Orbis in hanc partem consensus, prout tunc fuit, nisi efficaciter probet oppositum, instar præcepti obtineret: nam & multa alia, quæ per Traditionem in Ecclesiis observantur, auctoritatem scriptæ legis, prout traditio dicta, usurpaverunt.* Cui consonat Augustinus Epist. 86. ad Casulanum: *In his enim rebus, de quibus nihil certi statuit Scriptura Divina, mos populi Dei, vel instituta Majorum pro lege tenenda sunt, utique Apostolica, cum sit Traditio Apostolica; ut vidimus, quam rejicere, ut dubiam, & adhuc ex suis principis eruendam, haud minus est contra fidem traditam, quam rejicere Evangelium & præcepta Decalogi ut dubia, & adhuc ex suis principis eruenda, antequam in Concilio Generali legitimo expressè & formaliter definirentur, esse verè Verbum Dei, & ut tale observanda.*

246. Dicit quidem D. Busemarius ad Regulam 8. *Sed non satis deplorandum, quod eadem S. Synodus non eandem curam habuerit specificandi alterum Theologia principium, idest Traditionem: quod etiam S. Traditio in particulari Indicem conscribendum non censuerit, nè similiter alicui dubitatio suboriat, quæ nam illæ sint Traditiones, quæ ex ore Christi vel Apostolorum ad nos devenerunt, quas ipsa Synodus ut tales suscipit, ac proponit.*

247. Sed contra: præterquam quod D. Busemarius altum nimis, supra celeberrimum totius Ecclesiæ Concilium Generale, puta Tridentinum, faciat: non illud sanè, sed hoc non satis est deplorandum, quod ipse Cathedralis Poenitentiarius, Pastorum, Confessoriorum, & Ordinandorum Examinator Episcopalis, rejiciat Traditiones Apostolicas, ut vidimus. Primò: de Ecclesiæ infallibilitate, quando solus Pontifex absque consensu, aut approbatione aliorum Antistitum aliquid definit, utique in materia fidei, & ex Cathedra, sive Cathedræ S. Petri autoritate. Secundò: de fide Divinâ credendis decisionibus, & definitionibus Ecclesiæ, etiam in Concilio Generali, de questionibus facti, utique indefinitè & gene-

generaliter, ut ad *Regulam* 7. scribit, ac sic etiam in materia fidei. Tertio: de *Canonizationibus Sanctorum*, utique indefinitè & generaliter, ac sic, sive à Concilio Generali legitimo, sive à legitimo S. Petri Successore & Christi Vicario ex Cathedra eas definiunt: pro quibus, non solum Ecclesiæ consensus fuit communissimus, quoad 1. ante Gersonem, quoad 2. ante Janfenium, quoad 3. factam ante D. Thomam, de quo n. 158 & 159. qui habuit vim præcepti Apostolici ex relatis a n. 194. ad 201. & indisputabilis, juxta ejus *Regulam* 8. & modum tertium, infallibilitatis, de quo ibidem; sed illa quoque, implicite saltem, in S. Scriptura continentur, ut patet ex præmissis. n. 135. 147. 155. 156. & 239. ad 246. Omni Traditionem de Immaculata Deipara Conceptione; non quod ista, etiam pro illa non militent: sed ne videar impingere in Bullam Alexandri VII. si de hac idem, quod de illis, dicere, præfertim, cum in *Libro*, cui Titulus *Visio Elia &c. disp. 3. dub. 4. & seq.* non obscurè probaverim, illa isti convenire, S. Thomam oppositum non tenuisse, & quod contra illam non plus faciat Schola Thomistica, quam contra definitionem fidei pars minor Concilii Generalis, accedente Summi Pontificis confirmatione.

246. Unde D. Buscumius debet: aut consequenter docere D. Thomam, si asseruerit Deiparam Virginem fuisse maculatè conceptam, errasse contra suum tertium Ecclesiæ infallibilitatis modum suprà n. 178. relatum, imò etiam, ut vidimus, contra Traditionem Apostolicam de Immaculata Conceptione, juxta Ecclesiæ consensum ante se communissimum, cui D. Buscumius adscribit tertium Ecclesiæ infallibilitatis modum suprà n. 178. ac proindè juxta *Regulam* 8. quam ipse explicat, docere, esse infallibiliter demonstratum, Immaculatam Conceptionem esse de fide, non esse amplius in questionem, vel disputationem revocandam, sed ut fidei positionem, & dogma, & tamquam certa Theologia principium, in *Cathalogo*, aut volumine conservandam, cujus oppositum docet, & nos propter inhibitionem Alexandri VII. ab istis præcindimus: aut docere nobiscum D. Thomam non asseruisse, Deiparam Virginem fuisse maculatè conceptam. Si hoc posterius doceat: hujus sui erroris, quoad *Regulam* 7. scribit: *mysterium Immaculatae Conceptionis B. Virg. defectu Scripturae & Traditionis de fide esse non potest*; nullum à D. Thoma petere potest patrocinium, & multò minus, si alterum prius, nisi à dicto errore petere velit errocinium, & suam tertium Ecclesiæ infallibilitatis evertere modum. Vide dicta n. 145. *Respondendo ad 1. &c.*

249. Adverte tamen, quod D. Buscumius in prædictis rejiciat Traditiones, ex quibus potissimum. S. Synodus Tridentina suum *Sacrarum Traditionum Indicem* conscribere debuisset: & cum sint quæstiones facti de quibuscumque Apostolicis, an sint ab Apostolis dictæ ante Spiritu Sancto traditæ, conscriptum ab eo Indicem rejecisset, prout infallibilitatem in decisionibus, & definitionibus Ecclesiæ, etiam in Concilio Generali, de quæstionibus facti. Undè mirum est, quod consequenter non rejecerint definitionem Tridentini *sess. 4. de libris Canonis*,

niciis, & id, quod inconsequenter ad Regulam 6. scripsit: *Per hoc enim cognoscimus, Scripturam esse Verbum Dei quia Ecclesia per Traditionem instructa sic definit, & declarat hos libros à Spiritu Sancto dictante esse conscriptos, ut aut primum & originale principium omnium eorum, quæ fide Divinâ credimus, sit Traditio*: His alioqui allatas n. 247. quatuor suas instructivas Resolutiones evertit.

250. Quasi verò Traditio, per quam instructa Ecclesia definit, *hos libros esse à Spiritu Sancto dictante conscriptos*, sit magis de fide tradita, aut ante de fide definitam infallibilior, quàm istæ aliæ Traditiones Apostolicæ; aut illa de fide proposita, definita, determinata esse possit certior, quam istæ aliæ Traditiones, dum *questio facti*, an illa præ istis sit à Christo retentus Apostolis, aut ab Apostolis Spiritu Sancto dictante, sine scripto tradita; & consequenter, an minus in illa, quam in istis, Ecclesia per Buscumium errare possit, dum ad Regulam 7. absolutè, & præcisè sine ulla limitatione sic resolvit: *Hoc modo demonstratur non esse de fide, aut fide Divina credendas decisiones & definitiones Ecclesie, etiam in Concilio Generali de questionibus facti*, qualis illa etiam est, ut vidimus.

251. Addidit quidem, ut suprâ n. 207. notavi, isti resolutioni in sua Defensione pag. 21. *quæ videlicet non continentur Scriptura vel Traditione*. Sed additio hæc cum ejus dogmatibus & Regulis, ut vidimus q. 5. in fine, subsistere non potest; alioqui id etiam addere debuisset pro Ecclesiæ infallibilitate duabus aliis n. 247. præmissis; cum non spectent ad *questionem facti*, quæ non continetur Scripturâ vel Traditione; sed quæ non minus continetur Scripturâ vel Traditione, quàm questio facti de Traditione, per quam instructa Ecclesia definit, & declarat, *hos libros à Spiritu Sancto dictante esse conscriptos*, ut vidimus; non addidit autem: unde additio ista ibi censeri debet, ut notavimus n. 207. deprehenso postmodum erroris pallium, sed mancum.

252. Quasi verò D. Buscumius, rejiciendo istas tres (à quarta pro Immaculata Conceptione præscindo, ut dixi n. 248.) Traditiones Apostolicas, cæteras omnes, pro quibus tantus Ecclesiæ consensus in sacris Canonibus, Pontificum Decretis, Sanctorum & antiquorum libris, non legitur, consequenter cum Lutheranis & Calvinistis rejicere non debeat; imò &, rejiciendo Ecclesiæ infallibilitatem in questionibus facti, ac per consequens in Traditione, quæ dicit primum & originale principium omnium eorum, quæ fide Divina credimus, etiam rejicere omnia, quæ fide Divina credimus, ac sic ipsam totam fidem Divinam in & cum isto principio originali, quod est plus quàm Lutheranum & Calvinisticum.

253. Ita igitur non satis sunt deploranda, ut patet, non verò illud, quod de Tridentino gratis non satis deplorandum asserit; fortè ut securiùs dictas tres (à quarta præscindo ut dixi) rejiciat Traditiones; quasi verò non sint; prout ipsa Scriptura Sacra, de fide ab Apostolis tradita, antequam sint ab Ecclesia de fide ex Cathedra, sive Cathedræ S. Petri auctoritate, proposita, definita, determinata, juxta illud S. Hieronymi in Dialogo

ad

ad Luciferianos col. 8. Etiam si Scriptura auctoritas (idem est, à pari, de dicta propositione, definitione, determinatione) non subesset, totius Orbis in hanc partem consensus instar precepti obtineret: nam & multa alia, quæ per Traditionem in Ecclesia observantur, auctoritatem scriptæ legi usurparunt; quod, & alia nu. 231. ad 237. præmissa ex Nicæno II. item ipso Tridentino, Augustino cap. IIIa dist. 12. Tertulliano, & S. Basilio, nobis, uti ipsi Tridentino, abundè sufficiunt.

255. Nec solum rejicit Traditiones, &c. ut dictum est n. 249. sed, dum ad Regulam 8. scribit: Interea, dum hoc sæculum nequam (uti olim in mari periclitantes discipuli) dormiente Domino, permittitur agitari, valdè cautè & circumspèctè prospiciendum est, nè temerè à veritatis via aberremus in examinanda vel colligenda Traditione, & nihil ut traditum admittamus sine examine & demonstratione, juxta modos supradictos. Virtualiter

255. Asserit primò: Hòc sæculò, Christi in terris Vicarium dormire, & cum sciat, Summum Pontificem in Jansenii hæresibus, & Jansenistarum de Summi Pontificis in quæstionibus facti ad fidem spectantis fallibilitate erroribus extirpandis, fuisse, & esse vigilantissimum, videtur alium agnoscere Christi in terris Vicarium, de quo intelligit illud, dormiente Domino; præsertim cum veneretur Consilium Basileënsè, & sic de legitimitate suspectum habeat Florentinum, uti notavimus n. 145. atque etiam dicti Pontificis definitionum explodat infallibilitatem ad Regulam 8. scribens: alii addunt quartum modum infallibilitatis, quando solus Pontifex absque consensu aut approbatione aliorum Antistitum aliquid definit; sed quia illum non admittunt gravissimi Pontifices & Doctores, & contrarium senserunt Patres Consilii Basileënsis, eum intantum, ut dubium; & adhuc ex principiis suis eruendum præteribimus, utique tamquam modum, sub quo hoc sæculum nequam (uti olim periclitantes discipuli) dormiente altero infallibilitatis Domino, permittitur agitari. Certè verendum est, nè non dormiat, nec magis istà nequitia, quàm Janseniana, hoc sæculum agitari permittat.

256. Asserit secundò. Valdè cautè & circumspèctè prospiciendum esse, nè temerè à veritatis via aberremus in examinanda & colligenda Traditione; supple, dum hoc sæculum nequam (uti olim in mari periclitantes discipuli) dormiente Domino, permittitur agitari, quò consequenter velle videtur, nobis in hoc sæculo nequam sub Summi Pontificis ex Cathedra, sive Cathedræ S. Petri auctoritate, definitionibus absque consensu & approbatione aliorum Antistitum, ac sic, altero infallibilitatis dormiente Domino, valdè cautè & circumspèctè prospiciendum esse, nè sub definitionibus istis temerè à veritatis via aberremus in examinanda & colligenda Traditione. Quasi verò tales definitiones hoc sæculum faciant nequam; aut sit nequam, quia alter à Summo Pontifice infallibilitatis Dominus dormit, & donec evigilet, debeamus, uti olim in mari periclitantes discipuli, in hæresibus periculose periclitari; & nè Summi Pontifices suis ex Cathedra, absque consensu & approbatione aliorum Antistitum definitionibus, nos hæreses doceant, & confirmant, valdè cautè & circumspèctè prospiciendum esse; quod non solum de

solo in fide vulgariter suspecto dici potest, nec ipse de suorum errorum Patronis, quos vocat viros praestantissimos Defensionis pag. 3. dici finit, ut patet ex ejus Defensione variis locis; sed cum, nisi Summus Pontifex ut sic definiens sit infallibilitatis Dominus, nullus post S. Petrum fuerit, sit, aut erit talis, ut patet ex praemissis, velle debet Ecclesiam totam fuisse, esse, & fore semper in haereticis sine ulla fidei veritate fluctuantem, ac nullam aliam attendendam, quàm *juris natura*, Regulam, quod nequidem perfidi Judæi, Lutherani aut Calvinistæ, etiam pessimi, asserunt;

257. Asserit tertio: nihil ut traditum esse admittendum sine examine & demonstratione, juxta modos supra dictos. Ac proinde nihil, propter definitiones Summorum Pontificum ex Cathedra, sive Cathedræ S. Petri autoritate, definitum, absque consensu aut approbatione aliorum Antistitum, traditum, esse admittendum sine examine & demonstratione, juxta modos supra dictos; cum tamen ipse aliquid ut traditum admittat à suis errorum patronis, sine examine & demonstratione, juxta modos supra dictos, quo non obscurè plus defert Patronorum suorum haereticis, quàm Summi Pontificis ex Cathedra, sive Cathedræ S. Petri autoritate definitionibus, absque consensu & approbatione aliorum Antistitum, ei licet Antistitibus pluribus, illorumque, quos assistere exigit, assistentibus, quàm Petro assisterint in Concilio, de quo supra n. 147. Hæc fanè intolerabilia videntur.

QUÆSTIO VII.

258. **Q** Varitur septimò: An D. Buscumius in praemissis poenas incurrerit in Bulla Alexandri VII. Ad perpetuam rei memoriam, anno 1661. in dictione 13. die 11. mensis Decemb. latas ut sequitur.

259. Constitutiones, & decreta à Pontificibus Romanis Prædecessoribus nostris, & præcipuè à Sixto IV. Paulo V. & Gregorio XV. edita in favorem sententia asserentis, animam Beatae Mariae Virginis in sui Creatione, & in Corpus infusione spiritus Sancti gratia donatam, & à peccato originali præservatam fuisse, nec non & in favorem festi, & cultus Conceptionis ejusdem Virginis Deiparae secundum piam istam sententiam, ut præsertur, exhibiti, innovamus, & sub Censuris, & poenis in eisdem Constitutionibus contentis observare mandamus. Et insuper omnes, & singulos, qui præfatas Constitutiones, seu decreta ita pergunt interpretari, ut favore per illas dicta sententia, & festo, seu cultui secundum illam exhibito frustrentur, vel qui hanc eandem sententiam, festum, seu cultum in disputationem revocare, aut contra ea quomodo-cumque modo directè vel indirectè, aut sub quovis prætextu, etiam definibilitatis ejus examinande, sive Sacram Scripturam aut Sanctos Patres, sive Doctores glossandi, vel interpretandi, denique alio quovis prætextu, seu occasione, scripto, seu voce, loqui, concionari, tractare, disputare, contra ea quidquid determinando, aut asserendo, vel argumenta contra ea asserendo, & insoluta relinquendo, aut alio quovis incogitabili modo disserendo, ausi fuerint, præter poenas, & censuras in Constitutionibus Sixti IV. contentas, quibus illos subjacere volumus, & per præsentis subjicimus, etiam concio-

concionandi, publicè legendi, seu docendi, & interpretandi facultate, ac voce activâ, & passivâ in quibuscumque electionibus eo ipsa, absque alia declaratione, privatos esse volumus, nec non ad concionandum, publicè legendum, docendum, & interpretandum, perpetua inhabilitatis pœnas ipso factò incurrvire, absque alia declaratione: à quibus pœnis, non nisi à nobis ipsis, vel à Successoribus nostris, Romanis Pontificibus absolvi, aut super iis dispensari possint, nec non eosdem aliis pœnis nostro & eorundem Romanorum Pontificum Successorum nostrorum arbitrio infligendū pariter subjacere volumus, prout subjicimus per præsentēs, innovantes Pauli V. & Gregorii XV. superius memoratas Constitutiones, sive decreta. Ac libros in quibus præfata sententia, festum, seu cultus secundum illam in dubium revocatur, aut contra ea quomodocumque, ut suprà, aliquid scribitur, aut legitur, seu locutiones, conciones, tractatus, & disputationes contra eadem continentur, post Pauli V. suprà laudatum decretum edita, aut imposterum quomodolibet edenda, prohibemus, sub pœnis, & censuris in indice librorum prohibitorum contentis, & ipso factò, absque alia declaratione pro expresse prohibitis haberi volumus, & mandamus.

260. Si arfirmet: frustra appellat à sententia de super contra se ab Illustriſſimo ac Reverendiſſimo suo Gandensī Episcōpo, ut audio, lata, cūm sic se illas incurriſſe affirmet.

261. Si neget: debet efficaciter satisfacere sequentibus.

262. Primò: Bullæ Titulus est: Bulla Sanctissimi D. N. D. Alexandri Divinâ providentiâ Papæ septimi innovatio Constitutionum, & decretorum in favorem sententiæ asserenti, animam Beata Maria Virginis in sui creatione, & in corpus infusione, à peccato originali præservatam editorum. Ergo quidquid est in odium istius sententiæ, est contra istius Bullæ finem in favorem &c. ac sententiam, de qua in Bulla per totam, ipsamque proinde Bullam.

263. Subsumo: Atqui id, quod D. Busemius in Instruptione ad Regulam 7. scribit: Quod (puta, mysterium Immaculatæ Conceptionis Beatæ Virginis) quidem ob multas rationes suslinetur ut verum, sed defectu Scripturæ & Traditionis, de fide esse non potest: est in odium istius sententiæ, & istius Bullæ finem in favorem &c. Ergo &c. Probatur minor; quia sententia illa, non asserit quidem, esse de fide mysterium Immaculatæ Conceptionis B. Virginis; sed dum illud probat ex Scriptura, Conciliis, Pontificibus, & cæteris, de quibus n. 170. sentit, copiâ Scripturæ & Traditionis, de fide esse posse, cujus oppositum scribit D. Busemius, his verbis: sed, defectu Scripturæ & Traditionis, de fide esse non potest.

264. Respondet D. Busemius in Defensione pag. 24. Manet ergo vera mea assertio, ipsâ Pontificiâ autoritate stabilita, quod mysterium Immaculatæ Conceptionis B. V. defectu Scripturæ & Traditionis, hoc est, quamdiu deest Scriptura vel Traditio, cui innitur, de fide esse non possit.

265. Sed contra est. Primò: Quod glossâ hæc non sit suo textui conformis; quia in Instruptione loco citato dicit: probari tamen non possunt, contineri in Scriptura vel Traditione, v. g. mysterium Immaculatæ Conceptionis B. Virginis; ac proinde, attentis his verbis, horum, defectu Scripturæ & Traditionis, de fide

esse non potest, non est glossa datus sensus; sed hic, *sed quia deficit Scriptura & Traditio, de fide esse non potest*: sive, quod ex prioribus verbis legitime deducitur, *sed quia probari non potest ex Scriptura & Traditione, de fide esse non potest*: Hoc autem est directè oppositum *sententia pia asserenti*.

266. Contra. Secundò: glossa hæc, *hoc est, quamdiu deest Scriptura vel Traditio, de fide esse non potest*, attentis verbis textus, probari tamen non possunt contineri in Scriptura vel Traditione, v. g. *mysterium Immaculata Conceptionis Beata Virginis*, est manca, & hoc modo juxta textum sumi potest, & debet, *hoc est, quamdiu deest, prout deest, Scriptura & Traditio, cum probari non possit, contineri Scripturâ vel Traditione*. Si verò sic sumat, uti potest, & debet juxta textum, glossa talis ipsi non favet; sed solùm truncatis verbis occultat *pia sententia directè oppositum*.

267. Voluit igitur subintellectum *ly prout deest*, vel non? Si prius: propria suâ confessione, *pia sententia directè oppositum* sentit. Si verò posterius: quo sensu scripsit, probari tamen non possunt contineri in Scriptura vel Traditione, v. g. *Mysterium Immaculata Conceptionis Beata Virginis*? Et cur hanc difficultatem movit, cum nullus unquam dixerit, *Mysterium Immaculata Conceptionis Beatae Mariae Virginis, quamdiu deest Scriptura & Traditio, de fide esse posse*, nisi quia *pia sententia* se opponere voluit in optatâ fidei Divinæ definitionis prætentione? Difficulus oppositum persuadebit.

268. Contra 3: Glossa alterat ejus textum: quia textus habet, *sed defectu Scriptura & Traditionis, de fide esse non potest*; glossa autem mutat *ly & in vel*, quæ toto cælo differunt; nam *ly vel*, positum in textu loco *&*, faceret textum hæreticum, uti hic est, *Traditio defectu Scriptura de fide esse non potest*, quia hic deest *alterutrum*, videlicet *Scriptura*. Imò etiam ipsa glossa habet sensum hæreticum, uti est hic, *quamdiu deest Scriptura, Traditio de fide esse non potest*, ob eandem rationem. Quidni & ipse textus, ut stat, *defectu Scriptura & Traditionis de fide esse non potest*, cum de fide sit, *Traditiones*, de quibus Tridentinum *sess. 4. de Scripturis Canonicis*, esse de fide absque Scriptura, ac per consequens, *Mysterium Immaculata Conceptionis B. Virginis ex Traditione Apostolica posse esse de fide*, licet deesset Scriptura.

269. Contra 4 *Pietas asserentis Mysterium Immaculata Conceptionis B. V. non excludit pietatem definitionis Concilii Basileënsis*, alatae suprâ n. 145. licet excludat *de fide certitudinem*, eo quod illegitimum fuerit: ergo est contra istius sententiæ *pietatem & favorem*, scribere *Mysterium Immaculata Conceptionis Beatae Virginis, defectu Scripturae & Traditionis, de fide esse non posse*, cum Basileënsē Concilium Generale, quod veneratur D. Busemarius, ut ibidem vidimus, quantum de se potuit, illud de fide credendum definierit.

270. Secundò: Bulla dicit: *Sanè verus est Christi fidelium erga ejus Beatissimam Matrem Virginem Mariam Pietas, sentientium, ejus animam in primo instanti creationis, atque infusionis in corpus, fuisse speciali Dei gratiâ & privilegio, inquit meritum Jesu Christi, ejus Filii, humani generis Redemptoris, à macula peccati originali*

ginalis præservatam, immunem, atque in hoc sensu ejus Conceptionis festivitatem solemniter colentium & celebrantium; crevitque horum numerus, atque hujusmodi cultus, post editas à felicis Recardationis Sixto Papa IV. Prædecessore nostro in ejus commendationem Apostolicas Constitutiones, quas sacrum Concilium Trid. innovavit, atque observari mandavit. Aucta rursus, & propagata fuit pietas hæc, & cultus erga Deiparam post erecta hoc nomine, approbantibus Romanis Pontificibus, Religiosum Ordinem, & Confraternitates, ac concessas ab iisdem indulgentias, ita ut accedentibus quoque plerisque celebrioribus Academiis ad hanc sententiam, jam ferè omnes Catholici eam amplectantur: Atqui impium videtur, asserere, ista omnia habere obiectum, quod non potest esse de fide: ergo impium consequenter est, asserere mysterium (quod est istorum omnium obiectum) Immaculate Conceptionis Beate Virginis non posse, esse de fide: Ergo D. Buscumius, hoc asserendo, impietate quædam impiegit in Bullam, & piam sententiam, & pœnas in Bulla latas incurrit.

271. Tertiò: Bulla subdit: Pergunt al-qui contrariæ opinionis assertores contra præfatas prohibitiones, tum publicè præfatam sententiam, aut impugnare, aut velleicare, & favorem à Romanis Pontificibus cultui, & festo secundum illam præstitum, ita interpretari, ut frustrentur; imò Ecclesiam Romanam huic sententia, & cultui juxta illam B. Virgini exhibito favere negant, pios Christi fideles è sua pacifica quasi possessione deturbare conando: Atqui ad ista nihil efficacius doctrinà D. Buscumii ad Regulam 7. scribentis: hoc modo demonstratur, non esse fide Divina credendum, &c. Canonizationes Sanctorum. Item decisiones, & definitiones Ecclesie, etiam in Concilio Generali, de questionibus facti. Item ea, quæ permittuntur per Ecclesiam à fidelibus pie credi, probari tamen non possunt, contineri in Scriptura vel Traditione, v. g. mysterium Immaculate Conceptionis Beate Virginis, quod quidem ob multas rationes sustinetur ut verum; sed defectu Scripturæ & Traditionis, de fide esse non potest. Ad Regulam 8. alii addunt quartum modum Ecclesie infallibilitatis, quando solus Pontifex absque consensu, aut approbatione aliorum Antistitum, aliquid desinit. Et infra: Interea dum hoc sacculum nequam (uti olim in mari periclitantes discipuli,) dormiente Domino, permittitur agitari, valdè cautè & circumspiciè prospiciendum est, nè temerè à veritatu via aberremus in examinanda & colligenda Traditione, & nihil ut traditum admittamus sine examine, juxta modos supradictos: Ergo D. Buscumius, hæc omnia connexa asserendo, impiegit in Bullam, piam sententiam, & pœnas in Bulla latas incurrit.

272. Probatur minor pro prima parte Quia cultus, solemnitas, festum, Ordo religiosus, Confraternitates, indulgentiæ de Mysterio Immaculate Conceptionis Beate Virginis ferè passu pari procedunt cum Canonizatione Sanctorum: atqui in minori pro 1. parte D. Buscumius docet, Canonizationes Sanctorum demonstrari, non esse de fide, ac sic in illis posse Summum Pontificem errare; ergo à fortiori & in istis: ac proinde sicuti per ipsius doctrinam, mirum non esset, si Summus Pontifex erraret in Canonizatione Sanctorum; ita nec per consequens, si in omnibus istis: atqui ad ista nihil hac doctrinà efficacius, ut patet: ergo &c.

273 Probatur minor pro secunda parte: Quia Mysterium Immaculate Conceptionis

ceptionis B. Virginis spectat ad questionem facti, & illius cultus, solemnitas, &c. præsupponunt questionem istam facti: atqui in minori pro 2. parte D. Buscumius docet, demonstrari, non esse de fide, aut fide Divina credendas decisiones & definitiones Ecclesie, etiam in Concilio Generali, de questionibus facti, ac sic in his Ecclesiam, etiam in Concilio Generali, errare posse: ergo consequenter in istis: ac proinde, per ipsius doctrinam, mirum non esset, si Concilium Generale, & à fortiori per ipsum solus Pontifex, erraret in questionibus facti, qualis illa est, & quam ista præsupponunt: ad prædicta autem nihil hæc doctrina efficacius, ut patet: ergo &c.

274. Probatur minor pro tertia parte: Favor à Romanis Pontificibus cultui & festo Immaculate Conceptionis Beata Virginis præstitus frustratur, pia sententia & cultui Romanam Ecclesiam favere, negatur, iique fideles à sua quasi pacifica possessione deturbantur, dum asseritur, ea, quæ permittuntur per Ecclesiam à fidelibus pie credi, probari tamen non posse, contineri in Scriptura vel Traditione, v. g. Mysterium Immaculate Conceptionis Beata Virginis. Atqui hoc asserit D. Buscumius pro 3. parte: Ergo, &c.

275. Probatur minor pro quarta parte: Quia nihil efficacius ad ista, quàm asserere, cultu, solemnitate. Officio Canonico, festo, Ordine Religioso, Confraternitatibus & Indulgentiis de Myserio Immaculate Conceptionis, hoc seculum nequam (uti olim in mari periclitantes discipuli) dormiente Domino, permitti agitari: atqui D. Buscumius id virtualiter ibi asserit pro 4. parte, dicens: dum hoc seculum nequam (uti olim in mari periclitantes discipuli,) dormiente Domino, permittitur agitari, valde, &c. Ergo, &c.

276. Probatur hæc minor: quia hæc scribit propter illa, in quibus non intervenit Ecclesie infallibilitas uno ex tribus modis à se assignatis, quàm in istis uno illorum modo intervenire negare debet.

277. Imprimis: quia negat, Myserium Immaculate Conceptionis posse, esse de fide, ut vidimus, n. 271. postea autem infallibile infallibilitate Ecclesie uno ex tribus modis ab eo ad Regulam 8. assignatis, esse de fide, imò esse actu de fide, patet ex eo, quod istis modis æquè tribuat Ecclesia infallibilitatem, & de primo illorum dicat, sunt enim definitiones Conciliorum adeò certa, quàm ipsum Evangelium.

278. Deinde: quia, si vellet in istis intervenire Ecclesie infallibilitatem uno illorum modo, ad Regulam 8. non scriberet: Alii addunt quartum modum Ecclesie infallibilitatis, quando solus Pontifex, absque consensu, aut approbatione aliorum Antistitum aliquid definit: sed quia illum non admittunt gravissimi Pontifices, & contrarium senserunt Patres Concilii Basileensis, cum intactum, ut dubium, & adhuc ex principiis suis eruendum præteribimus, hic solum asserentes ea, quæ certa sunt, & extra omnem controversiam. Quia ista, cultus, solemnitas, &c. ad hunc quartum modum spectant.

279. Denique: quia cultus, solemnitas, &c. sunt à solo Summo Pontifice, &c. ad ejus sensum; & si vellet D. Buscumius, quod eo modo, quo à Summo Pontifice

fice sunt, habere Ecclesiæ infallibilitatem uno ex tribus modis à se assignatis, non solum ista essent Ecclesiæ infallibilitate infallibilia, sed & tale esset *Mysterium Immaculatae Conceptionis*, quod præsupponunt, & propter quod sunt, quod negat, ut vidimus: imò etiam Sanctorum Canonizationes, quæ Decreta Pontificia magis solemnia continent; quas tamen (& idem est de Ecclesia, etiam in Concilio Generali, definitionibus de quæstione facti) sub Ecclesiæ infallibilitate uno ex tribus modis à se assignatis non comprehendit.

280. Confirmatur: Quia nihil efficacius ad ista, quàm asserere, in cultu, solemnitate, Officio Canonico, festo, Ordine Religioso, Confraternitatibus & Indulgentiis de *Mysterio Immaculatae Conceptionis*, valde cautè & circumspectè prospiciendum esse, ne temerè à veritatis via aberremus in examinanda & colligenda Traditione, & nihil ut traditum admittamus sine examine & demonstratione, juxta modos suprà dictos: atqui D. Buscumius hoc de istis, uti de Canonizationibus Sanctorum, de Ecclesiæ, etiam in Concilio Generali, definitionibus de quæstionibus facti, & Pontificis definitionibus, quandò solus, &c. asserit; nec magis de istis, quàm de his, est demonstratio, juxta ejus modos suprà dictos; ergo ista sunt, prout hæc, de quibus dicit, & nihil traditum admittamus, sine examine & demonstratione, juxta modos suprà dictos.

281. Undè manifestum est ex dictis à n. 271. vix de ullo clariùs, & verius, verificari posse verba Bullæ, relata ibidem n. 271. pergunt aliqui contraria opinionis, &c. quàm de D. Buscumio, cum nolit, *Mysterium Immaculatae Conceptionis* posse, esse de fide, & omnia in ejus favorem Pontificum Decreta velit, ut dubia præteriri, ac totius Bullæ Alexandri VII. eludat, & tollat vigorem.

282. Quare: Bulla dicit: & insuper omnes & singulos, qui præfatas Constitutiones, seu decreta ita pergunt interpretari, ut favore per illas dicta sententia, & festo seu cultui secundum illam exhibitio frustrentur. Atqui, ut patet à n. 271. hucusque, D. Buscumius præfatas Constitutiones; & hanc ipsam Alexandri VII. ita pergit interpretari, ut favore, &c. Ergò, &c.

283. Quintò: Bulla subdit: vel qui hanc eandem sententiam, festum seu cultum in disputationem revocare: Atqui illa omnia in disputationem revocat, ut vidimus statim à n. 275. ad n. 280. & Regulas scribit, ut ab omnibus non admittantur; non solum per hæc verba, & nihil ut traditum admittamus sine examine & demonstratione, juxta modos suprà dictos; sed & per suas plerasque Regulas; ut patet ex earum Examinationibus toto hoc Opusculo præmissis.

284. Sexid: Immediatè addit: aut contra ea quomodocumque modo, directe vel indirectè, aut sub quovis prætextu, etiam definibilitatù ejus examinanda, &c. scripto vel voce, loqui, concionari, tractare, disputare, contra ea quidquid determinando, aut asserendo, vel argumenta contra ea asserendo, & insoluta relinquendo, aut alio quovis inexcogitabili modo differendo, ausi fuerint, pœnas, &c. Atqui contra eam disputat, Discipulos instruit, determinat ipsis valde cautè & circumspectè prospiciendum, ne in ea temerè à veritatis via aberrent in examinanda & colligenda traditione, & eam ut traditam non admittant sine examine & demonstratione, juxta modos suprà allatos, quos ostendi


ostendi suprà à n. 181. ad 226. ipsius sensu esse erroneos: & sub prætextu definibilitatis dicit, ut vidimus n. 271. *probari tamen non possunt contineri in Scriptura vel Traditione, v. g. Mysterium Immaculate Conceptionis Beata Virginis, quod quidem ob multas rationes (quasi verò Scriptura, saltém obscura, Traditio, & auctoritates robustissimæ non subessent) susinetur ut verum: sed defectu Scripturæ & Traditionis, de fide esse non potest; ideoque de illa, illius cultus, fessio, &c. ut suprà num. 271. intelligi potest, scripsisse ad Regulam 8. Interea, dum hoc seculum nequam (uti olim in mari periclitantes discipuli) dormiente Domino, permittitur agitari, valdè cautè & circumspectè prospiciendum est, ne temerè à veritatis via aberremus in examinanda & colligenda Traditione, & nihil ut traditum admissum sine examine & demonstratione, juxta modos suprà dictos.*

285. Vide insuper ipsius Regulæ n. 1. & 2. relatas, ac illarum confirmationem Defensionis earum pag. 28. ubi sic: *Cum enim Tyroni Theologo præscriberem per primam Regulam, ut, ne erret, aut seducatur, absque præjudiciis indeterminatus hæreat inter partes Scholasticorum, donec ex ipsis principiis convinatur de veritate. Non poteram tamquam certum & de fide determinatum proponere, quod ex Theologicis principiis necdum constabat, esse infallibiliter definitum. Poterat enim, saltém abstinere ab eo, quod scriberet ad Regulam 8. alii addunt &c. Ad Regulam 7. verò: Ea, quæ præmittuntur &c. quorum prius est satis confutatum suprà Exam. IV. q. 1. 2. & 3. Uti & posterius hîc tamquam ipsâ Bullâ Alexandri VII. prohibitum.*


286. Ista autem, & quam plurima alia, quæ ex D. Buscumii Instructione ad Tyronem Theologum & ejus Defensione inferre possum, & deberem, cum saniora non sit veritus, appellare sententias perniciosissimas, ita displicent, ut Examine abruptat displicentia, quæ indubiè medullitùs invasit ejus Magistros, fautores, & Patronos, qui nolebant sua secreta sic evulgari, sed occultari, donec tritico supererevissent zizania: sed hæc misericors Deus, per Libellorum D. Buscumii inopinatam evulgationem, speciali suâ providentiâ impedire voluit.

287. Belle quidem & accommodè in D. Buscumium retorquere potui, & valco, sua omnia Satyrica in me & cæteros Scholasticos, tacito nomine, scommata, quibus suam ad Tyronem Theologum Instructionem fœdavit ubique, & pejoravit, uti satis ex præmissis videre est: sed hæc nihil ad Doctrinam Christianam & Catholicam, quam unice quæro, enixè rogans, ut D. Buscumius audiat, & mecum revereatur Augustini lib. de dono perseverantiae cap. 16. monitum: *Dicatur ergo verum, maxime ubi aliqua questio, ut dicatur, impellit, & capiant, qui possunt, nè fortè cum tacetur propter eos, qui capere non possunt, non solum veritate fraudentur, verum etiam falsitate capiantur, qui verum capere, quo caveatur falsitas, possunt. Et veræ doctrinæ pro Responsis det securitatem, non verò ante se in Antipapistiæ foveam collapsorum temeritatem: si quid verò nimii zeli irreperit, excusare dignetur; quia veræ fidei est, qui nimius esse non potest.*

FINIS.







5-4



